

Ɔtshɔ O'o nɔe Yisu Kristu á Matie sú Tshatshu o'o

Asœke kœdœ Ɔtshɔ O'o nɔe Yisu Kristu á Matie sú. Matie kœdœ lima ayi kœko ngendja lapo á Yisu e lima she, á tshe te anga ayi avwa nœ ye. Matie kœdœ lima uzu Yuda yé anga i'iri ye kœdœ ndje Levi. Tshe sú Ɔtshɔ O'onœ asœke fœ Ayuda. Tshe pa adœke Yisu kœdœ adja Ayi kœshe azu á aayi kœgbara o'o gbara lima o'o tœ upu nœ ye utshunœ ala Ongboro Ayo.

Matie yisœ nœ fœ azu adœke Yisu uzu Nazarete kœdœ Masiya, œshe kœdœ ndje gbozu nœ azu Israyele kashe endje vwaratœ endje tœ ye.

Bukunœ kurutshelœtœ ye atake:

- Uwu aata Yisu œdœ ndje kœzu she (1.1-2.24)
- Akwa nœ Yowane ayi kœza batisimu (3.1-12)
- Batisimu nœ Yisu œdœ kœwu lsu ye 6a lœ kpagagasho (3.13-4.11)
- Akwa nœ Yisu 6a lœ ogo Galilayi (4.12-18.35)
- Ana nœ Yisu ga lœ Yerusaleme (19.1-20.34)
- Lœ udu olo Yisu mindu dœ bisha (7) pa œshɔ: Kœwa ngbanga pa ye œdœ kœwo she (21.1-27.66)
- Kœshe Yisu lœ akuzu (28.1-20)

*Aata Yisu
(Wu 6a tœ Luk 3.23-38)*

¹ Asœke kœdœ i'iri aata Yisu Kristu, ata Davidi á tshe dœ ndje ata Abrayamo.

² Abrayamo zu Izaka, Izaka zu Yakobo, Yakobo zu Yuda ædœ aayanœ.

³ Yuda zu Perese ædœ Zara, ayi endje kœdœ lima Tamare. Perese zu Eserone, Eserone zu Arame.

⁴ Arame zu Aminadabe, Aminadabe zu Nashone, Nashone zu Salma.

⁵ Salma zu Boaz, Rahabe kœdœ lima ayinœ. Boaz zu Obede, Luta kœdœ lima ayinœ. Obede zu Yese.

⁶ Yese zu gbozugo Davidi, yé Davidi zu Salomo tœ yashe á tshe dœ lima awo Uri.

⁷ Salomo zu Robowame, Robowame zu Abiya, Abiya zu Asafe.

⁸ Asafe zu Yozafate, Yozafate zu Yorame, Yorame kœdœ ata Oziase.

⁹ Oziase zu Yotame, Yotame zu Akaze, Akaze zu Ezekiasse.

¹⁰ Ezekiasse zu Manase, Manase zu Amō, Amō zu Yoziase.

¹¹ Yoziase zu Yekonia ædœ aayanœ dœ lōndō á endje ko lima azu Israyele gu tœnœ ga tshakudu kanga 6a lœ Babilone.

¹² Manda kœko lima azu Israyele gu tœnœ ga tshakudu kanga 6a lœ Babilone, Yekonia zu Shaletiele, yé Shaletiele zu Zorobabele.

¹³ Zorobabele zu Abiwude, Abiwude zu Eliyakimi, yé Eliyakimi zu Azore.

¹⁴ Azore zu Shadōke, Shadōke zu Akimi, yé Akimi zu Eliwude.

¹⁵ Eliwude zu Eleazare, Eleazare zu Matane, yé Matane zu Yakobo.

¹⁶ Yakobo zu Yozefu akō Mareya ayi Yisu, á endje sœ kœ'e she Kristu.

¹⁷ Ataa, koeto kpøetø Abrayamo øørr ga tø Davidi, uwu aatazu sø ndjokpa dø vana. Koeto kpøetø Davidi øørr ga tø løndø á endje ko lima azu Israyele gu tønø ga tshakudu kanga 6a lø Babilone, uwu aatazu sø ndje ndjokpa dø vana; yé koeto kpøetø løndønø asøømø øørr ga tø køezu Kristu, uwu aatazu sø ndje ndjokpa dø vana.

*Køzu Yisu Kristu
(Wu 6a tø Luk 2.1-7)*

¹⁸ Ndø budu køzu Yisu Kristu sø atake: Ayinø dø Mareya kødø lima koje nø Yozefu. Kashe utshunø adøke endje ngbøtø endje awa bale ga tø øsøønø, tshe gbø nguzu lø awa gbøgbø nø Øtshø Ishiri.

¹⁹ Kjø nø ye dø Yozefu kødø lima uzu á tshe sø ndjii, yé tshe yiyi lima køemitshelø ye ngbi fø azu nene. Tshe yi lima køekatø ye ti lø ubunø.

²⁰ Bata á tshe sø lima køgbe atake, anga andjelu nø Gbozu wuta ga tø ye lø ulu ø pa fø she adøke: «Yozefu, ata Davidi, awa zaza 6ø køza Mareya tø awo zø nene. Gbambanø nene, nguzunø á sø lø ye asøømø to lø gbøgbø nø Øtshø Ishiri.

²¹ Tshe zu bala gbolo yakoshe yé 6ø ta i'iri ye Yisu; gbambanø nene, tshe she bala azu nø ye lø ekperø nø endje.»

²² Æneke kø mbøøøtø endje ataa mbøøø o'onø á Gbozu pa lima lø awa nø ayi køgbara o'o køemboøøtø endje:

²³ «Økpø yawuru ø gbø nguzu yé ø zu gbolo yakoshe
yé endje ta i'iri ye Emanwele.»

Ádá i'iri Emanwele koedoe «Ndjaba awa bale doe azoe.»

²⁴ Loko á Yozefu jo, tshe mboerætoe ye bata á andjelu noe Gbozu mi lima ndi noe foe she, yé oe za Mareya toe awonoe.

²⁵ Kashe tshe ngbongbopa gbaroe olo bale doe she nene ærrr ga toe koezu gbolo yakoshe noe ye ga pa osho, yé á Yozefu ta i'iri Yisu ga pa ye.

2

Agbangba koewusoe ádá angerepe na koewu Yisu

¹ Endje zu Yisu ba loe Beteleme, ba loe ogo Yuda doe londó á Erode doe lima gbozugo. Manda koezu she, agbangba koewusoe ádá angerepe to lima ba toe osho á olo oe wuta toenoe yé oe na. Endje yi lima kumu endje ga loe Yerusaleme,

² yé á yu adoeke: «Gbozugo noe Ayuda á endje zu she ngongo soe kpæta a? 'A wu angerepe noe ye oe wuta ba toe osho á olo oe wuta toenoe, yé á 'a na kægote ga utshu ye.»

³ Loko á gbozugo Erode djindoe upunoe ataa, tsheloe okoro ye ædœ œnœ azu ogo Yerusaleme djigi tshanga ye.

⁴ Tshe vwa osho ndœ agbozu tshapa anganga Ndjaba ædœ aayi koeyisoe awa akwa, yé oe yu endje toe osho á endje li koezu Masiya toenoe.

⁵ Endje gi foe she adoeke: «Ba loe Beteleme, ba loe ogo Yuda. Gbambanoe nene, œneke á ayi kægbara o'o su doeke:

⁶ «Æ6œ Beteleme, loe ogo Yuda, 6œ soesœ adja teasho ugurutœ tshalakpi á soe loe ogo Yuda nene;

gbambance nene, gbozunœ á tshe te bala utshu
azu nœ mœ, azu Israyele,
œ to 6a ndœ zœ.”»

⁷ Dœ tœnœ ataa, Erode vwa osho ndœ agbangba
kœwusœ ádá angerepe lœ ubunœ yé œ yu endje
tœ kœwusœ adja lœkœnœ á angerepe wuta lima dœ
tœnœ.

⁸ Manda nœ, tshe vwa endje ga lœ Beteleme dœ
kœpa fœ endje adœke: «'E na œ yu osho pa upu
nœ gbolo ascœmœ dœ ɔtshœnœ; yé œdœ 'e kœgbo
she, 'e pandœ nœ fœ mœ adœke œmœ ndje, mœ
na kœgote ga utshu ye.»

⁹ Manda kœdji o'o á gbozugonœ pa fœ endje,
endje tetœ awa dœ kœero endje. Ngbewo, endje wu
angerepe á endje wu má utshunœ 6a tœ osho á ɔlœ
œ wuta tœnœ kœna utshu endje, œrrr œ ka 6a pa
osho á gbolonœ sœ lima tœnœ.

¹⁰ Endje sœ lima dœ egerœ yanga manda kœwu
tœnœ.

¹¹ Endje li ga lœ anda yé œ wu kpengbe gbolo dœ
ayinœ, Mareya. Endje gote ga utshu ye yé œ donga
she. Endje kœrœ gbarœ nœ endje yé œ ko makabo
fœ she: Ɔrœ, zuwa yombo œdœ kada mire.

¹² Manda nœ, Ndjaba pa fœ endje lœ ulu adœke
endje kwakwatœ endje ga ndœ Erode nene. Ataa,
endje za anga angbi awa á gu dœ tœnœ ga lœ ogo
nœ endje.

Kœkpa dœ Yisu ga lœ Ezipito

¹³ Lœkœ á agbangba kœwusœ ádá angerepenœ
ascœmœ gu daye, anga andjelu nœ Gbozu bale
wuta ga ndœ Yozefu lœ ulu yé œ pa fœ she adœke:
«Aafo, œ za kpengbe gbolo dœ ayinœ yé œ kpa dœ
endje ga lœ Ezipito. Sœ 6a zœ œrrr œdœ mœ kœpa

fœ 6œ adœeke 6œ gu yekane. Gbambanœ nene, Erode œ para gbolonœ mbœerœ kœwo she.»

¹⁴ Ataa, Yozefu kœalafo, kœza kpengbe gbolonœ œdœ ayinœ potœ ye lœ butshœ yé á kpa ga lœ Ezipito.

¹⁵ Tshe sœ 6a zœ œerrr ga tœ kuzu Erode. Æ sœ ataa, mbœerœ á œeneke á Gbozu pandœ nœ lœ awa nœ ayi kœgbara o'o kœmbœerœtœ endje. Tshe pandœ nœ adœeke: «Mœ e gbolo nœ mœ adœeke tshe wuta lœ Ezipito ye.»

Kœwo aaya agbolo

¹⁶ Lœkœ á Erode wusœ nœ adœeke agbangba kœwusœ ádá angerepe fara œene, ôkô za lima she tœpanœ kpuru. Tshe za o'o adœeke endje wo agbolo yakoshe á ungu endje sœ ga tshakudu ungu bisha lakpi Beteleme œdœ lakpi á sœ dje indirinœ para kœkœ. Ungunœ á tshe ka ga panœ asœmœ sœ lindœ œeneke á agbangba kœwusœ ádá angerepenœ za lima fœ she.

¹⁷ Kœkœ asœmœ mbœerœtœ endje 6ata á ayi kœgbara o'o Yilimiya pa lima adœeke:

¹⁸ «Endje dji tshama á sœ kœwuta tœnœ 6a lœ ogo Rama,
iki œdœ egerœ ditsheloœma.
Rashele dá sœ kœeki agbolo nœ ye,
tshe yiyindœ nœ adœeke endje u œene nene, mbœerœ
agbolo nœ ye tshu kœ ye.»

Ayozeфу fatœ endje kœgu ga lœ ogo Israyele

¹⁹ Manda kuzu Erode, anga andjelu nœ Gbozu bale wuta ga tœ Yozefu lœ ulu 6a lœ Ezipito.

²⁰ Tshe pa fœ she adœeke: «Aalafo œ za gbolo œdœ ayinœ potœ zœ yé œ kwatœ zœ ga lœ ogo

Israyele. Gbambanœ nene, endjeneke á endje sœ lima kœpara awa kœwo gbolonœ tshu ye.»

²¹ Yozefu áalafo, œ za gbolonœ dœ pe ayinœ potœ ye, yé á endje gu ga lœ ogo Israyele.

²² Kashe kœdjindœ nœ adœke Arkelawose dá te gbozugo Yuda manda abanœ dœ Erode, awa kœgu ga zœ za she. Ndjaba yisœ osho fœ she lœ ulu á tshe gitœ ye á gu ga lœ ogo Galilayi.

²³ Tshe na œ sœ 6a lœ ongbo á i'irinœ kœdœ Nazarete. Æ sœ ataa yeka á o'o á aayi kœgbara o'o pa lima kœmbœrœtœ endje. Endje pa lima adœke: «Endje e she bala uzu Nazarete.»

3

*Kœyisœrœ nœ Yowane ayi kœza batisimu
(Wu 6a tœ Mar 1.1-8; Luk 3.1-18; Yow 1.19-28)*

¹ Dœ lœndœnœ asœmœ, Yowane ayi kœza batisimu wuta lima œ sœ kœyisœ œrœ 6a lœ kpagagasho nœ ogo Yuda adœke:

² «'E fatshalœsu 'e, gbambanœ nene, Ogo gbozu nœ tshalafo ndo ye!»

³ Yowane kœdœ uzu á ayi kœgbara o'o Isaya pa lima tœ ye lœkœnœ á tshe pa adœke:

«Anga uzu sœ kœta rawa 6a lœ kpagagasho adœke:

'E guma ala awa Gbozu,

'e yœrœ ala awa ye ndjii!»

⁴ Yowane verœ lima lœba á endje mbœrœ dœ usu shamo, yé œ i lima uwu tshapa lœba á endje mbœrœ dœ œkœ agea ga lœ nguku ye; tshe zi lima ayila yé œ la adja ojoro awaterœ.

⁵ Azu tshalakpi Yerusalemē dōe azu ogo Yuda kō
 œdōe pe azu ogo kō á sōe mashenga dōe ungu
 Yōrdane, na lima ga ndōe ye.

⁶ Endje sōe lima kōepandōe ekperōe nōe endje, yé
 Yowane sōe lima kōeza batisimu fōe endje 6a la
 Yōrdane.

⁷ Yowane wu adōeke Afarisayi œdōe Asadukayi
 ndjoro sōe kōena lima ga tōe œsōe batisimu nōe ye,
 tshe pa fōe endje adōeke: «Ukpulu ekpe ayakoro!
 Uzu dē dá yisōe nōe fōe 'e adōeke 'e kpa awa kōewa
 ngbanga nōe Ndjaba á ndo kōena tōenōe a?

⁸ 'E mbōerōe œrōe á sōe kōema adōeke adja 'e fat-
 shalōsu 'e ye,

⁹ yé 'e papa mbōerōe 'e dōe tōe 'e nene adōeke:
 “Abrayamo kōedōe ata azōe.” Gbambancōe nene,
 mōe sōe kōemindōe nōe fōe 'e adōeke, Ndjaba li kōefa
 badja asōeke tōe aata Abrayamo!

¹⁰ Gonda sōe yindjindjinōe mbōerōe kōevwa dōe
 ɔyɔ tōtōe œshenōe kō ye, ɔyɔ kō á elenōe kōegaga nene,
 endje de yé œ ko va ga tōe owo.

¹¹ Œmōe, mōe sōe kōeza batisimu fōe 'e dōe ungu
 mbōerōe kōema adōeke 'e yapa ɔtshɔ 'e ye. Kashe
 tsheneke á tshe na manda mōe, tshe za bala
 batisimu fōe 'e dōe ɔtshɔ Ishiri œdōe dōe owo. Tshe
 ropa mōe dōe gbɔgbɔ ye, mōe lili kōeka ga utshu ye
 dōe pe kōezu uwu œrada nōe ye nene.

¹² Tshe za tshekara kōepe dōe tshelōe indji ng-
 warōe ga tshaabrōe ye, yé tshe mea indji ngwarōe
 mbōerōe kōekurutshelōe nōe dōe oforo. Tshe gu-
 masōe indji ngwarōe ga la kogba, yé œ ko oforonōe
 va ga tōe owo neke á ru nene.»

Batisimu nōe Yisu

(Wu 6a tōe Mar 1.9-11; Luk 3.21-22)

¹³ Anga ɔɔ bale, Yisu to ɔa lɔe Galilayi yé œ ro ɔa ndœ Yowane ɔa langu Yɔrdane, tshe na ndoo dœ Yowane mbœrœ adœke tshe za batisimu fœ œne.

¹⁴ Yowane yi lima ndœ kœvwaratœ ye, yé á pa adœke: «Æmœ dá li má adœke ɔœ za batisimu fœ mœ, yé ɔœ kpa na ga ndœ mœ adœke mœ za batisimu fœ ɔœ a!»

¹⁵ Kashe Yisu gi fœ she adœke: «Yindœ nœ adœke œ mbœrœtœ ye ngɔngɔnœ asœke ataa. Gbam-banœ nene, mara á li adœke a mbœrœ œrœ á sœ ndjii dœmœ.» Yé Yowane kœyindœ nœ ye.

¹⁶ Manda kœgbɔ batisimu nœ Yisu, tshe wuta langu. Kolœ pe dœ lɔndɔnœ asœmœ, tshalafɔ kɔrɔ ga pa ye, tshe wu ɩshiri nœ Ndjaba œ jerœ ga pa ye ɔata mbepa.

¹⁷ Yé tshama to ɔa lafɔ œ pa adœke: «Tsheneke asœke kœdœ Gbolo nœ mœ á mœ yindœ ye waa, mœ za yanga nœ mœ kɔ ga ndœ ye.»

4

Djaboro wu ɩsu Yisu

(Wu ɔa tœ Mar 1.12-13; Luk 4.1-13)

¹ Manda nœ, ɩshiri nœ Ndjaba to Yisu na toœnœ ga lœ kpagagasho mbœrœ adœke djaboro wu ɩsu ye.

² Manda kœmbœrœ ɔɔ zazu bisha œdœ butshɔ zazu bisha ndœ kœyotshelœma, Yisu sœ lima dœ ogo.

³ Djaboro, ayi kœwu ɩsu, na ndoo dœ she yé œ pa adœke: «Ædœ ɔœ kœdœ Gbolo nœ Ndjaba, pa fœ badja asœke œ fatœ ye tœ mapa.»

⁴ Kashe Yisu gi adœke: «Endje sú ɔa la Buku nœ Ndjaba adœke: “Uzu œ sœ dœ soro kolœ mbœrœ

mapa nene, kashe dœ o'o kɔ á wuta lœ ama Nd-jaba.”»

⁵ Dœ tœnœ ataa, djaboro na dœ she œrrr 6a lœ Yerusaleme á dœ ongbo á sœ yerœ, œ za she tɔ 6a pa kumu Tepelo,

⁶ á œ pa fœ she adœke: «Ædœ 6œ kœdœ Gbolo nœ Ndjaba, i dœ tœ zœ tshiri ga ati. Gbambanœ nene, endje sú 6a la buku nœ Ndjaba adœke:

“Ndjaba œ za awa o'o fœ aandjelu nœ ye mbœrœ 6œ,

endje za 6œ ga ati dœ kane endje mbœrœ á 6œ kœzaza ada zœ tɔ badja nene.”»

⁷ Yé Yisu gi fœ she adœke: «Endje su ndje 6a la Buku nœ Ndjaba adœke: “Wuwu lœsu Gbozu Ndjaba nœ zœ nene.”»

⁸ Djaboro kpa ɔ dœ she œrrr 6a tœ leta kumu ingiri kaga œ ma ogo gbozu tshapashɔ djigi dœ ɔtshœrœ, ndje dœ mokœnœ fœ she,

⁹ yé á pa fœ she adœke: «Mœ ko œrœnœ asœke kɔ fœ 6œ œdœ 6œ kœgote ga utshu mœ mbœrœ kœdonga mœ.»

¹⁰ Yé Yisu kœgi fœ she adœke: «Gitœ zœ ga zœ, Satana! Gbambanœ nene, endje sú 6a la buku nœ Ndjaba adœke: “Donga Gbozu Ndjaba nœ zœ, yé œ za avwala kolœ fœ she tshebabale.”»

¹¹ Ndara tœ asœke, djaboro kœkatœ ye yé. Aandjelu kœgitœ endje ndoo dœ she, yé á kœtetœ kœmbœrœ akwa fœ she.

*Yisu tetœ kœmbœrœ akwa nœ ye 6a lœ Galilayi
(Wu 6a tœ Mar 1.14-15; Luk 4.14-15)*

¹² Lɔkɔ á Yisu dji adœke endje za Yowane ayi kœza batisimu ga lœ kánga, tshe kwatœ ye ga lœ Galilayi.

¹³ Tshe katœ Nazarete ti, œ na kœsœ 6a lœ Karpawumu, ongbo á sœ tœ mangu egerœ ungu adanga nœ Galilayi, 6a lœ ogo Zabulone œdœ pe 6a lœ Nefetali.

¹⁴ Æ sœ lima ataa mbœrœ adœke o'o á ayi kœgbara o'o Isaya pa tœnœ, kœmbœrœtœ endje. Tshe pa o'onœ adœke:

¹⁵ «Ogo Zabulone œdœ Nefetali,
á sœ tœ awa kœro ga la egerœ ungu adanga, 6a
kele ungu Yordane,
ogo Galilayi á angbi azu sœ lœnce ascœmœ!

¹⁶ Azunœ á endje sœ lœ ubu osho ascœmœ,
wu egerœ ingbisho!
Mbœrœ endjeneke á endje sœ lœ ubu osho nœ
kuzu,
ingbisho wuta ga pa endje!»

¹⁷ Pe dœ lœkœnœ ascœmœ, Yisu tetœ kœyisœ œrœ adœke: «'E yapa ɔtshɔ 'e, gbambœnœ nene, Ogo gbozu nœ tshalafo ndo ye!»

*Yisu e ali ayambarœ nœ ye
(Wu 6a tœ Mar 1.16-20; Luk 5.1-11)*

¹⁸ Ɔlɔ bale, Yisu sœ lima kœna tœ mangu egerœ ungu adanga nœ Galilayi, yé œ wu aayazu bisha, Shimu á anga i'iri ye kœdœ Petro œdœ ayancœ dœ Andere á endje dœ lima aayi kœpara ageatshalangu. Endje sœ lima kœvwi gbanda 6a la egerœ ungu adanga.

¹⁹ Yisu pa fœ endje adœke: «'E na manda mœ, mœ fa 'e tœ aayi kœpara azu.»

²⁰ Pe kpœtœ œscœnœ, endje ka lima tœ gbanda nœ endje ti yé œ na manda ye.

²¹ Tshe na lœ ingirinœ, œ kpa wu anga aayazu bisha, Ayakobo dœ ayancœ dœ Yowane, endje kœdœ agbolo nœ Zebedayi. Endje sœ lima lœ agba nœ endje awa bale dœ aba endje dœ Zebedayi, yé œ sœ lima tœ kœguma gbanda nœ endje. Yisu e endje.

²² Pe kpœtœ œsœncœ, endje katœ agba œdœ aba endje ti, yé œ na manda ye.

Yisu yisœ œrœ yé œ she azu

²³ Yisu ro djelœ ogo Galilayi djigi; tshe sœ lima kœyisœ œrœ 6a lœ Sinagoga para. Tshe sœ lima kœmindœ Ɔtshɔ O'o nœ ogo gbozu yé œ sœ lima kœshe azu lœ kœ6a œdœ lœ gbakɪndi nœ endje kɔ.

²⁴ Upu nœ ye za lima ogo Siri djigi, yé endje sœ lima kœna dœ azu á endje sœ lima dœ tshelœ aka kœ6a kɔ fœ she, azu á endje sœ dœ ekpe ishiri pa endje, dœ azu á endje sœ dœ kœ6a ɔkɔ œdœ endjeneke á ada endje tshu. Yé Yisu she lima endje ye.

²⁵ Ukpulu azu ndjoro na lima manda ye: Endje to lima 6a lœ Galilayi, 6a lœ ogonœ á endje e i'irinœ adœke tshalakpi ndjokpa* ascœmœ, dœ azu Yerusaleme ndje dœ ogo Yuda, œdœ endjeneke 6a lœ ogo á sœ 6a kele ungu Yordane.

5

Yisu yisœ œrœ 6a pa kaga (Wu 6a tœ Mar 3.13; Luk 6.12-13,20)

* **4:25** Tshalakpi ndjokpanœ kœdœ ongbo ndjokpa á angbi azu sœ lima lœncœ.

¹ Lɔkɔ á Yisu wu ukpulu azu ascemœ, tshe ɔ ga pa kaga yé œ sœ ga ati. Ayambarœ nœ ye na ga indiri ye,

² yé á tshe tetœ kœyisœ œrœ fœ endje adœke:

Adja yanga

(Wu 6a tœ Luk 6.20-23)

³ «Yanga nœ azu á endje sœ dœ lɔsu nœ oyo, gbambanœ nene, Ogo gbozu nœ tshalafœ kœdœ œnœ endje!

⁴ Yanga nœ azu á endje sœ tœ iki, gbambanœ nene, Ndjaba œ turu ngola endje!

⁵ Yanga nœ azu á endje sœ dœ lɔsu ziti, gbambanœ nene, endje gbɔ bala ogonœ á Ndjaba pa tœnœ!

⁶ Yanga nœ azu á endje sœ dœ adja ogo kœmbœrœ œrœ á sœ ndjii, gbambanœ nene, Ndjaba œ to gbɔgbɔ kœmbœrœ tœnœ fœ endje!

⁷ Yanga nœ azu á endje wu oyo anga endje, gbambanœ nene, Ndjaba œ wu oyo endje!

⁸ Yanga nœ azu á lɔsu endje sœ yerœ, gbambanœ nene, endje wu bala Ndjaba!

⁹ Yanga nœ azu á endje sœ kœmbœrœ adœke kœsœ gee sœ ugurutœ azu, gbambanœ nene, Ndjaba œ e endje agbolo nœ ye!

¹⁰ Yanga nœ endjeneke á endje sœ kœmbœrœ œrœ kanga fœ endje mbœrœ œneke á sœ ndjii; gbambanœ nene, Ogo gbozu nœ tshalafœ sœ mbœrœ endje!

¹¹ Yanga nœ 'e œ kœsœ adœke azu gu 'e, œ mbœrœ œrœ kanga fœ 'e yé œ pa tshelœ áká ekpe o'o kɔ ga tœ 'e mbœrœ upu nœ mœ.

¹² 'E mətœ 'e yé œ sœ dœ egerœ yanga; gbambanœ nene, œrœ tshangbanœ sœ kœkate 'e tœ egerœnœ 6a lafo. Kolœ dœ maranœ ataa, endje mbœrœ ndje lima œrœ kanga fœ aayi kœgbara o'o á endje sœ lima utshu 'e.»

Ingbiri œdœ Ingbisho

(Wu 6a tœ Mar 9.50; Luk 14.34-35; 8.16; 11.33)

¹³ «'E'e kœdœ ingbiri tshapashɔ. Kashe œ kœsœ adœke kœnga ingbiri ka lœnœ ye, endje kpa gi ga lœnœ koto o? Endje kpa li kœmbœrœ tœnœ dœ akwa bale nene. Endje za va e ga ushu, yé azu œ na pa nœ dœ ada endje.

¹⁴ «'E'e kœdœ ingbisho tshapashɔ. Ongbo á sœ 6a pa kaga, œ li kœzatœ ye yiwa tœnœ nene.

¹⁵ Endje tata owo ga tœ miinda mbœrœ kœza ga tshakudu losú nene. Kashe endje za 6a pa gbarœ kœza miinda ga panœ yekane á kœtshi pa azu kɔ á endje sœ lœ anda.

¹⁶ Awa bale ndje, œ li adœke ingbisho nœ 'e tshi 6a utshu azu mbœrœ adœke endje wu ɔtshœrœ á 'e sœ kœmbœrœ tœnœ, yeka á kœdonga Aba 'e á tshe sœ 6a lafo.»

Kœyisœrœ tœ upu nœ awa akwa

¹⁷ «'E gbegbe adœke mœ na kœwo awa akwa œdœ aayi kœgbara o'o nene. Mœ nana kœwo tœnœ œ wo nene, kashe mœ na adœke œneke á endje pa kœmbœrœtœ endje.

¹⁸ Mœ mindœ nœ fœ 'e dœ adjapu adœke: Bata œndœ tshalafœ dœ pe tshapashɔ sœpe kœdi tœnœ, tshakanea a'eara uwu mbeti œneke á endje sú ala buku nœ awa akwa œ 'i nene œerrr ga tœ adœke œrœ kɔ mbœrœtœ ye yekane.

¹⁹ Mbœercœ tœncœ ataa, œdœ uzu kœvwaratœ ye kœliscœ anga awa o'o teasho lœ awa akwanœ asœke yé á sœ kœyiscœ nœ fœ anga azu adœke endje mbœercœ ndje awa bale, uzuncœ asœmœ œ dœ bala aya uzu 6a lœ Ogo gbozu nœ tshalafœ. Kashe uzu á tshe liscœ awa akwanœ yé á yiscœ nœ fœ anga azu adœke endje liscœ nœ, uzuncœ asœmœ œ dœ bala egerœ uzu 6a lœ Ogo gbozu nœ tshalafœ.

²⁰ Mœ sœ kœpa fœ 'e adœke, œdœ 'e kœscœsœ kœmbœercœ œrcœ á sœ ndjii kœropa œncœ aayi kœyiscœ awa akwa œdœ Afarisayi nene, 'e li kœli ga lœ Ogo gbozu nœ tshalafœ nene.»

Kœyiscœrcœ tœ upu nœ ókó

(Wu 6a tœ Mar 11.25; Luk 12.57-59)

²¹ «'E dji adœke endje pa lima fœ aata azœ adœke: “Bœ wo uzu nene. Uzu kœ á tshe wo yangancœ, œ li adœke endje na dœ she ga utshu aayi kœwa ngbanga.”»

²² Yé œmœ, mœ mindœ nœ fœ 'e adœke: «Uzu kœ á tshe kœscœ dœ ókó ga tœ ayancœ, œ li adœke endje na dœ she 6a utshu aayi kœwa ngbanga. Uzu á tshe kœgu ayancœ adœke: “Wuscœrcœ wu”, œ li adœke endje na dœ she 6a lœ anda kœwa ngbanga nœ azu nœ Ndjaba*. Uzu á tshe kœgu ayancœ adœke: “Iyi sœ lœ kumu zœ!” Æ li adœke endje vwi she ga lœ lifelo.»

²³ Ædœ 6œ kœna kœkatœ makabo nœ zœ ga pa ndaba fœ Ndjaba, á 6œ gbetshelœ zœ 6a zœ adœke aya zœ sœ dœ o'o ga tœ zœ,

* **5:22** Ukpulu aayi kœwa ngbanga nœ azu nœ Ndjaba dá Ayuda e lima tœncœ Sanedre

²⁴ katœ makabo nœ zœ ti kpœtœmœ, 6a utshu ndabanœ yé œ na utshunœ œ guma tshagurutœ zœ dœ aya zœ, yeka á kœna kœkatœ makabonœ fœ Ndjaba.

²⁵ «Ædœ 6œ kœsœ dœ upu dœ yanga zœ, pa avwara katsha adœke 6œ djitœ zœ dœ she damba á 'e sœpe tœ ala awa. Ædœ 6œ kœmbœmboerœ ataa nene, tshe za 6œ ga utshu ayi kœwa ngbanga, ayi kœwa ngbanga œ za 6œ fœ aprusu, yé aprusunœ œ za 6œ vwi ga lœ kángá.

²⁶ Mœ mindœ nœ fœ 6œ dœ adjapu adœke, œdœ endje kœvwi 6œ ga lœ kángá, œrrr 6œ ko ngendja á endje di fœ 6œ para kœko yekane á wuta.»

Kœyisœrœ tœ upu nœ kœpara awo uzu

²⁷ «'E dji o'o á endje pa lima adœke: “Bœ para awo uzu nene.”

²⁸ Yé œmœ, mœ mindœ nœ fœ 'e adœke: uzu kœ á tshe kœsœ kœtondœ awo yanganœ dœ ala nœ kœyindœsho, tshe para she ye dœmœ.

²⁹ Yé œdœ 6œ kœsœ kœli ga lœ ekperœ mangba ala zœ á sœ ga tœ kuni zœ, œ li adœke 6œ vwata œ za vwi'i lœ ingirinœ tœ zœ. Gbambanœ nene, œ sœ dœ œtshœnœ mbœrœ 6œ adœke anga œrœ kote zœ bale ndi, tœ œsœnœ adœke endje za undu zœ djigi vwi ga lœ lifelo.

³⁰ Ædœ 6œ kœsœ kœli ga lœ ekperœ mangba kuni zœ, œ li adœke 6œ de œ za vwi'i lœ ingirinœ tœ zœ. Gbambanœ nene, œ sœ dœ œtshœnœ mbœrœ 6œ adœke anga tshakala kane zœ bale ndi, tœ œsœnœ adœke endje za undu zœ djigi vwi ga lœ lifelo.»

*Kæyisææææ tæ upu næ kækurutshelæ totæ
(Wu 6a tæ Mat 19.9; Mar 10.11-12; Luk 16.18)*

³¹ «Endje kpa pa lima adæke: “Ædæ uzu kækatæ awonæ ti, æ li adæke tshe za mbeti kækurutshelæ totæ fæ she.”

³² Yé æmæ, mæ mindæ næ fæ 'e adæke: Uzu kɔ á tshe katæ awonæ ti mbæææ á tshe mbæææ angba budu tshakane ye nene, tshe vwa yashenæ asæmæ ndæ kæmbæææ angba budu. Yé uzu kɔ á tshe to yashe á akænæ katæ ye ti, tshe mbæææ ndje angba budu dæ yashenæ asæmæ.»

Kæyisææææ tæ upu næ kæwa igi

³³ «'E kpa dji o'o á endje pa lima fæ aata azæ. Endje pa lima adæke: “Wawa igi zæ ndæ wala nene, kashe mbæææ æææ á 6æ wa igi zæ 6a utshu Gbozu Ndjaba tæ upunæ.”

³⁴ Yé æmæ, mæ pa fæ 'e adæke 'e wawa igi 'e bale nene. 'E wawa dæ i'iri tshalafæ nene; gbambanæ nene, ætænæ kædæ ngande tshagbozu næ Ndjaba.

³⁵ 'E wawa igi 'e dæ i'iri ɔshɔ nene; gbambanæ nene, ætænæ kædæ osho kæsæ á Ndjaba æ ko ada ye ga tæænæ. 'E wawa igi 'e dæ i'iri Yerusalem nene; gbambanæ nene, ætænæ kædæ ongbo næ egeræ Gbozugo.

³⁶ Adja wawa igi zæ bale dæ kumu zæ nene; gbambanæ nene, 6æ li kæmbæææ adæke anga sukumu zæ bale wuta tæ imbinæ too tæ ubunæ nene.

³⁷ Pa kolænæ “Æ” æ kædæ “Æ”, yé “ææ” æ kædæ “ææ”. Æneke kɔ á 6æ kpa ko ga pa næ asæmæ, æ to 6a ndæ Satana.»

Kæyisærae tæ upu næ kægi ekpera mangba ekpera

(Wu 6a tæ Luk 6.29-30)

³⁸ «'E dji æneke á endje pa lima adœke: “Uzu kœsu ala zœ, 6œ su ndje ala ye; yé uzu kœkɔ iji zœ, 6œ kɔ ndje iji ye.”

³⁹ Yé æmœ, mœ pa fœ 'e adœke 'e gigi ekpera fœ uzu á tshe mbœrae ekpera fœ 'e nene. Ædœ uzu kœda бага zœ ga tœ kuni, fa ænœ gele fœ she yé tshe kpa da ndje.

⁴⁰ Ædœ uzu kœtɔ meza pa zœ fœ ayi kœwa ngbanga adœke æne za læba okoro næ zœ tœ zœ ye, ka ndje tœ yɔgbɔɔ læba næ zœ ti fœ she yé tshe za ndje.

⁴¹ Ædœ uzu kœza 6œ dœ ɔgbɔ adœke 6œ za gbara æ gi dœ æne mangba uwu ada kutu bale, za gbaraenœ æ gi dœ she mangba uwu ada kutu bisha.

⁴² To œrae fœ uzu á tshe esho ndœ œrae tœ zœ. Ædœ uzu kœ'esho ndœ kudá 6a ndœ zœ, vwavwaratœ zœ tœ kœza fœ she nene.»

Kæsœ dœ kæyindæsho ga ndœ ayingba

(Wu 6a tæ Luk 6.27-28,32-36)

⁴³ «'E dji æneke á endje pa lima adœke: “Yindœ yanga zœ yé œ yiangba yingba zœ.”

⁴⁴ Yé æmœ, mœ pa fœ 'e adœke 'e yindœ ayingba 'e, yé œ za avwala fœ Ndjaba mbœrae endjeneke á endje sœ kœmbœrae œrae kanga fœ 'e,

⁴⁵ yeka á 'e kœwuta agbolo næ Aba 'e á tshe sœ 6a lafo. Gbambanœ nene, tshe sœ kœmbœrae adœke ɔɔ næ ye tɔ ga pa aayi kœmbœrae ekpera dœ aayi kœmbœrae ɔtshœrae. Tshe sœ kœmbœrae

ndje adœke yavuru ni ga pa azu á endje sœ ndjii dœ azu á endje sœsœ ndjii nene.

⁴⁶ Gbambancœ nene, œdœ 'e kœyi kolœ ndœ azu á endje yindœ 'e, œrcœ tshangbancœ á 'e gbœ kœdœ gade? Aayi kœko ngendja lapo mbœmbœrcœ ndje dœ tœ endje atamœ nene a?

⁴⁷ Œdœ 'e kœsœ kœbala kolœ aaya 'e, 'e gbe adœke 'e mbœrcœ egerœ œrcœ a? Azu á endje wuwusœ Ndjaba nene mbœmbœrcœ ndje atamœ nene a?

⁴⁸ Ataa, Aba 'e 6a lafo sœ yercœ, e'e ndje 'e sœ 6ata she.»

6

Kœyisœrcœ tœ upu nœ kœto œrcœ fœ aayi oyo

¹ «Ala 'e gbœ tœ mara á 'e sœ kœmbœrcœ dœ akwa nœ Ndjaba tœ ala azu kane. 'E mbœmbœrcœ ɔtshœrcœ á Ndjaba yindœ nœ kolœ adœke azu wu 'e nene. Œdœ 'e kœmbœrcœ ataa, 'e gbœ œrcœ tshangba nœ 6a ndœ Aba 'e á tshe sœ 6a lafo ascœmœ nene.

² Ataa, lœkœ á 6œ kœto œrcœ fœ ayi oyo, 6i6i dœ itshi adœke ala azu kœ sœ ga tœ zœ nene, 6ata á awulapatshœ œ mbœrcœ 6a lœ Sinagoga œdœ 6a tœ ala awa. Endje sœ kœmbœrcœ ataa adœke azu donga œne. Mœ mindœ nœ dœ adjapu fœ 'e adœke: Endje gbœ œrcœ tshangba œncœ endje ye.

³ Kashe œ6œ, œdœ 6œ kœto œrcœ fœ ayi oyo, mbœmbœrcœ adœke gele zœ wusœ œneke á kuni zœ mbœrcœ nene.

⁴ Ataa, œ li adœke œrcœncœ á 6œ to ascœmœ sœpe lœ ubuncœ. Yé Aba zœ á tshe wu œrcœ á mbœrcœtœ endje lœ ubuncœ, œ gi œrcœ tshangbancœ fœ 6œ.»

*Kœyisœrœ tœ upu nœ kœza avwala
(Wu 6a tœ Luk 11.2-4)*

⁵ «Ædœ 'e kœsœ kœza avwala fœ Ndjaba, 'e sœsœ ɓata awulapatshɔ nene. Endje yindœ nœ adœke œne li 6a lœ Sinagoga too œne wuta 6a lœ shangbeda awa, œ ka dœ ada œne yeka á kœza avwala adœke azu kɔ kœwu œne. Mœ pa fœ 'e dœ adjapu adœke: Endje gbɔ œrœ tshangba œnœ endje ye.

⁶ Kashe œ6œ, œdœ 6œ kœyindœ kœza avwala, li ga lœ gbɔshɔ nœ zœ œ tshu manda ga tœnœ, yé œ za avwala fœ Aba zœ á tshe sœ 6a zœ 6a tœ osho á sœ lœ ubunœ. Yé Aba zœ á tshe wusœ œrœ kɔ á sœ lœ ubunœ, œ gi œrœ tshangba nœ fœ 6œ.»

⁷ «Ædœ 'e kœsœ kœza avwala, 'e papa o'o œrrr ɓata azu á endje wuwusœ Ndjaba nene œ pa. Endje sœ kœgbe adœke œdœ œne kœpa o'o œrrr dá Ndjaba œ dji œne dœ ɔtshɔnœ.

⁸ 'E mbœmbœrœ ɓata endje nene; gbambanœ nene, Aba 'e wusœ œneke á 'e sœ dœ ogonœ utshunœ adœke 'e yu she tœnœ.

⁹ 'E wu mara á li adœke 'e za dœ avwala:

“Aba 'a á 6œ sœ 6a lafo,
kaka azu kɔ wusœ nœ adœke i'iri zœ sœ yerœ.

¹⁰ Kaka Ogo gbozu nœ zœ na,
kaka gbetshelœ nœ zœ mbœrœtœ endje 6a pa ɔshɔ ɓata á mbœrœtœ endje 6a lafo.

¹¹ To rœgo á li adœke 'a zi kpesheke fœ 'a.

¹² Djerœndœ ekperœ nœ 'a,
ɓata 'a djerœ ndje ndœ ekperœ nœ endjeneke á endje mbœrœ fœ 'a.

¹³ Yé kakatœ 'a ti adœke 'a li ga lœ kœwu lœsu nene, kashe vwara 'a lœ ekperœ.

[Gbambanœ nene, œðœ køedœ Gbozu, á ðœ søe dœ gbɔgbɔ œdœ mokɔ waa dœ waa. Ame.]”

¹⁴ «Yé œdœ 'e køedjerœendœ ekperœ nœ azu, Aba 'e á tshe søe ða lafo œ djerœ ndje ndœ ekperœ nœ 'e.

¹⁵ Kashe œdœ 'e køedjedjerœendœ ekperœ nœ azu nene, Aba 'e œ djerœendœ ekperœ nœ 'e á 'e mbœrœ bale nene.»

Kœyisœrœ tœ upu nœ kœyotshelœma

¹⁶ «Lɔkɔ á 'e køesœ kœyotshelœma 'e, 'e søesœ dœ oyo ðata á awulapatshɔ œ mbœrœ nene. Endje søe køendi tshatshu endje dœ mara adœke azu kɔ wusœ nœ adœke œne søe kœyotshelœma œne. Mœ mindœ nœ fœ 'e dœ adjapu adœke: Endje gbɔ œrœ tshangba œnœ endje ye.

¹⁷ Kashe œðœ, œdœ ðœ køesœ kœyotshelœma zœ, djutɔ tshatshu zœ, yé œ da kada,

¹⁸ mbœrœ azu kœwuwusœ nœ adœke ðœ søe kœyotshelœma zœ nene. Kashe kolœ Aba zœ á tshe søe ða zœ læ ubunœ, œshe dá wusœ nœ. Œdœ ðœ kœmbœrœ ataa, Aba zœ á tshe wu œrœ á søe læ ubunœ asœmœ, œ to œrœ tshangbanœ fœ ðœ.»

Kœyisœrœ tœ upu nœ kœgbœrœ ða lafo

(Wu ða tœ Luk 12.33-34)

¹⁹ «'E ngbɔngbɔða kœgbœrœ tshapashɔ asœke nene. Gbambanœ nene, ða zœ akɔkɔ œ zi, ngbandji œ ndi kotenœ yé aayi angba œ kavwa manda œ ziangba nœ ye.

²⁰ Kashe 'e ngbɔða kœgbœrœ ða lafo. Gbambanœ nene, ða zœ œdœ akɔkɔ œ zi nene, œdœ ngbandji œ ndi nene, yé aayi angba gugu ndje tœ kœkavwa manda á kœzi angbanœ nene.

²¹ Gbambance nene, osho á kœgbærcœ nœ zœ sœ tœncœ, lœsu zœ œ sœ ndje kpœtœmœ.»

*Miinda nœ undu uzu
(Wu 6a tœ Luk 11.34-36)*

²² «Ala uzu kœdœ miinda nœ undu ye. Œdœ ala zœ kœsœ dœ ɔtshœncœ, undu zœ djigi œ sœ lœ ingbisho.

²³ Kashe œdœ ala zœ kœsœ dœ kœfa, undu zœ djigi œ sœ lœ ubu osho. Ataa, œdœ ingbisho á sœ lœ zœ kœdœ ubu osho, ubu oshonœ asœmœ kpa sœ nari!»

*Ndjaba too ngendja
(Wu 6a tœ Luk 16.13; 12.22-23)*

²⁴ «Uzu bale lili kœembœrcœ akwa fœ agbozu bisha nene. Gbambance nene, œdœ tshe kœeyiangba anga bale, tshe yindœ udu anga. Tshe kœzatœ ye fœ anga bale, tshe titœ ye tœ udu anga. 'E lili kœembœrcœ akwa fœ Ndjaba yé œ kpa za ndje tœ 'e fœ ngendja nene.»

*A za lœsu azœ djigi fœ Ndjaba
(Wu 6a tœ Luk 12.22-31)*

²⁵ «'E wu ádœncœ á mœ mindœ nœ fœ 'e adœke: 'E zaza lœsu 'e ga lafo tœ upu nœ kœziœ œdœ kœendjœrcœ á 'e gbe dœ tœncœ mbœrcœ soro 'e nene, too kœgbe dœ lœba á 'e yindœ kœverœ ga tœ kote 'e nene. Soro uzu roropa kœziœ nene a? Yé undu uzu roropa lœba nene a?

²⁶ 'E tondœ ayanu kane. Endje lulu ngwarœ nene, œ kœkœ ndje œrcœ nene yé œ gugu dœ kogba kœgumasœ rœgo ga lœncœ nene, kashe Aba 'e á tshe sœ 6a lafo sœ kœto kœziœ fœ endje. 'E roropa endje nene a?

²⁷ Æðe ugurutœ 'e, lœ kœgbetshelœ ye, dá li kœza anga olo bale ga pa olo soro ye a?

²⁸ «Yé mboercœ gade á 'e sœ kœza lœsu 'e ga lafo tœ upu nœ lœba a? 'E wu mara á ndakœ leyœ œ wuta dœ tœncœ 6a lœ kindi kane: Æ sœ kœmboercœ akwa nene, œ sœ ndje kœsu lœba nene.

²⁹ Kashe mœ pa fœ 'e adœke, Salomo á tshe dœ lima ayi kœgbœrcœ waa, veverœ lima lœba bale 6ata anga ndakœ leyœncœ asœke nene.

³⁰ Ndjaba dá verœ lœba kpesheke ga tœ gusu á sœ lœ kindi yé 6a mbatsha owo œ ju. Æðœ Ndjaba kœmboercœ ataa ga tœ a'eara œyœ, tshe lili kœko lœba fœ 'e kœropa nœ nene a? 'E'e kœdœ azu á kœyindœrcœ nœ 'e sœ teasho!

³¹ 'E zaza lœsu 'e ga lafo tœ kœyutœ 'e nene adœke: “A zi gade? 'A ndjo gade? 'A verœ lœba gade?”

³² Azu á endje wuwusœ Ndjaba nene dá para œrcœncœ ascœmœ kœ. Kashe Aba 'e á tshe sœ 6a lafo wusœ nœ adœke 'e gbe dœ tœncœ kœ.

³³ 'E para utshuncœ Ogo gbozu nœ Ndjaba, œdœ œrcœ á sœ ndjii 6a utshu Ndjaba, yé udu œrcœ kœkœ, Ndjaba œ to fœ 'e.

³⁴ Ataa, 'e zaza lœsu 'e ga lafo tœ upu nœ œrcœ á mboercœtœ endje 6a mbatsha nene. Tshambatsha sœ ndje dœ upu nœ ye. Olo bale dœ bale sœ dœ o'o nœ ye.»

7

'E wawa ngbanga pa anga 'e nene

(Wu 6a tœ Luk 6.37-38,41-42)

¹ «'E wawa ngbanga pa uzu bale nene, mboercœ á Ndjaba kœwawa ndje ngbanga pa 'e nene.

² Gbambanœ nene, Ndjaba œ wa ngbanga pa 'e ɓata á 'e wa ga pa anga 'e. Adja mara œrœ á 'e li dœ anga 'e dá tshe li ndje dœ 'e.

³ Mbœrœ gade á ɓœ sœ kœtondœ oforo ebe á sœ lœ ala aya zœ yé á gbegbe dœ maɓaya á sœ lœ ala zœ nene a?

⁴ Koto á ɓœ pa fœ aya zœ adœke: “Kaka mœ tshakavwa oforo ebe á sœ lœ ala zœ”, andaa maɓaya sœ lœ œnœ zœ a?

⁵ Wulapatshɔ, tshakavwa maɓaya á sœ lœ ala zœ asœmœ utshunœ œ wu osho ngbi yeka á kœtshakavwa oforo ebe á sœ lœ ala aya zœ.

⁶ «'E toto œrœ neke á sœ yerœ fœ ayavoro nene. Œdœ 'e kœmbœrœ ataa, endje fatshelœtœ endje tœ 'e œ lo 'e. 'E koko agbɔ œrœ tshelœ igi nœ 'e va fœ akɔso nene kparawa adœke endje kœzurutshelœ nœ nene.»

*'E kœyɔndœ œrœ, endje to fœ 'e ye
(Wu ɓa tœ Luk 11.9-13)*

⁷ «'E kœyɔndœ œrœ, endje to fœ 'e ye; 'e kœpara œrœ, 'e gbɔ ye; 'e kœnge manda, endje kɔrɔ fœ 'e ye.

⁸ Gbambanœ nene, uzu kɔ á tshe yɔndœ œrœ, endje to fœ she; tsheneke á tshe para œrœ, tshe gbɔ; yé tsheneke á tshe nge manda, endje kɔrɔ fœ she.

⁹ Œde ugurutœ 'e dá za badja fœ gbolo nœ ye œdœ tshe kœyɔndœ kœzirœ a?

¹⁰ Too œdœ tshe kœyu she ndœ ageatshalangu, tshe za yakoro fœ she a?

¹¹ Ataa, œdœ 'e á 'e dœ akpe azu, 'e wusœ kœto ɔtshœrœ fœ agbolo nœ 'e, yekane Aba 'e á tshe sœ ɓa lafo kœtoto ɔtshœrœ fœ endjeneke á endje yɔndœ nœ ɓa ndœ ye nene a?

¹² «'E mbœrcœ fœ anga 'e ɓata œeneke á 'e yindœ nœ adœeke endje mbœrcœ fœ 'e. Asœ kœdœ œeneke á awa akwa œdœ aayi kœgbara o'o nœ Ndjaba yisœ nœ.»

Awa bisha

(Wu ɓa tœ Luk 13.23-24)

¹³ «'E li tœ aya manda. Gbambancœ nene, manda kœro ga ndœ kuzu sœ tœ egerœnœ, awa kœ li ga zœ sœ ndje ngbi yé azu á endje ro tœncœ lœ ndjoro.

¹⁴ Kashe manda nœ soro á ka nene sœ teasho, awa á ro ga zœ mi dœ gusu yé azu kœro tœncœ mimi.»

Aayi kœgbara o'o nœ wala

(Wu ɓa tœ Mat 12.33; Luk 6.43-44)

¹⁵ «'E sœ dœ gbɔdjela tœ aayi kœgbara o'o nœ wala. Gbambancœ nene, endje sœ kœna ga ndœ 'e ɓata apata kashe lœsu endje sœ ɓata lœsu amuru á endje wo osho.

¹⁶ 'E wusœ endje mbœrcœ akwa tshelœ endje. Gbambancœ nene, endje kɔkɔ ɔtshɔ leyɔ ɓa tœ ekpe ɔyɔ nene, endje kɔkɔ ndje ele fige ɓa tœ batima nene.

¹⁷ ɔtshɔ ɔyɔ kɔ sœ kœzu ɔtshɔ elenœ, yé ɔyɔ á sœ dœ kɔɓa sœ kœzu ndje elenœ tœ ekpenœ.

¹⁸ ɔtshɔ ɔyɔ lili kœzu elenœ tœ ekpenœ nene, yeka ɔyɔ á sœ dœ kɔɓa œ zu ndje ɔtshɔ elenœ nene.

¹⁹ ɔyɔ kɔ á elenœ kœgaga nene, endje de yé œ ko va ga tœ owo.

²⁰ Ataa, 'e wusœ aayi kœgbara o'o nœ wala mbœrcœ akwa tshelœ endje.»

Kœwusœ adja ayambarœ

(Wu ɓa tœ Luk 6.46; 13.25-27)

21 «Ɛ doédœ uzu kɔ á tshe e mœ adœke: “Gbozu, Gbozu”, dá li ga lœ Ogo gbozu nœ tshalafɔ nene, kashe kolœ endjeneke á endje sœ kœmbœerœ œerœ á Aba mœ á tshe sœ ɓa lafo yindœ nœ, dá li ga zœ.

22 Dœ lɔkɔnœ asœmœ, azu ndjoro œ pa bala adœke: “Gbozu, Gbozu”, 'a gbara lima o'o dœ i'iri zœ; 'a gɔrɔ lima ekpe ishiri dœ i'iri zœ; 'a mbœerœ lima afá ndjoro dœ i'iri zœ!

23 Yé mœ pa bala ngbi fœ endje adœke: “Mœ wuwusœ 'e bale nene, e'e doé aayi kœmbœerœ ekperœ, 'e gitœ 'e tœ ala mœ!”»

*Anda bisha
(Wu ɓa tœ Luk 6.47-49)*

24 Yisu kpa pa adœke: «Uzu kɔ á tshe kœdji o'o á mœ totœ kœpa tœnœ asœke yé á za ga tœ akwa, tshe sœ ɓata uzu nœ kœwusœerœ á tshe mɔ anda nœ ye ga pa badja.

25 Yavuru ni, ungu sú yé egerœ yugu na œ za kpikpikpi, kashe andanœ tete nene. Gbambanœ nene, endje mɔ lima kiti andanœ ga pa badja.

26 Kashe uzu kɔ á tshe kœdji o'o á mœ totœ kœpa tœnœ asœke yé á kœzaza ga tœ akwa nene, tshe sœ ɓata ayi indi á tshe mɔ anda nœ ye ga pa mindu.

27 Yavuru ni, ungu sú, egerœ yugu na œ za andanœ yé œ kavwa 'uru ga ati.»

*Tshagbozu nœ Yisu
(Wu ɓa tœ Mar 1.22; Luk 4.32)*

28 Lɔkɔ á Yisu yi lima sœ œerœnœ á ka, azu kɔ ka lima tœ ama ndje ti ɔsɔ tœ mara kœyisœerœ nœ ye.

29 Gbambanœ nene, tshe yi yi lima sœ œerœ ɓata aayi kœyisœ awa akwa nœ endje nene, kashe tshe yi lima sœ nœ ɓata uzu á tshe sœ dœ tshagbozu.

8

*Yisu she anga ayi boroma bale
(Wu 6a tœ Mar 1.40-45; Luk 5.12-16)*

¹ Yisu sœ lima kœetara kaga gu tœncœ yé ukpulu azu sœ kœena manda ye.

² Yé anga ayi boroma bale gitœ ye ndoo dœ she œ gote ga utshu ye, œ pa adœke: «Gbozu, œdœ 6œ kœeyindœ nœ, 6œ mbœercœ adœke mœ wuta yerœ.»

³ Yisu yi kane ye, œ goro she yé œ pa adœke: «Mœ yindœ nœ adœke 6œ wuta yerœ ye.» Petœ œsœncœ, tshe wuta yerœ lœ boroma nœ ye.

⁴ Yé Yisu kœpa fœ she adœke: «Mesho! Papandœ nœ fœ uzu bale nene. Kashe gu œ matœ zœ fœ nganga Ndjaba yé œ to tokóró 6ata á Moyize pa lima ndœ nœ, mbœercœ kœema fœ azu kœ adœke 6œ wuta yerœ ye.»

*Yisu she ayi akwa nœ gbozu tshapa aturugu
(Wu 6a tœ Luk 7.1-10; Yow 4.43-54)*

⁵ Lœkœ á Yisu sœ lima kœeli ga lœ Kaparnawumu, anga gbozu tshapa aturugu tshelœ Roma na ndoo dœ she œ ki fœ she

⁶ adœke: «Gbozu, ayi akwa nœ mœ lo 6a sœenda, ada ye tshu tshakudu ye yé tshe sœ kœewu oyo tœpanœ kpuru.»

⁷ Yisu pa fœ she adœke: «A gu dœ mœ she she.»

⁸ Kashe gbozu tshapa aturuguncœ gi adœke: «Gbozu, mœ sœsœ 6ata azu á 6œ li anda nœ endje nene. Œdœ 6œ kœeyindœ nœ, pa kolœ o'o bale, ayi akwa nœ mœ œ she ye.

⁹ Gbambancœ nene, œmœ ndje, mœ sœ dœ agbozu tshapa mœ yé mœ dœ ndje gbozu tshapa aturugu. Œdœ mœ kœpa fœ anga bale adœke:

“Na”, ngbewo tshe na. Ēdœ mœ kpa kœpa fœ anga adœke: “Na ga mœ”, ngbewo tshe na ga ndœ mœ. Yé œdœ mœ kœpa fœ anga ayi akwa nœ mœ adœke “mbœrœ œeneke”, ngbewo tshe mbœrœ.»

¹⁰ Lɔkɔ á yisu dji o'o á gbozu tshapa aturugu scœmœ pa, tshe katœ ama ye ti ɔsɔ œ pa fœ azu á endje scœ lima kœna manda ye adœke: «Mœ scœ kœmindœ nœ fœ 'e dœ adjapu adœke, mœ gbɔgbɔ anga mara kœyindœrœ asœke ndœ anga uzu bale lœ Israyele nene.

¹¹ Mœ scœ kœpa ndje fœ 'e adœke, azu ndjoro œ to ɔa tœ osho á ɔlɔ œ wuta tœncœ œdœ ɔa tœ osho á ɔlɔ œ li tœncœ, yé œ gbɔ osho kœscœ ɔa pa ndaba ɔa lœ Ogo gbozu nœ tshalafo awa bale dœ Abrayamo, dœ Izaka œdœ pe Yakobo.

¹² Kashe endjeneke á li ma lima adœke endje kœli ga lœ Ogo gbozu nœ Ndjaba, endje vwi endje ga lœ ubu osho ɔa shu. Yé ɔa zœ, endje ki œ zi tshelœ daji endje.»

¹³ Yé Yisu kœpa fœ gbozu tshapa aturugunœ adœke: «Gu ga ndœ zœ, Ndjaba mbœrœ œeneke á ɔœ yœndœ nœ liaka kœyindœrœ nœ zœ ye.» Yé kolœ dœ ada ɔlœncœ asœmœ, ayi akwa nœ gbozu tshapa aturugu she ye.

Yisu she aayi kɔɔa ndjoro

(Wu ɔa tœ Mar 1.29-34; Luk 4.38-41)

¹⁴ Manda nœ, Yisu na ɔa lœ anda nœ Petro, œ gbɔ ayi mbeyancœ, tshe lo ga ati dœ kɔɔa biwa.

¹⁵ Tshe za kane ye, yé kɔɔa biwancœ katœ ye yé. Ayi mbeya Petro áafo œ tetœ kœmbœrœ akwa fœ Yisu.

¹⁶ Dœ lœndɔ á ɔlɔ li, endje na dœ azu ndjoro á ekpe ishiri scœ pa endje fœ Yisu. Tshe gœrɔ ekpe

ishiri pa azunœ asœmœ dœ o'o ama ye, yé œ she ndje anga aayi koɓa kɔ.

¹⁷ Tshe mbœrœ lima ataa mbœrœ o'onœ á Isaya ayi kœgbara o'o nœ Ndjaba pa lima kœmbœrœtœ endje. Tshe pa lima adœke: «Æshe dá ko gbakindi nœ azœ yé á ko koɓa nœ azœ ga pa ye.»

*Azu á endje gbe kœna manda Yisu
(Wu 6a tœ Luk 9.57-62)*

¹⁸ Lɔkɔ á Yisu wu ukpulu azu á endje ndivwiri lima she, tshe za o'o fœ ayambarœ nœ ye adœke œne zu ɓa itshi egerœ ungu adanga.

¹⁹ Anga ayi kœyisœ awa akwa gitœ ye ndoo œ pa fœ she adœke: «Ayi kœyisœrœ, mœ na manda zœ tœ osho kɔ á ɓœ na tœnœ.»

²⁰ Yisu gi fœ she adœke: «Angbangewo sœ dœ anda nœ endje ɓa lœ ɔshɔ, yé ayanu sœ ndje dœ koma endje ɓa lafo, kashe Gbolo nœ uzu gugu dœ osho kœlo tœnœ nene.»

²¹ Anga yambarœ nœ Yisu bale pa fœ she adœke: «Gbozu, za awa fœ mœ, mœ na œ shi aba mœ utshunœ yekane.»

²² Yé Yisu kœgi fœ she adœke: «Na manda mœ, yé œ katœ akuzu endje shi akuzu nœ endje.»

*Yisu rá yugu
(Wu 6a tœ Mar 4.35-41; Luk 8.22-25)*

²³ Yisu ɔ ga lœ agba yé ayambarœ nœ ye ro awa bale dœ she.

²⁴ Ngbangi atake, ndavuru yugu za gu tœnœ kpikpiki pa egerœ ungu adanga, lokonœ na yé ungu yi lima kœtu ga lœ agba. Kashe Yisu lo lima œnœ ye yé.

²⁵ Ayambarœ gitœ endje ndoo dœ she, á jo she lœ olo dœ kæpa dœ ɔgbɔ adœke: «Gbozu, she azœ kane! A tshu ke a!»

²⁶ Yisu gi fœ endje adœke: «Mbœrœ gade á 'e sœ dœ awaa? Kœyindœrœ nœ 'e sœ teasho! Yé tshe kœaafo á kœra yugu œdœ egerœ ungu adanganœ, osho kœyi tá.» ²⁷ Azu kɔkɔ kitœ œsœnœ yé œ sœ lima kæpa adœke: «Uzunœ asœke koedœ dœ? Tshe sœ kæpa o'o fœ yugu œdœ fœ ungu yé œ sœ koedji o'o ama ye!»

*Yisu she azu bisha á ekpe ishiri sœ pa endje
(Wu 6a tœ Mar 5.1-20; Luk 8.26-39)*

²⁸ Lɔkɔ á Yisu yi kumu ye 6a atshi egerœ ungu adanga, 6a lœ ogo nœ Agadaraye, azu bisha á ekpe ishiri sœ pa endje to 6a pa udu yé œ na gu tœnœ ga ndœ ye. Endje nga lima waa dœ mara adœke uzu bale œ li kœsɔ dœ awanœ asœmœ nene.

²⁹ Endje tetœ koeta rawa adœke: «Yisu Gbolo nœ Ndjaba, 6œ yindœ kœmbœrœ œrœ gade tœ 'a a? Bœ na 6a ke kœgaga kumu 'a a? Olo nœ 'a lili damba nene.»

³⁰ Andaa egerœ ukpulu akɔso sœ lima kæpara kœzirœ ndoo kpœmœ.

³¹ Aekpe ishirinœ di tsheloœma endje fœ Yisu adœke: «Ædœ 6œ kœyindœ kœgɔrɔ 'a, vwa 'a, 'a li ga lœ ukpulu akɔso asœ.»

³² Yé Yisu kæpa fœ endje adœke: «'E na zœ!» Endje wuta lœ azu asœmœ yé œ na œ li ga lœ akɔso. Ngbewo akɔso sœmœ ndjoro to 6a pa kaga 'uru 'uru 'uru dœ ɔrɔ tra tœnœ œrrr ga la egerœ ungu adanga, yé œ nduru kɔ ye.

³³ Azu á endje sœ lima kœgbœndœ akɔsonœ kpa ye. Endje kpagu 6a lœ ongbo œ mindœ œrœ kɔ

á mbœrœtœ endje ga tœ azu soemœ bisha á ekpe ishiri sœ pa endje fœ azu.

³⁴ Yé azu tshelœ ongbonœ para kɔkɔ wuta kœgbɔtœ endje dœ Yisu. Lɔkɔ á endje wu she, endje ki fœ she adœke tshe gitœ ye lœ ogo nœ œne ye.

9

Yisu she uzu á ada ye tshu

(Wu 6a tœ Mar 2.1-12; Luk 5.17-26)

¹ Yisu ɔ ga lœ agba, œ zu egerœ ungu adanga yé œ gu ga lœ ongbœ nœ ye.

² Endje za anga uzu á ada ye tshu, á tshe lo ga pa kelekpa, na tœnœ fœ she. Lɔkɔ á Yisu wu kœyindœrœ nœ azunœ asœmœ, tshe pa fœ uzunœ á ada ye tshu adœke: «Sœ dœ gbɔgbɔ, gbolo nœ mœ! Mœ djerœendœ ekperœ nœ zœ ye!»

³ Koedji atamœ, anga aayi kœyisœ awa akwa tetœ kœpa ugurutœ endje dœ tœ endje adœke: «Uzu asœke sœ kœgu œsœ Ndjaba!»

⁴ Kashe Yisu wu lima sœ gbetshelœ nœ endje yé œ pa fœ endje adœke: «Mbœrœ gade á 'e sœ dœ ekpe gbetshelœ tœ lœsu 'e ata a?»

⁵ Edœ mœ kœpa adœke: “Mœ djerœendœ ekperœ nœ zœ”, too mœ kœpa ndje adœke: “Aalafo œ na ana”, o'o neketa dá dœ ɔgbɔ o'o a?»

⁶ Kashe mœ yindœ nœ adœke 'e wusœ nœ adœke: Gbolo nœ uzu sœ dœ gbɔgbɔ pa ɔshɔ tœ koedjerœendœ ekperœ.» Manda nœ, tshe kœpa fœ uzu á ada ye tshu asœmœ adœke: «Aalafo, za kelekpa nœ zœ yé œ gu ga ndœ zœ!»

⁷ Uzunœ asœmœ kœalafo á kœgu ga lœ anda nœ ye.

⁸ Lɔkɔ á ukpulu azu wu ataa, awa litœ endje yé endje tetœ kœdonga Ndjaba tœ mara gbɔgbɔ neke á tshe to fœ azu.

Yisu e Matie

(Wu 6a tœ Mar 2.13-17; Luk 5.27-32)

⁹ Yisu katœ tshakpœmœ ti yé œ tetœ kœro tœnœ, ngbewo œ wu anga uzu a i'iri ye kœdœ Matie á tshe sœ ga ati 6a lœ anda kœko ngendja lapo. Tshe pa fœ she adœke: «Na manda mœ!» Matie áalafo yé œ na manda ye.

¹⁰ Manda nœ, Yisu sœ lima kœzirœ 6a scœnda nœ Matie. Aayi kœko ngendja lapo ndjoro dœ pe azu kœmbœrœ ekperœ sœ lima kœzi œrœ awa bale dœ she œdœ ayambarœ nœ ye.

¹¹ Afarisayi wu lima ataa œ yu ayambarœ nœ ye adœke: «Mbœrœ gadœ á ayi kœyisœrœ nœ 'e œ zi œrœ tœ œscœnœ bale dœ aayi kœko ngendja lapo œdœ dœ azu kœmbœrœ ekperœ a?»

¹² Yisu dji endje yé œ pa adœke: «Uzu á tshelœ ɔkɔ ye sœ yerœ gbegbe dœ monganga nene, kashe aayi kɔɔa dá gbe dœ she.

¹³ 'E gu œ para ádá o'o á endje sú 6a la buku nœ Ndjaba adœke: “'E sœ dœ lœsu nœ kœwu oyo ga ndœ azu, œtœnœ dá mœ yindœ nœ, kashe tokóró nene.” Gbambanœ nene, mœ nana mbœrœ kœ'e azu neke á endje sœ ndjii nene, kashe mœ na mbœrœ aayi kœmbœrœ ekperœ.»

Yisu tœ upu nœ kœyotshelœma

(Wu 6a tœ Mar 2.18-22; Luk 5.33-39)

¹⁴ Ayambarœ nœ Yowane ayi kœza batisimu na ga ndœ Yisu yé œ yu she adœke: «Mbœrœ gadœ á a'a œdœ Afarisayi, 'a sœ kœyotshelœma 'a kpala

kpala yekane á ayambarœ nœ zœ mboembœerœ ataa nene a?»

¹⁵ Yé Yisu gi fœ endje adœke: «'E gbe adœke azu á endje e endje ndœ angbo totœ œ sœ dœ oyo dœ lœkœ á ayi kœto yashe sœ kpœtœ œsœnœ bale dœ endje a? Æ œ nene! Kashe manda nœ œerrr, lœkœ á endje kœza she tshakane endje dá endje yotshelœma endje.

¹⁶ «Yé Yisu kpa kœpa fœ endje adœke uzu bale zaza tafo lœba œ pi ga pa ongboronœ nene. Gbam-banœ nene, tafo ndœma lœbanœ œ suru tshelœ ongboronœ, yé ogoronœ œ kpa sœ dœ egerœnœ.

¹⁷ Endje susu tafo ipi ga lœ ongboro anga nene. Atamœ nene, tshelœ anga œ 'u, ipinœ œ tu, yé anganœ œ ndi ye. Kashe endje sú tafo ipi ga lœ tafo anga, atamœ œrœ bale œ ndi nene.»

*Anga yawuru yuda œdœ anga yashe kœba indji
(Wu 6a tœ Mar 5.21-43; Luk 8.40-56)*

¹⁸ Lœkœ á Yisu sœ kœpa o'onœ asœmœ fœ endje ataa, anga gbozu nœ Ayuda yikumu ye œ gote ga utshu ye, yé œ pa adœke: «Yawuru nœ mœ tshu ngœngœnœ asœke, kashe na œ to kane zœ ga pa ye yé tshe sœ dœ soro.»

¹⁹ Yisu áalafo yé endje te manda ye, œshe dœ pe ayambarœ nœ ye.

²⁰ Andaa anga yashe bale á tshe sœ lima kœwu oyo dœ kœba indji manda ungu ndjokpa dœ bisha, na djagamanda Yisu œ goro ama lœba ye.

²¹ Tshe sœ lima kœpa 6a lœ ye adœke: «Ædœ mœ kœgoro kolœ ama lœba nœ ye, mœ she ye.»

²² Kashe Yisu fatœ ye œ wu she yé á pa adœke: «Sœ dœ gbœgbœ yawuru nœ mœ! Kœyindœrœ nœ

zœ she 6œ ye.» Yé kolœ dœ ada ɔlœnœ asœmœ,
yashenœ she lœ kœɔa nœ ye yé.

²³ Yisu wuta 6a lœ anda nœ gbozunœ asœmœ.
Lœkœ á tshe wu aayi kœ'uru ngbake œdœ ukpulu
azu á endje sœ kœta rawa,

²⁴ tshe pa adœke: «'E wuta ga shu, gbambanœ
nene, yawurunœ asœke tshutshu nene. Tshe sœ
tœ olo.» Kashe endje sœ lima kœmœ she.

²⁵ Lœkœ á endje gœrœ ukpulu azunœ ga ushu, Yisu
li 6a tœ osho á gbolonœ sœ tœnœ, œ za kane ye yé
tshe áalafo.

²⁶ Yé o'onœ za tshelœ ogo djigi.

Yisu she aayibula bisha

²⁷ Lœndœ á Yisu katœ tshakpœtœmœ ti á sœ kœro
tœnœ, anga aayibula bisha te manda ye dœ rawa
adœke: «Wu oyo 'a, Gbolo nœ Davidi!»

²⁸ Lœkœ á Yisu wuta 6a lœ anda, aayibulanœ
bisha na ndoo dœ she yé tshe yu endje adœke:
«Adja 'e yindœ nœ adœke mœ mbœrœ ala 'e œ kœrœ
a?» Endje gi fœ she adœke: «Æ, Gbozu.»

²⁹ Yisu to kane ye ga pa ala endje yé œ pa adœke:
«Kaka œ mbœrœtœ ye fœ 'e liaka kœyindœrœ nœ
'e.»

³⁰ Yé ala endje kœrœ. Á Yisu kœpa fœ endje dœ
œgbœ adœke: «'E dji mœ dœ ɔtshœnœ, 'e papandœ
nœ fœ uzu bale nene!»

³¹ Kashe endje wuta, œ pandœ o'o nœ Yisu lœ
ogonœ djigi.

Yisu she uzu bale á tshe papa o'o nene (Wu 6a tœ Luk 11.14-15)

³² Lɔkɔ á endje yi lima ndœ kœwuta toẽnœ, endje na dœ anga uzu á tshe papa o'o nene fœ she. Tshe sœ lima dœ ekpe ishiri pa ye.

³³ Yé Yisu gɔrɔ ekpe ishirinœ pa ye, á tshe tetœ kœpa o'o. Ukpulu azu ki lima tœ œsœnœ, œ pa adœke: «'A wuwu ɓalima mara anga œrœ atake bale lœ Israyele nene!»

³⁴ Kashe Afarisayi pa lima adœke: «Gbozu tshapa aekpe ishiri dá to gbɔgbɔ kœgɔrɔ dœ ekpe ishiri fœ she asœmœ!»

Yisu wu oyo ukpulu azu

(Wu ɓa tœ Mar 6.6b,34; Luk 10.2)

³⁵ Yisu na lima dje lœ ongbo œdœ dje lakpi kɔ, tshe sœ lima kœyisœ œrœ ɓa lœ Sinagoga nœ endje. Tshe sœ lima kœyisœ ɔtshɔ O'o nœ Ogo gbozu nœ Ndjaba yé œ sœ lima kœshe azu lœ aka kɔɓa kɔ œdœ lœ gbakindi kɔ.

³⁶ Kœwu ukpulu azu, tshe sœ lima dœ oyo tœ lœsu ye. Gbambanœ nene, endje mɔ lima lœ gbetshelœ nœ endje yé œ gugu lima dœ gbɔgbɔ nene ɓata apata á aayi kœgbɔndœ endje gugu nene.

³⁷ Yé tshe kœpa fœ ayambarœ nœ ye adœke: «Leyɔ doro ndjoro lœ kindi, kashe aayi akwa ngbangba nene.

³⁸ Ataa, 'e ki fœ ayengɔ kindinœ adœke tshe kpa vwa anga aayi akwa mboœrœ kœkɔ toẽnœ.»

10

Aayi avwa ndjokpa dœ bisha (12)

(Wu ɓa tœ Mar 3.13-19; Luk 6.12-16)

¹ Yisu e ayambarœ nœ ye ndjokpa dœ bisha asœmœ, œ to gbɔgbɔ kœgɔrɔ dœ ekpe ishiri fœ

endje adœke endje kœgɔrɔ dœ endje yé œ she azu
lœ aka kɔfa kɔ dœ lœ gbakindi kɔ.

² I'iri aayi avwanœ ndjokpa dœ bisha dœke:
Utshunœ kœdœ Shimu á anga i'iri ye kœdœ Petro
œdœ ayanœ dœ Andere. Ajake dœ Yowane á
endje kœdœ agbolo nœ Zebedayi,

³ Filipo œdœ Bartelemi, dœ Toma, dœ Matie ayi
kœko ngendja lapo, dœ Jake gbolo nœ Alefe, dœ
Tade,

⁴ dœ Shimu* uzu kanana, dœ Yudasi Isikariote,
œshe á tshe ka Yisu.

*Yisu vwa aayi avwa nœ ye ndjokpa dœ bisha
(Wu 6a tœ Mar 6.7-13; Luk 9.1-6)*

⁵ Yisu vwa aayi avwanœ ndjokpa dœ bisha dœ
kœza 'o fœ endje adœke: «'E nana œ li ga lœ ogo
nœ angbi azu nene, 'e lili ndje ga lœ ongbo nœ azu
Samariya nene.

⁶ Kashe 'e na ga ndœ apata á endje djingili awa
á endje dœ azu Israyele.

⁷ Tœ awa na tœnœ, 'e mindœ o'o adœke: “Ogo
gbozu nœ tshalafɔ ndo ye!”

⁸ 'E she aayi kɔfa, 'e mbœrœ adœke akuzu kpa
kwatœ endje ga lœ soro, 'e mbœrœ adœke aayi
boroma wuta yerœ, 'e gɔrɔ ekpe ishiri. Bata á 'e
gbɔgbɔ lœ awa nœ ngendja nene, 'e toto ndje lœ
awa nœ kœ'esho ndœ ngendja nene.

⁹ Adja 'e zaza ɔrœ too anga langere ngendja bale
ga lœ uwu tœ 'e nene,

¹⁰ too ngbade kœna dœ ana nene. 'E koko lœba
okoro bisha nene, œdœ œrada, œdœ tshɔngbɔlɔ

* **10:4** Shimunœ asœke sœ lima ugurutœ azu á endje para lima
awa kœgbo lipanda lœ ogo nœ endje.

potœ 'e nene. Gbambancœ nene, ayi akwa li kœgbo
œrcœ tshangba akwa nœ ye.

¹¹ «Lɔkɔ á 'e kœwuta ga lakpi too ga lœ anga
ongbo, 'e para uzu neke á tshe li kœza osho kœsœ
fœ 'e dœ ɔtshɔncœ, yé œ sœ kpcœndœ ye kpcœtœmœ
œrrr ga tœ kœkatœ tshalakpinœ ascœmœ ti.

¹² Lɔkɔ á 'e kœli ga lœ anda nœ uzu, 'e pa adœke:
“Kœsœ gee sœ dœ 'e.”

¹³ Œdœ azu tshascœndancœ kœza osho kœsœ fœ 'e,
kœsœ gee nœ 'e œ sœ dœ endje. Kashe œdœ endje
kœzaza osho kœsœ fœ 'e nene, 'e gi kœsœ gee nœ 'e
pa endje ye.

¹⁴ Yé œdœ azu anga tshalakpi bale too anga
tshascœnda bale kœvwaratœ endje tœ kœza osho
kœsœ fœ 'e, too tœ kœdji o'o ama 'e ye, 'e katœ
tshakpcœtœmœ ti, yé œ gɔrɔ trusha tshada 'e ti
kpcœtœmœ.

¹⁵ Mœ sœ kœpa dœ adjapu fœ 'e adœke, dœ
lɔkɔncœ á Ndjaba œ wa ngbanga pa azu, azu ogonœ
ascœmœ œ gbɔ djofele kœropa œncœ azu Sodomɔ
dœ Gomora.

Œrcœ kanga á sœ kœna tœncœ

(Wu 6a tœ Mar 13.9-13; Luk 21.12-17)

¹⁶ «'E wu! Mœ sœ kœvwa 'e ɔata apata ɔa ugu-
rutœ amuru. 'E sœ dœ gbɔdjela ɔata ayakoro yé œ
sœ dœ œmɔ lɔsu ɔata ambepa.

¹⁷ Ala 'e gbɔ tœ azu. Gbambancœ nene, endje ko
'e na tœncœ ga utshu aayi kœwa ngbanga nœ azu
nœ Ndjaba yé œ sɔ 'e dœ ndjapa ɔa lœ Sinagoga
nœ endje.

¹⁸ Endje ko ndje 'e bala tɔ ɔa utshu agboro ag-
bozu œdœ pe agbozugo mbœrcœ á 'e kœdœ azu

nœ mœ. Ataa, œ za awa fœ 'e adœke 'e pa o'o tœ upu nœ mœ fœ endje, azunœ œdœ endje á endje doédœ Ayuda nene ascœmœ.

¹⁹ Lɔkɔ á endje kœto 'e na tœnœ 6a tœ osho kœwa ngbanga, 'e tɔtɔ lɔsu 'e tœ mara á 'e gi dœ o'o nene. Gbambanœ nene, dœ ada ɔlɔnœ ascœmœ, endje to o'o á li adœke 'e pa fœ 'e.

²⁰ Œ doédœ 'e dá pa o'onœ nene, kashe Ishiri nœ Aba 'e œ pa o'o lœ 'e.

²¹ «Ayazu œ va ɔtɔ ayanœ adœke endje wo she, yé aba kœzu uzu œ mbœrœ ndje ataa fœ gbolo nœ ye; agbolo œ yiangba aayi kœzu endje yé œ ko endje adœke endje wo endje ye.

²² Azu para kɔkɔ œ yiangba 'e mbœrœ i'iri mœ kashe uzu á tshe shi gbi œrrr ga tœ ndɔngɔlɔnœ, Ndjaba œ she she.

²³ Œdœ endje kœmbœrœ œrœ kanga fœ 'e 6a lœ anga ongbo bale, 'e kpa ga lœ anga angbɔnœ. Mœ pa fœ 'e dœ adjapu adœke, Gbolo nœ uzu œ na, damba 'e nana dje lœ ongbo Israyele kɔkɔ nene.

²⁴ «Yambarœ bale roropa ayi kœyisœrœ fœ she nene, yé ayi akwa roro ndje pa gbozu nœ ye nene.

²⁵ Kashe yambarœ œ sœ dœ yanga œdœ endje kœwu she ɔata ayi kœyisœrœ nœ ye, yé ayi akwa œ sœ ndje dœ yanga œdœ endje kœwu she ɔata gbozu nœ ye. Œdœ azu kœna œrrr á e ayengɔ anda Belezebula†, i'iri gadœ dá endje e ga tœ azu tshasœnda nœ ye a?»

*Uzu á endje li kœkpawa ye
(Wu 6a tœ Luk 12.1-27)*

† **10:25** Belezebula kœdœ i'iri djaboro á tshe dœ gbozu tshapa aekpe ishiri.

26 «Awa uzu bale zaza 'e nene. Ćerœ neke kɔ á zatœ endje yiwa tœnœ œ matœ endje ngbi ga shu, yé œeneke kɔ á sœ lœ ubunœ, azu œ wusœ nœ kɔ.

27 O'o á mœ sœ kœpa fœ 'e lœ ubunœ asœmœ, 'e pa tshandœnœ dœ ɔɔ, yé angba o'o á endje sœ kœpa ga lœ utu 'e, 'e pandœ nœ ngbi ga shu.

28 'E kpakpa awa azu á endje wo undu uzu kashe á endje lili kœwo ishiri uzu nene; 'e kpa awa Ndjaba á tshe li kœwo undu uzu œdœ ishiri ye 6a lœ lifelo.

29 Endje kaka a'eara ayanu bisha ndœ kœgbɔ langere ngendja bale nene a? Andaa, anga bale ugurutœ endje œ te ga tœ ɔshɔ nene œdœ Aba 'e kœyiyindœ nœ nene.

30 Kashe e'e, œdœ sukumu 'e, Ndjaba di kɔ.

31 Mbœrœ tœnœ ataa, 'e sœsœ dœ awa nene, gbambanœ nene, 'e ropa a'eara ayanu ye.»

*Kœpa o'o tœ upu nœ Yisu utshu azu
(Wu 6a tœ Luk 12.8-9)*

32 «Uzu kɔ á tshe yindœ nœ 6a tœ ala azu adœke œne kœdœ yambarœ nœ mœ, mœ yi ndje ndœ ye 6a utshu Aba mœ á tshe sœ 6a lafo adœke œshe kœdœ uzu nœ mœ.

33 Kashe tsheneke á tshe 'ea mœ 6a utshu azu, mœ 'ea ndje she 6a utshu Aba mœ á tshe sœ 6a lafo.»

*Kœsœ gee nene kashe ingiri yakamba
(Wu 6a tœ Luk 12.51-53; 14.26-27)*

34 «'E gbegebe adœke mœ na mbœrœ kœza kœsœ gee 6a pa ɔshɔ nene. Mœ nana mbœrœ kœza kœsœ gee nene, kashe mœ na dœ ingiri yakamba.

³⁵ Adjapu, mœ na kœkurutshelœ gbolo yakoshe dœ abanœ, yawuru dœ ayinœ, yashe dœ yininœ dœ yashe.

³⁶ Uzu dœ uzu œ sœ dœ ayingba ye lœ anda nœ ye.

³⁷ Uzu á tshe yindœ abanœ too ayinœ kœropa mœ, tshe lili kœdœ uzu nœ mœ nene. Uzu á tshe kœyindœ gbolo yakoshe too gbolo yawuru nœ ye kœropa mœ, tshe lili kœdœ uzu nœ mœ nene.

³⁸ Uzu á tshe kœza kurushi nœ ye yé á na manda mœ nene, tshe lili kœdœ uzu nœ mœ nene.

³⁹ Uzu á tshe kœyindœ kœgbœndœ soro ye, œ yiwatœ ye yé. Kashe tsheneke á tshe kœyindœ kœetshu mbœrœ mœ, tshe sœ dœ soro.»

Kœgi tshangba œrœ

(Wu 6a tœ Mar 9.41)

⁴⁰ «Uzu neke á tshe kœza osho kœsœ fœ 'e, dá tshe za ndje fœ mœ ye. Uzu neke á tshe kœza osho kœsœ fœ mœ, dá tshe za ndje fœ tsheneke á tshe vwa mœ.

⁴¹ Uzu á tshe kœza osho kœsœ fœ anga ayi kœgbara o'o nœ Ndjaba mbœrœ á tshe kœdœ ayi kœgbara o'o asœmœ, tshe gbœ œrœ tshangbanœ ɓata á Ndjaba sœ kœto fœ ayi kœgbara o'o. Yé tsheneke á tshe za osho kœsœ fœ uzu á tshe sœ ndjii mbœrœ á tshe kœdœ uzu ndjii utshu Ndjaba, tshe gbœ ndje œrœ tshangbanœ ɓata uzu á tshe sœ ndjii.

⁴² Mœ mindœ nœ dœ adjapu fœ 'e adœke, uzu kœ á tshe su ungu kœendjoondjo, œdœ œ kœdœ yashi ziti ungu tshebabale fœ anga aya gbolo lœ agbolonœ asœke mbœrœ á tshe dœ yambarœ nœ mœ, Ndjaba œ to œrœ tshangbanœ fœ she.»

11

*Yowane ayi kœza batisimu vwa azu fœ Yisu
(Wu 6a tœ Luk 7.18-35)*

¹ Lɔndɔ á Yisu za o'o fœ ayambarœ nœ ye nd-jokpa dœ bisha á ka, tshe katœ tshakpœtœmœ ti œ ro kœyisœ œrœ œdœ kœmindœ ɔtshɔ O'o nœ Ndjaba dje lœ ongbo nœ endje.

² Andaa, Yowane ayi kœza batisimu sœ lœ kánga, yé tshe djindœ o'o akwa á Kristu sœ kœembœrœ tœncœ, ngbewo á vwa anga ayambarœ nœ ye

³ kœyu Yisu adœke: «Ɛbœ kœdœ tsheneke á tshe sœ kœna tœncœ a, too 'a kate anga angbi uzu?»

⁴ Yé Yisu kœgi fœ endje adœke: «'E gu œ pandœ œneke á 'e dji yé á wu fœ Yowane adœke:

⁵ Aayibula tetœ kœwu osho, aayi gbada na ana, aayi boroma wuta yerœ, aayi bitu dji o'o, akuzu kwatœ endje ga lœ soro, yé endje mindœ ɔtshɔ O'o fœ aayi oyo.

⁶ Yanga nœ uzu á tshe kakatœ kœyindœrœ nœ ye ga ndœ mœ nene!»

⁷ Lɔndɔ á ayambarœ nœ Yowane gu da ye, Yisu tetœ kœpandœ Yowane fœ ukpulu azu adœke: «Ɛrœ gadœ dá 'e na kœwu tœncœ 6a lœ kpagagasho a? A'eara ɔyɔ á yugu sœ kœmea tœncœ a? Ɛ œ nene.

⁸ Yé œrœ gadœ dá 'e na kœwu tœncœ a? 'E na kœwu anga uzu á tshe verœ ɔtshɔ lœba a? Ɛ œ nene, azu á endje verœ ɔtshɔ lœba sœ 6a lœ anda nœ agbozugo.

⁹ Yé ataa, œrœ gadœ dá 'e na kœwu tœncœ a? 'E na kœwu ayi kœgbara o'o a? Ɛ, mœ mindœ nœ dœ adjapu fœ 'e adœke tshe ropa ayi kœgbara o'o ye.

¹⁰ Gbambance nene, Yowane ayi koeza batisimu koedoe uzu á endje sú o'o tõe upu nõe ye á la buku nõe Ndjaba adoeke: “Moe vwa ayi avwa nõe moe utshu zoe mboercoe koeguma ala awa zoe.”

¹¹ Moe mindoe nõe doe adjapu foe 'e adoeke, ugu-rutoe azu tshapashance asoeke kã, anga uzu bale á tshe ropa Yowane ayi koeza batisimu gugu nene. Andaa, tsheneke á tshe soe teasho á lœ Ogo gbozu nõe tshalafo ropa ye yé.

¹² Koeto tõe lãkã á Yowane ayi koeza batisimu wuta koeyisoe œrcoe œerrr ga tõe kpesheke, Ogo gbozu nõe tshalafo to toro koegercoe tœnce. Aayi gbãgbã dá soe koepara awa nõe koegbotoe nõe.

¹³ Aayi koegbara o'o kã œdœ awa akwa, gbara o'o œerrr ga tõe Yowane.

¹⁴ Yé œdœ 'e koeyindoe koewusoe nõe doe otshance, Yowane koedoe Eliya á endje pa lima ndœ koena she.

¹⁵ Kaka uzu á tshe koeseoe doe utu, tshe dji!

¹⁶ «Moe li azu nõe tshakpesheke doe azu de? Endje liili doe agbolo á endje ka á la wutu koeka œrcoe yé á soe koepa o'o ugurutoe endje adoeke:

¹⁷ “‘A 'uru ngbake foe 'e, kashe 'e vivi ipi nene! 'A á itshi kuzu foe 'e, kashe 'e kiki nene.”

¹⁸ Gbambance nene, Yowane ayi koeza batisimu na yé œ vwaratœ ye tõe kœzi œrcoe œdœ koendjo ipi, endje pa adoeke: “Tshe soe doe ekpe ishiri pa ye!”

¹⁹ Gbolo nõe uzu na œ soe kœzi œrcoe yé œ soe koendjo ipi, endje soe koepa adoeke: “‘E wu makœzirœ, moendjondjo. Angance koedœ kolœ aayi kœko ngendja lapo œdœ azu koembœrcoe ekperœ!” Kashe koewusœtœ nõe Ndjaba soe koematœ ye ndjii lœ awa akwa nõe ye.»

*Kægbagbara osho tœ upu nœ ongbo Galilayi
(Wu 6a tœ Luk 10.13-15)*

²⁰ Yé Yisu tetœ kægbagbara azu tshelœ ongbo á tshe mbœrœ lima afá ndjoro lœncœ; gbambanœ nene, endje yayapa lima otshœ endje nene. Tshe pa fœ endje adœke:

²¹ «Oyo nœ zœ, Koraze! Oyo nœ zœ Betesayida! Gbambanœ nene, œdœ afá á mbœrœtœ endje 6a ndœ 'e kœmbœrœ má tœ endje 6a lœ Tire œdœ 6a lœ Sidona, azu 6a zœ œ verœ má sake, yé œ dja má tshelœ kumu endje dœ vorowo mbœrœ kœma adœke œne fatshalœsu œne ye.

²² Mbœrœ tœncœ ataa, mœ sœ kœmindœ nœ fœ 'e adœke dœ lœkœ kœwa ngbanga, mœ wa o'o tœ œgbœncœ ga tœ 'e kœropa œncœ azu Tire œdœ Sidona.

²³ Yé e'e dœ azu Kaparnawumu, 'e gbe adœke 'e œ œerrr ga lafo zœ a? 'E jœrœ bala œerrr 6a lœ ogo nœ akuzu. Gbambanœ nene, œdœ afá á mbœrœtœ endje 6a ndœ 'e, kœmbœrœ má lima tœ endje 6a lœ Sodomo ataa, ongbœncœ ascœmœ œ sœ má œerrr ga tœ kpesheke.

²⁴ Mbœrœ tœncœ ataa, mœ sœ kœmindœ nœ fœ 'e adœke dœ lœkœ kœwa ngbanga, mœ wa o'o nœ 'e tœ œgbœncœ kœropa œncœ azu ogo Sodomo.»

*'E na ga ndœ Yisu œ yatœ 'e
(Wu 6a tœ Luk 10.21-22)*

²⁵ Dœ lœndœncœ ascœmœ, Yisu pa dœ œgbœ adœke: «Uu Aba, Gbozu nœ tshalafo dœ tshapashœ, mœ gi mershe fœ 6œ mbœrœ á 6œ má ngbi fœ azu á endje wuwusœ œrœ nene adjapu á 6œ za yiwa tœncœ tœ azu kœwusœtœ œdœ agbangba kœwusœrœ.

²⁶ Aba, œbœ dá yindœ nœ adœke œ mbœrœtœ ye ataa.

²⁷ «Aba mœ ko œrœ kœ fœ mœ. Uzu bale wuwusœ Gbolo nene, kolœ Aba dá wusœ ye. Uzu bale wuwusœ Aba nene, kolœ Gbolo dá wusœ ye, œdœ tsheneke á Gbolo yindœ kœma Aba fœ she tako.

²⁸ «E'e dœ azu kœ á 'e mœ dœ kœko ogboro gbarœ, 'e na ga ndœ mœ, mœ ko gbarœnœ lœ kumu 'e dœ 'e yatœ 'e.

²⁹ 'E za ngbongbo awa bale dœ mœ, yé œ li ga lœ lakœ nœ mœ; gbambanœ nene, mœ dœdœ ayi gbakumu nene kashe mœ dœ ayi œmœ lsu. Ataa, 'e li kœyatœ 'e dœ tœ 'e.

³⁰ Ngbongbo nœ mœ gbœgbœ nene, yé gbarœnœ á a za dœ 'e œ li 'e nene.»

12

Yisu kœdœ ayengœ lœkœ sabata

(Wu 6a tœ Mar 2.23-28; Luk 6.1-5)

¹ Manda nœ teasho atake, Yisu ro lima tœ lœ kindi ble dœ anga lœkœ sabata. Ogo li lima tœ ayambarœ nœ ye yé endje tetœ kœverœ ele blenœ asœmœ á sœ kœzi tœnœ.

² Lœkœ á Afarisayi wu ataa, endje pa fœ Yisu adœke: «Wu, ayambarœ nœ zœ sœ kœmbœrœ œrœ á awa akwa vwaratœ ye tœnœ dœ olo sabata!»

³ Yisu gi fœ endje adœke: «'E didi œneke á Davidi mbœrœ lima anga œlœ bale á ogo mi lima she dœ azu nœ ye á tshe na lima tœ awanœ dœ endje nene a?

⁴ Tshe li, œshe œdœ azu nœ ye 6a lœ anda Ndjaba, yé endje zi mapa á endje to dœ tokórœ fœ Ndjaba; mapa má œdœ she œdœ azu nœ ye, endje

lili má kœzi tœnce nene, kashe á sœ kolœ mbœerœ anganga Ndjaba kuti endje.

⁵ Too 'e dîdi ndje 6a la buku awa akwa nene adœke dœ lœkœ sabata, ata anganga Ndjaba sœ kœmbœerœ akwa lœ Tepelo gbaa, endje sœ kœmbœerœ œrœ kpi tœ awa akwa, kashe Ndjaba sœsœ kœwu lœ ala ye 6ata ekperœ nene.

⁶ Andaa mœ sœ kœmindœ nœ dœ adjapu fœ 'e adœke, œrœ á 'e wu asœke, œ ropa Tepelo ye.

⁷ Ædœ 'e kœwu má sœ ádá o'o á endje sú ala buku nœ Ndjaba adœke: “Mœ yindœ nœ adœke, 'e wu oyo anga 'e kashe tokóró nene;” 'e wawa ngbanga pa azu á endje mbœmbœerœ œrœ bale nene.

⁸ Gbambancœ nene, Gbolo nœ uzu kœdœ ayengœ lœkœ sabata.»

Yisu she uzu á kane ye tshu

(Wu 6a tœ Mar 3.1-6; Luk 6.6-11)

⁹ Yisu katœ tshakpœtœmœ ti, œ na œ li ga lœ Sinagoga nœ endje.

¹⁰ Anga uzu bale á kane ye tshu sœ lima kpœtœmœ. Afarisayi yu lima Yisu dœ o'o adœke: «Awa akwa nœ azœ sœ kœyindœ nœ adœke endje she uzu dœ lœkœ sabata a?» Endje yu lima she ataa mbœerœ á kœgbœ awa kœtœ meza pa ye.

¹¹ Yisu gi fœ endje adœke: «Ædœ anga uzu ugu-rutœ 'e kœsœ dœ pata nœ ye tshebabale, á tshe te ga lœ kudu dœ lœkœ sabata, tshe lili kœza she ga ushu nene a?

¹² Uzu ropa pata! Mbœerœ tœnce ataa, awa akwa nœ azœ za awa fœ azœ ndœ kœmbœerœ otshœrœ dœ lœkœ sabata.»

¹³ Yé Yisu kæpa fœ uzunœ á kane ye tshu adœke:
«Yǝrǝ tshelœ kane zœ.» Tshe yǝrǝ tshelœ kane ye,
yé œ gumatœ ye ðata anga tshakalanœ.

¹⁴ Afarisayi gu œ vwarandœ o'o ugurutœ endje
tœ kæpara awa ndœ kœwo Yisu.

Ayi akwa á Ndjaba ke she

¹⁵ Lǝndǝ á Yisu djindœ o'onœ asœmœ, tshe gitœ
ye kpœtœmœ, yé azu ndjoro na manda ye. Tshe
she aayi kǝða kǝ,

¹⁶ kashe œ pa fœ endje dœ ǝgbǝ adœke endje
papa o'o tœ upu nœ œne fœ uzu bale nene.

¹⁷ Tshe mbœrœ lima ataa adœke o'o á Ndjaba pa
dœ awa nœ ayi kœgbara o'o Isaya kœmbœrœ tœ
endje.

¹⁸ Tshe pa lima adœke:

«Wu ayi akwa nœ mœ á mœ ke she dœke,
mœ yindœ ye waa yé mœ sœ dœ yanga mbœrœ
she.

Mœ vwa Ishiri nœ mœ kœjerœ ga pa ye,
yé tshe yisœ ǝtshǝ awa fœ azu tshapashǝ kǝ.

¹⁹ Tshe bœrœtœ ye dœ uzu bale nene,
yé œ ta ndje rawa nene;
endje dji she kæpa o'o tœ ala awa nene.

²⁰ Tshe kavwa tshelœ wara á lu nene,
yé tshe ru miinda á ndoo kœru tœnœ nene,
œrrr ga tœ adœke œneke á sœ ndjii ropa œrœ kǝ
yekane.

²¹ Yé azu kǝ á endje wuwusœ mœ nene œ ko lǝsu
endje ga pa ye.»

Yisu œdœ Belezebula

(Wu 6a tœ Mar 3.22-30; Luk 11.14-23)

²² Endje na dœ anga uzu bale á ala ye bu yé á tshe papa o'o nene fœ Yisu. Tshe sœ lima dœ ekpe ishiri pa ye. Yisu she uzunœ dœ mara adœke tshe tetœ kœpa o'o dœ pe kœwu osho.

²³ Ukpulu azu á endje sœ lima kpœtœmœ, kitœ œsœnœ yé œ sœ lima kœpa adœke: «Uzunœ asœke kœdœ ata Davidi nene a?»

²⁴ Lœkœ á Afarisayi dji endje kœpa o'o ataa, endje pa ngbi adœke: «Belezebula gbozu nœ ekpe ishiri sœ pa ye. Œshe dá za gbœgbœ fœ she tœ kœgœrœ dœ ekpe ishiri pa azu asœmœ!»

²⁵ Kashe yisu wu lima sœ gbetshelœ nœ endje, yé œ pa fœ endje adœke: «Ogo gbozu kœ á azu tshelœnœ kœsœ kœnga koshe ugurutœ endje, tshelœ ogonœ asœmœ œ ndi ye. Œdœ azu tshelœ ongbo bale too lœ bingi bale kœsœ kœnga koshe ugurutœ endje, tshelœ ongbonœ too bingine œ ndi ye.

²⁶ Œdœ Satana kœsœ kœgœrœ œneke á dœ œnœ Satana, asœmœ dá tshe sœ kœnga koshe ga tœ ye dœ tœ ye. Ataa, Ogo gbozu nœ ye œ sœpe koto o?

²⁷ 'E sœ kœpa adœke Belezebula dá to gbœgbœ fœ mœ yeka á mœ sœ kœgœrœ dœ ekpe ishiri. Yé azu nœ 'e gœrœ ndje ekpe ishiri dœ gbœgbœ nœ dœ? Ataa, azu nœ 'e dœ tœ endje œ yisœ nœ adœke 'e te dœ o'o ye.

²⁸ Kashe œdœ mœ kœsœ kœgœrœ ekpe ishiri dœ Ishiri nœ Ndjaba, dá œ sœ kœma adœke Ogo gbozu nœ Ndjaba wuta ga ndœ 'e ye.

²⁹ «Too ndje, œdœ uzu kœyindœ kœli kœko œrœ dœ œgbœ 6a lœ anda nœ uzu nœ gbœgbœ; œ li adœke tshe i she vwagbagba ga tœnœ utshunœ yeka á kœli kœko œrœ nœ ye.

³⁰ Uzu á tshe sœsœ awa bale dœ mœ nene, œshe kœdœ yingba mœ. Yé tsheneke á tshe sœsœ kœti kane mœ adœke 'a ngboŋa azu nene, sœ kœndjɔtshelœ endje.

³¹ Mbœrœ tœnœ ataa, mœ sœ kœmindœ nœ fœ 'e adœke, Ndjaba œ djerœndœ ekperœ nœ azu kœ œdœ pe kœgu œsœ Ndjaba á endje sœ kœgu tœnœ. Kashe tsheneke á tshe kœsœ kœgu œsœ ɔtshɔ Ishiri, Ndjaba œ djerœndœ ekperœ nœ ye nene.

³² Uzu á tshe pa ekpe o'o dœ upu nœ Gbolo nœ uzu, Ndjaba œ djerœndœ ekperœ nœ ye kashe œdœ tshe kœpa ekpe o'o goro œsœ ɔtshɔ Ishiri, Ndjaba œ djerœndœ ekperœ nœ ye bale nene œdœ lœ soro ye pa ɔshɔ œdœ manda kuzu ye.»

Endje wusœ ɔɔ mbœrœ elenœ

(Wu 6a tœ Luk 6.43-45)

³³ «Ædœ ɔɔ kœdœ ɔtshɔ ɔɔ, elenœ œ sœ ndje dœ ɔtshœnœ. Yé œdœ ɔɔ kœdœ ɔɔ á sœ dœ kœŋa, elenœ œ sœ ndje dœ kœŋa. Gbambœ nene, endje wusœ ɔɔ mbœrœ elenœ.

³⁴ Ukpulu ekpe ayakoro! Bata 'e kœdœ aekpe azu asœke, mara gadœ dá 'e li kœpa ɔtshɔ o'o a? Gbambœ nene, o'o á wuta lœ ama uzu to ɔa tœ lœsu ye.

³⁵ ɔtshɔ uzu sœ kœmbœrœ ɔtshœrœ á sœ kœto lœ ɔtshɔ lœsu nœ ye; yé ekpe uzu sœ kœmbœrœ ndje ekperœ á sœ kœto lœ ekpe lœsu nœ ye.

³⁶ Mœ sœ kœmindœ nœ fœ 'e adœke, dœ lœkœ kœwa ngbanga, Ndjaba œ yu azu tœ o'o á endje pa lima ngbilingbili ascœmœ kœ.

³⁷ Gbambœ nene, kolœ lindœ o'o á wuta lœ ama zœ dá ɔœ te dœ o'o too ɔœ te ndje dœ o'o nene.»

Ayuda yindœ kœwu ambára afá

(Wu 6a tœ Mar 8.11-12; Luk 11.29-32)

³⁸ Yé anga aayi kœyisœ awa akwa œdœ anga Afarisayi pa fœ Yisu adœke: «Gbozu, 'a yindœ nœ adœke 6œ ma anga ambára afá bale fœ 'a kane.»

³⁹ Yisu kœgi fœ endje adœke: «Azu nœ tshakpesheke, endje kœdœ aekpe azu yé œ zazatœ endje fœ Ndjaba nene; endje yindœ nœ adœke œne wu anga ambára afá bale. Kashe endje wu œrœ bale nene, kolœ ambára afá á Ndjaba ma lœ awa nœ ayi kœgbara o'o nœ ye dœ Yona asœmœ.

⁴⁰ Gbambanœ nene, 6ata á Yona mbœrœ ɔlɔ votɔ œdœ butshɔ votɔ 6a lœ egerœ ageatshalangu, awa bale Gbolo nœ uzu œ mbœrœ ndje ɔlɔ votɔ dœ butshɔ votɔ lœ ɔshɔ.

⁴¹ Dœ lɔkɔ kœwa ngbanga nœ azu pa ɔshɔ, azu Ninive œ áalafo œ wa o'o ga pa azu nœ tshakpesheke asœke. Gbambanœ nene, azu Ninive fa lima tshalɔsu endje lɔkɔ á endje dji Yona kœmindœ o'o ama Ndjaba. Kashe uzunœ á tshe sœ kpœke asœke ropa Yona ye!

⁴² Dœ lɔkɔ kœwa bala ngbanga, gbozugo yashe tshapa ogo Saba œ wa o'o ga pa 'e. Gbambanœ nene, tshe to 6a tœ ndɔngɔlɔ tshakala ogo pa ɔshɔ á sœ lœ ingirinœ, á na kœdji o'o kœwusœtœ nœ Salomo. Kashe uzunœ á tshe sœ kpœke asœke ropa Salomo ye!»

Kœkwa ekpe ishiri ga lœ uzu

(Wu 6a tœ Luk 11.24-26)

⁴³ «Edœ ekpe ishiri kœgitœ ye pa uzu, tshe sœ kœkɔrɔ na tœnœ djezœ lœ kpagagasho mbœrœ kœpara osho kœsœ tœnœ. Edœ tshe kœgbɔgbɔ osho kœsœ tœnœ nene,

⁴⁴ tshe sœ køpa adœke: “Mœ kwatœ mœ ga lœ anda nœ mœ á mœ wuta lœ nœ.” Kashe lœkœ á tshe køkwatœ ye yé á wu adœke uzu gugu lœ andanœ nene, endje ngbœ tshelœnœ œ guma œrœ tshelœnœ dœ awanœ,

⁴⁵ tshe na œ e anga angbi aekpe ishiri mindu dœ bisha (7) á endje sœ tœ ekpenœ kørosœ ye. Tshe gu dœ endje awa bale œ li ga sœndanœ yé œ gumatœ endje kpœtœmœ. Ataa, oyo á uzunœ asœmœ œ kpa wu œ ropa œneke má utshunœ. Æ sœ ndje awa bale ataa mbœrœ aekpe azu nœ tshakpesheke.»

*Adja ayi Yisu œdœ pe adja aayanœ
(Wu 6a tœ Mar 3.31-35; Luk 8.19-21)*

⁴⁶ Lœndœ á Yisu sœpe lima køpa o'o fœ ukpulu azu atake, ayinœ œdœ pe aayanœ yi kumu endje. Endje ka lima 6a ushu yé œ sœ køpara awa køpa o'o dœ she.

⁴⁷ Yé anga uzu bale køpa fœ Yisu adœke: «Ayi zœ œdœ aaya ka 6a ushu œ yindœ køpa o'o dœ 6œ.»

⁴⁸ Yisu køgi fœ uzunœ asœmœ adœke: «Ædœ dá dœ ayi mœ a? Ædœ dá dœ aaya mœ a?»

⁴⁹ Yé tshe yisœ ayambarœ nœ ye dœ kane ye, œ pa adœke: «'E Wu ayi mœ œdœ aaya mœ, endje dá sœ ati asœke.

⁵⁰ Gbambanœ nene, uzu á tshe sœ køembœrœ œneke á Aba mœ á tshe sœ 6a lafo yindœ nœ, œshe køedœ aya mœ, yingœ mœ too ayi mœ.»

13

*Ndœma toro tœ upu nœ ayi køelu ngwarœ
(Wu 6a tœ Mar 4.1-9; Luk 8.4-8)*

¹ Dœ lókɔnœ asœmœ, Yisu wuta lœ anda œ na kœsœ ga ati ɓa tœ mangu egerœ ungu adanga.

² Ukpulu azu ngbɔtœ endje dje indiri ye á tshe ɔ ga lœ egerœ agba yé á sœ ga ati. Ukpulu azunœ ka lima ɓa tœ mangunœ.

³ Tshe sœ lima kœpa o'o ndjoro lœ ndœma toro, yé œ pa lima fœ endje adœke: «ɔɓ bale, anga uzu na lima ga lœ kindi nœ ye mbœrœ kœlu indji ngwarœ.

⁴ Bata á tshe sœ lima kœlu indji ngwarœnœ, anganœ yo ga tœ ama awa, ayanu wu œ de ye.

⁵ Anganœ yo lima ga lœ oporo badja ɓa tœ osho á ɔsho sœsœ ndjoro tœnœ nene. Indji ngwarœnœ ko lima katsha mbœrœ embe ɔshɔnœ lili lima nene.

⁶ Lɔkɔ á ɔɓ tɔ dœ ɔgbɔ, ungbu ngwarœnœ kɔkɔ œ ɔɔ ye; gbambanœ nene, œshenœ lili waa ga lœ ɔsho nene.

⁷ Anga indji ngwarœnœ yo ga lœ ɔyɔ ishi. ɔyɔ ishinnœ gboro yé œ napa ungbu ngwarœnœ, awa kœgerœ tœnœ gugu nene.

⁸ Kashe anga indji ngwarœ kpa yo ga lœ ɔtsho ɔsho, yé œ zu ɔtsho elenœ: Bale le kama, anganœ le zazu votɔ (60) yé anganœ le ndje zazu bale dœ ndjokpa (30).»

⁹ Yé Yisu kœpa adœke: «Ædœ 'e kœsœ dœ utu, kaka 'e dji!»

Mbœrœ gade á Yisu sœ kœyisœ œrœ lœ ndœma toro a?

(Wu ɓa tœ Mar 4.10-12; Luk 8.9-10)

¹⁰ Ayambarœ gitœ endje ndoo dœ she, œ yu she adœke: «Mbœrœ gade á ɓœ sœ kœpa o'o lœ ndœma toro a?»

¹¹ Tshe gi fœ endje adœke: «Tœ e'e, 'e li œnœ 'e kœwusœ o'o nœ ádá Ogo gbozu nœ tshalafo á zatœ endje yiwa tœnœ ye, kashe anga azu, endje lili kœwusœ nœ nene.

¹² Gbambanœ nene, uzu á tshe sœ dœ œrœ, endje kpa ko anganœ ga pa nœ yé œ ngba tœ ye waa. Kashe tsheneke á tshe kœgugu dœ œrœ nene, endje kpa ko œneke teasho á tshe sœ dœ tœnœ, tœ ye yé.

¹³ 'E wu ádánœ á mœ sœ kœpa o'o fœ endje lœ ndœma toro mbœrœ endje sœ kœwu œrœ kashe endje sœsœ kœwu tœnœ nene, yé endje sœ kœdji o'o kashe endje sœsœ kœdji tœnœ œdœ kœdji tshelœ katanœ kpœrœ nene.

¹⁴ Atamœ, œ mbœrœtœ ye lindœ kœgbara o'o nœ Isaya, á tshe pa adœke:

“'E dji o'o waa kashe 'e dji tshelœ katanœ nene, 'e wu œrœ waa kashe 'e wu nene.

¹⁵ Gbambanœ nene, lœsu azu asœke wuta dœ œgbœnœ adœke;

endje be utu endje ga tœnœ,

endje be ala endje ga tœnœ

mbœrœ á ala endje wuwu osho nene,

mbœrœ á utu endje djidji o'o nene,

mbœrœ á lœsu endje zaza ádánœ kpœrœ nene

yé ataa endje kpa kwa ga ndœ mœ nene

mbœrœ á mœ kœshe endje.”

¹⁶ «Tœ e'e nœ 'e, 'e sœ œnœ 'e dœ yanga gbambanœ nene, ala 'e sœ kœwu osho zœ, yé utu 'e sœ kœdji o'o zœ.

¹⁷ Mœ sœ kœmindœ nœ dœ adjapu adœke, aayi kœgbara o'o ndjoro œdœ azu á endje sœ ndjii gbe ndœ kœwu œneke á 'e sœ kœwu tœnœ, kashe endje

wuwu nene. Endje gbe ndje kœdji œeneke á 'e sœ kœdji tœncœ, kashe endje djidji nene.»

*Ádá ndœma toro nœ ayi kœlu ngwarœ
(Wu 6a tœ Mar 4.13-20; Luk 8.11-15)*

¹⁸ «E'e, 'e dji ádá ndœma toro nœ ayi kœlu ngwarœncœ kane.

¹⁹ Azu á endje pandœ ogo gbozu fœ endje yé á endje sœsœ kœdji tshelœ katanœ nene, endje lœ 6ata ama awa á indji ngwarœ yo ga tœncœ: Satana na œ kakara œeneke á endje lu ga tœ lœsu endje ye.

²⁰ Anga azu sœ 6ata ɔshɔ lœ oporo badja á indji ngwarœ yo ga lœncœ: Endje sœ kœdji o'o yé œ sœ kœyindœ nœ katsha dœ yanga.

²¹ Kashe œshe endje gugu nene. Endje yindœ nœ kolœ kwata œendœ nœ œ di nene, lœkɔ á endje kœtetœ kœwu oyo too endje kœsœ kœembœrcœ œrcœ kanga fœ endje lœ kumu o'o ama Ndjaba, endje ka ngbiri lœ kœyindœrcœ nœ endje nene.

²² Anga endje sœ 6ata indji ngwarœ á yo 6a ugurutoœ ɔyɔ ishi. Endje dji o'o ama Ndjaba kashe ogo œrcœ tshapashɔ œdœ yanga kœgbɔ œrcœ ndjoro á sœ kœfara azu, œ na pa o'onœ yé œ zuzu elencœ nene.

²³ Anga azu sœ 6ata indji ngwarœ a yo ga lœ ɔtshɔ ɔshɔ. Endje sœ kœdji o'o ama Ndjaba yé œ sœ kœdji tshelœ katanœ. Ataa, endje sœ kœzu elencœ: Angancœ kama bale (100), angancœ zazu votɔ yé angancœ ndje zazu bale dœ ndjokpa.»

Ndœma toro tœ upu nœ ekpe gusu

²⁴ Yisu kpa pa anga angbi ndœma toro fœ endje adœke: «Ogo gbozu nœ tshalafœ sœ 6ata anga uzu bale á tshe lu ɔtshɔ ngwarœ ga lœ kindi nœ ye.

²⁵ Dœ anga butsho bale, dœ londō á azu lo lima, anga yingba ye bale na, œ lu ekpe gusu 6a uguru ble yé œ gu daye.

²⁶ Lōkō á blencœ gerœ lima yé á tetœ kœle tœncœ, ekpe gusunœ wuta ndje.

²⁷ Aayi akwa nœ ayengō kindincœ na œ pandœ nœ fœ she adœke: “Gbozu, 6œ lu lima otsho ngwarœ ga lœ kindi nœ zœ, yé ekpe gusunœ kpa to kpœta a?”

²⁸ Tshe gi fœ endje adœke: “Anga yingba bale dá mbœrcœ œrcœncœ ascœmœ.” Yé aayi akwanœ kœyu she adœke: “Bœ yindœ nœ adœke, 'a na œ su ekpe gusunœ ye a?”

²⁹ Tshe gi adœke: “Æ œ nene. Gbambancœ nene, œdœ 'e kœscœ kœsu tœncœ, œ mbœrcœ adœke 'e ngbōda dœ blencœ œ su va 'e.

³⁰ 'E katœ nœ œ gerœ awa bale œrrr ga tœ kœgbō tœncœ, yé dœ lōkō kœkō tœncœ, mœ pa bala fœ aayi kœkō ngwarœ adœke: 'E su ekpe gusunœ utshunœ œ i agbancœ dœ agbancœ mbœrcœ kœkō va ga tœ owo. Manda nœ, 'e ko ble gu tœncœ ga la kogba nœ mœ.”»

Ndœma toro tœ upu nœ ele mutarde

(Wu 6a tœ Mar 4.30-32; Luk 13.18-19)

³¹ Yisu kpa pandœ anga ndœma toro fœ endje adœke: «Ogo gbozu nœ tshalafœ sœ 6ata ele ɔyō á i'irincœ kœdœ mutarde á uzu œ za á lu ga lœ kindi nœ ye.

³² Etœncœ kœdœ leyō á sœ teasho lœ indji ngwarœ kō, kashe œ kœgerœ, œ ropa kako dōngō kō lœ kindi yé œ fa egerœ ɔyō á ayanu sœ kœna kœmō koma endje ga lœ ganeancœ.»

*Ndœma toro tœ upu nœ ɔyɔ kœsuku mapa
(Wu 6a tœ Luk 13.20-21)*

³³ Yisu kpa pa anga angbi ndœma toro fœ endje adœke: «Ogo gbozu nœ tshalafɔ sœ ɓata ɔyɔ kœsuku mapa á anga yashe bale za, á djanga dœ kilo zuwa ble votɔ œrrr adœke zuwa blencœ suku.»

*Ádá á Yisu sœ kœpa o'o lœ ndœma toro dœke
(Wu 6a tœ Mar 4.33-34)*

³⁴ Yisu pa o'onœ kɔ ascœmœ fœ ukpulu azu lœ ndœma toro. Tshe sœ lima kœpa o'o fœ endje kolœ lœ ndœma toro.

³⁵ Tshe mbœrœ lima ataa mbœrœ á o'o á ayi kœgbara o'o gbara lima kœmbœrœtœ endje. Tshe gbara lima adœke:

«Mœ pa bala o'o lœ ndœma toro,
mœ mindœ œrœ á zatœ ye yiwa tœncœ koeto ɓa tœ
ali kœmbœrœ tshapashɔ.»

Yisu mindœ ádá ndœma toro nœ ekpe gusu

³⁶ Manda nœ, Yisu katœ ukpulu azuncœ œ gu ga scœnda. Ayambarœ nœ ye na ndoo dœ she, yé œ yu she adœke: «Mindœ ádá ndœma toro nœ ekpe gusu á sœ ɓa lœ kindi fœ 'a kane.»

³⁷ Yisu gi fœ endje atake: «Uzu á tshe lu ɔtshɔ indji ngwarœ, œshe kœdœ Gbolo nœ uzu.

³⁸ Kindi kœdœ tshapashɔ. ɔtshɔ indji ngwarœ sœ kœma azu neke á endje zatœ endje ga tshakudu ogo gbozu. Ekpe gusu sœ kœma azu neke á endje sœ kœza awa ekperœ.

³⁹ Yingba á tshe lu ekpe gusu kœdœ djaboro. Kœgbɔ ngwarœ kœdœ kœka tshapashɔ; yé aayi kœkɔ ngwarœncœ kœdœ aandjelu.

⁴⁰ Awa bale mara á endje ngbɔ́ɔ́a ekpe gusu ndœ kœsho tœncœ ɓa tœ ala owo, œ sœ ndje awa bale dœ lɔ́kɔ́ nœ kœka tshapashɔ́.

⁴¹ Gbolo nœ uzu œ vwa aandjelu nœ ye, endje gi azu kɔ́ á endje sœ kœfa gbetshelœ nœ anga endje tœ kœyindoœrœ œdœ pe azu á endje sœ kœmbœrœ ekperœ, ga ushu lœ Ogo gbozu nœ Ndjaba.

⁴² Tshe ko endje va ga la owo; ɓa zœ endje ki dœ ngola endje ye yé œ zi tshelœ daji endje gbagbara gbagbara.

⁴³ Kashe endjeneke á endje zatœ endje fœ Ndjaba, endje tshi ɓata ishiri ɔ́lɔ́ ɓa lœ Ogo gbozu nœ Aba endje. Kaka uzu á tshe sœ dœ utu, tshe dji!»

Ayi kœgbɔ́rœ œdœ ɔ́gbɔ́ œrœ tshelœgi

⁴⁴ «Ogo gbozu nœ tshalafœ sœ ɓata ɔ́tshœrœ nœ ngendja á zatœ endje yiwa tœncœ ɓa lœ kindi á uzu gbɔ́ yé á kpa za tshandœncœ yiwa tœncœ. Tshe sœ dœ yanga kœrosœ nœ, œ gu œ ka œrœ nœ ye kɔ́ á tshe sœ dœ tœncœ yé á kwatœ ye á yɔ́ kindinœ ascœmœ.»

⁴⁵ «Ogo gbozu nœ tshalafœ sœ ɓata ayi kœka œrœ á tshe sœ kœpara ɔ́gbɔ́ œrœ tshelœgi.

⁴⁶ Lɔ́kɔ́ á tshe kœgbɔ́ œrœncœ á œsœncœ li, tshe ka œrœ kɔ́ á tshe sœ dœ tœncœ yé œ yɔ́ dœ ɔ́gbɔ́ œrœ tshelœginœ ascœmœ ye.»

Ndœma toro tœ upu nœ gbánda

⁴⁷ «Ogo gbozu nœ tshalafœ kpa sœ ɓata gbánda á endje vwi ga la egerœ ungu adanga yé á sœ kœko tshelœ aka ageatshalangu kɔ́.

⁴⁸ Lɔ́ndɔ́ á kœsu kperœ, aayi kœpara ageatshalangu œ gbota ga tœ mangu, manda nœ endje sœ ga ati mbœrœ kœko ageatshalangunœ lœncœ.

Endje ko ɔtshə endje ga lœ kingi yé œ ko endjeneke á endje lili nene va e.

⁴⁹ Bala kœka ndje tshapashə œ sœ ndje kolœ ataa: aandjelu œ na bala kœkurutshelœ aayi kat-shaləsu dœ aayi ɔtshə azu

⁵⁰ mbœercœ kœko endje va ga la owo. Ba zœ dá azu ndjoro œ kɪ yé á zɪ tshelœ daji endje gbagbara gbagbara.»

Tafo kœgbœrcœ œdœ pe ongboronœ

⁵¹ Yisu yu endje adœke: «'E wusœ ádá o'onœ ascœmœ kɔ yé a?» Endje gi adœke: «Ë.»

⁵² Yé tshe kœpa fœ endje adœke: «Dœ tœncœ ataa, ayi kœyisœ awa akwa kɔ á tshe te yambarœ nœ Ogo gbozu nœ tshalafo, tshe sœ ɓata anga ayengɔ œrcœ á tshe gbɔ tafo œrcœ œdœ pe ongboro œrcœ lœ kœgbœrcœ nœ ye.»

Azu Nazarete gugu dœ kœyindœrcœ ga ndœ Yisu nene

(Wu 6a tœ Mar 6.1-6; Luk 4.16-30)

⁵³ Lɔndə á Yisu pa o'o lœ ndœma toronœ ascœmœ á ka, tshe katœ tshakpœtœmœ tɪ,

⁵⁴ yé œ gu ga lakpi nœ ye. Tshe tetœ kœyisœ œrcœ neke á sœ ndjii ɓa lœ Sinagoga nœ endje yé azu kɔ á endje sœ lima kpœtœmœ, kɪ lima tœ œscœncœ. Endje pa lima adœke: «Tshe gbɔ kœwusœtœ œdœ pe gbɔgbɔ nœ kœmbœrcœ dœ afánœ ascœke kpœta a?»

⁵⁵ Æ dœdœ gbolo nœ ayi kœguma maɓaya dœke nene a? Ayincœ dœdœ Mareya nene a? Jake, Yozefu, Shimu œdœ pe Yuda kœdœ aaya nœ nene a?

⁵⁶ Yé ayingɔnɔe kɔ sɔesɔe ɔa ugurutɔe azɔe nene a? Tshe gbɔ gbɔgbɔnɔe asɔeke kɔ kpɔeta a?»

⁵⁷ Yé ɔerɔenɔe asɔemɔe mbɔerɔe lima adɔeke endje sɔe dɔe kɔeyindɔerɔe ga ndɔe ye nene. Á Yisu kɔepa fɔe endje adɔeke: «Endje lisɔe ayi kɔegbara o'o tɔe osho kɔ, kashe ɔa lakpi nɔe ye ɔedɔe ɔa lɔe bingi nɔe ye, endje lisɔe ye nene.»

⁵⁸ Yisu mbɔembɔerɔe afá ɔa zɔe ndjoro nene kolɔe mangba kɔetshapu kɔeyindɔerɔe nɔe endje.

14

Kuzu Yowane ayi kɔeza batisimu

(Wu ɔa tɔe Mar 6.14-29; Luk 9.7-9)

¹ Dɔe lɔndɔnɔe asɔemɔe, Erode á tshe dɔe lima gbozu tshapa ogo Galilayi, djindɔe ɔeneke kɔ á Yisu mbɔerɔe

² yé ɔe pa fɔe aayi akwa nɔe ye adɔeke: «Yowane ayi kɔeza batisimu dɔemɔe! Ɖshe dá she lɔe akuzu asɔemɔe! Mbɔerɔe tɔenɔe ataa á tshe sɔe dɔe gbɔgbɔ ndɔe kɔefarɔe asɔemɔe.»

³ Andaa, Erode za lima awa adɔeke endje za Yowane ɔe i she dɔe djingiri, yé ɔe vwi she ga lɔe anda kánga mangba Erodiade, awo ayannɔe dɔe Filipo.

⁴ Gbambannɔe nene, Yowane sɔe lima kɔepa fɔe Erode adɔeke: «Ɖ lili adɔeke ɔɔe za Erodiade tɔe awo zɔe nene!»

⁵ Erode yi lima ndɔe kɔewo Yowane kashe awa Ayuda dá sɔe lima kɔeza she. Gbambannɔe nene, endje kɔ, endje wu lima Yowane ɔata ayi kɔegbara o'o tako.

⁶ Ataa, dɔe lɔkɔ angbo olo kɔezu Erode, yawuru nɔe Erodiade vitɔe ye ɔa utshu azu á endje na ndɔe

angbonœ. Tshe za lima yanga foe Erode tɔpanœ kpuru,

⁷ yé Erode dara ama ye adœeke œene to œerœ kɔ á tshe yu œene toenœ foe she ye.

⁸ Tshe dji upu á ayinœ mi foe she yé œ yɔsho ndœ œerœ ɓa ndœ Erode adœeke: «Za kumu Yowane ayi kœza batisimu ga lœ saani foe mœ!»

⁹ Oyo za gbozugo. Kashe kolœ mangba kœdarama ye á tshe dara ɓa utshu azu nœ ye á tshe e endje, tshe za awa adœeke endje za toenœ foe she.

¹⁰ Tshe vwa anga uzu bale adœeke tshe na œ wa kumu Yowane ayi kœza batisimu ɓa lœ anda kánga.

¹¹ Endje za kumu ye ga lœ saani gutœnœ, œ za foe ovoro yawurunœ yé á tshe za foe ayinœ.

¹² Ayambarœ nœ Yowane na œ za lima oko ye á shi. Manda nœ, endje na lima œ pandœ œeneke á mbœœetœ endje ascœmœ foe Yisu.

Yisu to kœziœ foe azu kutu mindu (5.000)

(Wu ɓa tœ Mar 6.30-44; Luk 9.10-17; Yow 6.1-14)

¹³ Lɔkɔ á Yisu dji o'onœ ascœmœ, tshe katœ tshakpœtœmœ ti yé œ ɔ ga lœ egerœ agba mbœœœ kœero ga tœ osho á azu gugu toenœ nene. Kashe ukpulu azu lakpi djezœ dji œsœnœ yé œ na manda ye.

¹⁴ Lɔkɔ á Yisu wuta lœ egerœ agba, tshe wu ukpulu azu ndjoro, œ sœ dœ oyo tœ lɔsu ye mbœœœ endje yé œ tetœ kœshe agbakindi nœ endje.

¹⁵ Dœ lɔndɔ á ɔlɔ te lima tœ kœdi toenœ, ayambarœ nœ Yisu na ndoo dœ she œ pa adœeke: «ɔlɔ

di ye yé oshonœ asœke azu gugu tœnœ nene; gi ukpulu azunœ asœke dœ endje gu ga lakpi œ yœ kœziroœ nœ endje.»

¹⁶ Yisu gi fœ endje adœke: «Ádánœ adœke endje gu, gugu nene. 'E to kœziroœ fœ endje dœ tœ 'e!»

¹⁷ Kashe endje pa fœ she adœke: «'A sœ kolœnœ kpœke dœ mapa mindu œdœ dœ ageatshalangu bisha.»

¹⁸ Yisu kœpa fœ endje adœke: «'E ko rotoœnœ fœ mœ ga mœ.»

¹⁹ Manda nœ, tshe pa fœ ukpulu azunœ adœke endje sœ ga ati ga pa gusu. Tshe ko mapa sœmœ mindu dœ ageatshalangu bisha œ ti ala ye ga lafo, yé œ donga Ndjaba. Tshe kavwa tshelœ mapa œ ko fœ ayambarœ nœ ye, á endje kurutshelœnœ tœ ukpulu azunœ.

²⁰ Uzu dœ uzu zi œrrr kpœtœ ama ogo nœ ye. Ayambarœ ko udunœ á sœpe kperœ kperœ dœ kingi ndjokpa dœ bisha.

²¹ Tœ kœdi ayashe dœ pe agbolo nene, azu á endje zi lima œœœœœ, sœ ga pa œœœœœ ayakoshe kutu mindu (5.000).

Yisu na pa egerœ ungu adanga

(Wu 6a tœ Mar 6.45-52; Yow 6.15-21)

²² Manda nœ atake, Yisu pa fœ ayambarœ nœ ye adœke endje ɔ ga lœ egerœ agba dœ œ zu ga itshi egerœ ungu adanga utshu œne. Andaa, tshe sœpe œœœœœ ye lima kœgi ukpulu azunœ ga manda endje.

²³ Yé manda kœgi ukpulu azunœ asœmœ ga manda endje, tshe ɔ 6a pa kaga mbœœœœœ kœza avwala. Lœkœ á œlœ di, tshe sœpe lima 6a zœ kuti ye;

²⁴ egerœ agba wuta lima lœ ingirɪnœ tœ ɔshɔ ye. Loko sœ lima kœyakpa egerœ agbanœ; gbambanœ nene, yugu sœ lima kœza gu tœnœ dja ga utshunœ.

²⁵ Dœ ɔgbɔ butshɔ, Yisu na pa ɔkɔ ungu dœ ada ye ga ndœ ayambarœ nœ ye.

²⁶ Lɔkɔ á endje wu lima she kœna pa ɔkɔ ungu atake, awa za endje yé endje pa adœke: «Asœke kœdœ ngandoro!» Yé endje ve rawa dœ awa kɔ.

²⁷ Kashe ngbewo, Yisu kœpa fœ endje adœke: «'E sœ dœ gbɔgbɔ, œmœ dœmœ! Awa zaza 'e nene!»

²⁸ Yé á Petro kœpa fœ she adœke: «Gbozu, œ kœdœ adja œbœ dœmœ, za awa adœke mœ na pa ɔkɔ ungu ga ndœ zœ.»

²⁹ Yisu gi fœ she adœke: «Na ga mœ zœ!»

Petro kœjerœ lœ egerœ agba yé œ kœtetœ kœna pa ɔkɔ ungu na tœnœ ga ndœ Yisu.

³⁰ Kashe lɔndɔ á tshe wu adœke yugu rosœ nœ ye, awa za she, tshe tetœ kœnduru tœnœ ga la ungu yé œ ta rawa adœke: «Gbozu, she mœ kane!»

³¹ Ngbewo Yisu kœyi kane ye á kœtepa ye, yé á kœpa fœ she adœke: «Uzu á tshe sœ dœ kœyindœrœ teasho! Mbœrœ gadé á bœ sœ kœshara upu a?»

³² Endje ɔ bibisha ga lœ egerœ agba yé yugu katœ nœ ye.

³³ Ayambarœ á endje sœ lima 6a lœ egerœ agba, gote dœ matshukuda endje ga utshu Yisu yé œ pa adœke: «Adja œbœ kœdœ Gbolo nœ Ndjaba!»

*Yisu she aayi koba 6a lœ ogo Genazarete
(Wu 6a tœ Mar 6.53-56)*

³⁴ Manda kœzu ungunœ, endje wuta ga lœ ogo Genazarete.

³⁵ Azu oshonœ asœmœ wu lima sœ Yisu ye, œ pandœ kœyikumu ye fœ azu dje lœ ogonœ kɔ, yé á endje ko aayi koɓa kɔ natœnœ fœ she.

³⁶ Endje sœ lima kœditshelœma endje fœ she adœke tshe katœ amba ama yɔgbɔɔ lœba nœ ye fœ endje dœ endje goro. Yé endjeneke kɔ á endje sœ lima kœgoro tœnœ, she lima lœ koɓa nœ endje ye.

15

*Yisu œdœ kœyisœrœ nœ alata
(Wu 6a tœ Mar 7.1-13)*

¹ Afarisayi œdœ aayi kœyisœ awa akwa to ɓa lœ Yerusalemœ œ na ga ndœ Yisu, yé œ yu she adœke:

² «Mbœrœ gade á ayambarœ nœ zœ sœsœ kœmbœrœtœ endje liaka o'o ama agbozu Ikrizia nene a? Gbambanœ nene, endje sœsœ kœdjuto kane endje utshu kœzirœ nene.»

³ Yisu gi fœ endje adœke: «Ka e'e a, mbœrœ gade á 'e zaza awa o'o nœ Ndjaba ga tœ akwa nene yé á sœ kœmbœrœtœ 'e lindœ o'o ama alata 'e a?

⁴ Gbambanœ nene, Ndjaba pa adœke: “Li œsœ aba zœ dœ ayi zœ.” Tshe pa ndje adœke: “Tsheneke á tshe kœgu œsœ abanœ too œsœ ayinœ, tshe li kœgbɔ djofele nœ kuzu.”

⁵ Kashe e'e, 'e sœ kœpa adœke uzu kœpa fœ abanœ too fœ ayinœ adœke: “Ærœ á mœ yi má ndœ kœto tœnœ fœ ɓœ kœdœ makabo á mœ gumasœ nœ fœ Ndjaba”,

⁶ uzunœ asœmœ œ lisœ abanœ too ayinœ nene. Ætœnœ ataa á 'e za o'o ama Ndjaba vwi'i, yé á ga kolœ ndœ kœmbœrœ œrœ lindœ o'o ama aata 'e.

⁷ Wulapatsho! Ayi kœgbara o'o Isaya gbara lima o'o dœ otshonœ tœ upu nœ 'e lœkœ á tshe pa adœke:

⁸ “Azu asœ sœ kœlisœ mœ kolœ lœ ama endje, kashe lœsu endje sœ zara tœ mœ.

⁹ Kœdonga osho nœ endje sœ gbambanœ, gbambanœ nene, œrœ á endje sœ kœyisœ nœ kœdœ kolœ o'o á to lœ ama azu.”»

œrœ á fa uzu tœ ayi uburu

(Wu 6a tœ Mar 7.14-23)

¹⁰ Manda nœ, Yisu e ukpulu azu yé œ pa fœ endje adœke: «'E dji yé œ wusœ œneke dœ otshonœ kane:

¹¹ Œ doédœ œrœ á li ga lœ ama uzu dá fa she tœ ayi uburu nene. Kashe œneke á wuta lœ ama ye dá fa she tœ ayi uburu.»

¹² Ayambarœ nœ Yisu kœgitœ endje ga ndœ ye, yé á kœyu she adœke: «'Bœ wusœ nœ adœke o'o zœ za ókó ga tœ lœsu Afarisayi i?»

¹³ Tshe gi adœke: «Oyo kœ á doédœ Aba mœ á tshe sœ 6a lafo dá lu nene, endje sú ye.

¹⁴ 'E katœ endje ye: Endje kœdœ aayibula á endje sœ kœyisœ awa fœ aayibula anga endje. Andaa œdœ ayibula kœsœ kœyisœ awa fœ anga ayibula, endje yo kœkœ bibisha ga lœ kudu.»

¹⁵ Petro za o'o œ pa fœ she adœke: «Mĩndœ ádá o'o nœ asœmœ fœ a'a kane.»

¹⁶ Yisu kœgi adœke: «'E'e ndje, 'e gugu damba dœ kœwusœrœ nene a?

¹⁷ 'E wuwusœ nœ adœke œrœ kœ á li ga lœ ama uzu sœ kœli ga lœ ye, yé manda nœ á tshe nu ga lœ gbakoto nene a?

¹⁸ Kashe œneke á wuta 6a lœ ama uzu to 6a lœsu, yé œtœnœ dá fa she tœ ayi uburu.

¹⁹ Gbambance nene, gbetshelœ nœ kœmbœrœ ekperœ to 6a tœ lœsu uzu, gbetshelœ 6ata: Kœwo azu, kœpara awo azu, kœmbœrœ angba budu, kœzi angba, kœpa ekpe o'o tœ upu nœ uzu dœ pe kœgu osho.

²⁰ Ɛrœ á fa uzu tœ ayi uburu dœ mœ! Kashe utshu kœzi œrœ á 6œ kœdjudjutœ kane zœ nene, œ fa 6œ tœ ayi uburu nene.»

Kœyindœrœ nœ yashe Kanana

(Wu 6a tœ Mar 7.24-30)

²¹ Manda nœ, Yisu áalafo lakpinœ asœmœ, œ gitœ ye ga lœ ogo Tire dœ pe Sidona.

²² Anga yashe Kanana bale á tshe sœ lima kœsœ kpœtœmœ na, yé œ tetœ kœtarawa adœke: «Wu oyo mœ, Gbozu, Gbolo nœ Davidi! Ekpe ishiri sœ kœendanga yawuru nœ mœ tœpanœ kpuru.»

²³ Kashe Yisu gigi o'o bale fœ she nene. Ayam-barœ nœ ye na á ki ga tœ ye adœke: «Gœrœ she ye, mbœrœ tshe sœ kœna manda azœ dœ rawa.»

²⁴ Yisu kœgi adœke: «Endje vwa mœ kolœ fœ agbolo Israyele á endje sœ 6ata apata á endje yiwa.»

²⁵ Kashe yashenœ asœmœ na œ gote ga utshu ye, yé œ pa adœke: «Gbozu, ti kane mœ ga lafo!»

²⁶ Yisu gi adœke: «Ɛ sœsœ dœ ɔtshœnœ kœko kizirœ nœ agbolo mbœrœ kœko tœnœ va fœ aya-voro nene.»

²⁷ Yashenœ gi adœke: «Adjapu Gbozu, kashe aya-voro zi ndœma kœzirœ á yo tœ ama gbozu nœ endje ga tshakudu ndaba kizirœ.»

²⁸ Yé Yisu gi fœ she adœke: «Yashe, kœyindœrœ nœ zœ gerœ waa! Ɛ mbœrœtœ endje fœ 6œ 6ata

á 6œ yindœ nœ.» Yé ngbewo, yawuru nœ ye kœshe pe dœ lœkœnœ asœmœ ye.

*Yisu she azu indiri egerœ ungu adanga
(Wu 6a tœ Mar 7.31)*

²⁹ Yisu wuta lœ ogonœ asœmœ yé œ ro ga tœ mangu egerœ ungu adanga lœ Galilayi. Tshe ɔ ga pa kaga yé œ sœ ga ati.

³⁰ Azu ndjoro na ga ndœ ye. Endje na dœ azu á ada endje ndi, dœ aayibula, dœ aayi vwiriti, dœ aayi bitu, dœ pe anga aayi kôba ndjoro. Endje katœ endje ga utshu Yisu, yé á tshe she endje.

³¹ Azu katœ ama endje ti ɔsɔ lœkɔ á endje wu aayi bitu kœpa o'o; dœ azu á endje ndi, kœshe tœnœ; dœ azu á ada endje ndi, kœna ana; dœ pe azu á ala endje bu, á tetœ kœwu osho. Yé á azu kɔ donga mokɔ nœ Ndjaba nœ Israyele.

*Yisu to kœziœ fœ azu kutu vana
(Wu 6a tœ Mar 8.1-10)*

³² Yisu e ayambarœ nœ ye, œ pa fœ endje adœke: «Oyo azunœ asœ ka mœ waa, gbambanœ nene, endje mbœœ olo votɔ dœ mœ, yé endje gugu dœ kœziœ nene. Mœ yiyindœ kœgi endje dœ ogo nene: Ete nene, endje mbombo tœ ala awa ye.»

³³ Ayambarœ pa fœ she adœke: «A gbɔ má rœgo lœ kpagagashonœ asœke kpœta yeka á kœto fœ endje á endje kœzi, á kœle endje a?»

³⁴ Yisu yu endje adœke: «'E sœ dœ mapa koto o?» Endje gi fœ she adœke: «Mindu dœ bisha dœ pe a'eara ageatshalangu teasho.»

³⁵ Yé á tshe kœpa fœ ukpulu azunœ asœmœ adœke endje lœ ga tœ ɔshɔ.

³⁶ Tshe ko mapa mindu doe bisha doe pe ageat-shalangunoe oe donga Ndjaba, oe ko foe ayam-baroe, ye á ayambaroe koekurutsheloe noe toe ukpulu azunoe.

³⁷ Uzu dœ uzu zi œrrr œ le she kpoetœ ama ogo
nœ ye. Ayambarœ rœ ama udu roego á soepe ga lœ
kingi mindu dœ bisha (7).

³⁸ Andaa, azu á endje zi lima œœœœœœ œœ ayakoshe kutu vana, endje didi ayashe dœ agbolo nene.

³⁹ Manda kœgi azu gangba endje, Yisu ɔ ga lœ egerœ agba yé œ ro ga lœ ogo Magadane.

16

*Afarisayi ædæ Asadukayi yændæ ambárá afá
bale 6a ndæ Yisu*

(Wu 6a tœ Mar 8.11-13; Luk 12.54-56)

¹ Afarisayi dœ Asadukayi na ga ndœ Yisu œ tetœ
koegi uku ga tœ awa ye. Endje yu she adœke tshe
ma anga ambárá afá tœ koema adœke œ to 6a lafo.

² Yisū gi fœ endje adœke: «Dœ adila, 'e sœ kœpa adœke: “Yavuru œ ni nene, mboerœ tshalafœ sœ tshee.”

³ Yé pe dœ amazi tuu, 'e sœ kœpa adœke: “Kpesheke yavuru œ ni zœ, mbœrœ tshalafo bu shoshosho.” Ataa 'e wusœ kœpandœ mara á tshalafo sœ dœ toenœ ye, kashe 'e lili kœpandœ ambará noœ œrœ noœ tshakpesheke asœ nene.

⁴ Azu nœ tshakpesheke á endje dœ aekpe azu yé á zazatœ endje fœ Ndjaba nene, sœ kœyœndœ ambará! Kashe endje wu anga angbi ambará bale nene, kolœ œnœ Yona œ ka ye. Manda nœ, tshe katœ endje ti kpœtoœmœ yé œ ro daye.»

*Kœyisœrœ nœ Afarisayi œdœ Asadukayi
(Wu 6a tœ Mar 8.14-21)*

⁵ Lɔkɔ kœzu ayambarœ ga itshi kota, œndœ kœko kœzirœ djerœ endje ye.

⁶ Yisu kœpa fœ endje adœke: «Ala 'e gbɔ dœ ɔyɔ kœsuku mapa nœ Afarisayi dœ pe Asadukayi kane.»

⁷ Ayambarœnœ te lima tœ kœpa ugurutœ endje adœke: «Tshe sœ kœpa ataa mbœrœ á a nana dœ mapa nene.»

⁸ Kashe Yisu wu lima sœ gbetshelœ nœ endje, yé œ pa fœ endje adœke: «E'e dœ azu á kœyindœrœ nœ 'e sœ teasho, mbœrœ gadœ á 'e sœ kœyutœ 'e ugurutœ 'e adœke 'e gugu dœ mapa nene a?

⁹ Œrrr kpesheke, 'e wuwu damba sœ œrœ nene a? Œndœ mapa mindu á 'e kurutshelœ nœ tœ azu kutu mindu (5.000) œdœ kingi kotoo á 'e ko lima dœ udunœ, djerœ 'e ye a?

¹⁰ Œndœ mapa mindu dœ bisha (7) á 'e kuru lima tshelœ nœ tœ azu kutu vana œdœ kingi kotoo á 'e ko lima dœ udunœ, djerœ 'e ye a?

¹¹ Mbœrœ gadœ á 'e wuwusœ nœ adœke mœ sœsœ lima kœpa o'o tœ mapa fœ 'e nene lɔkɔ á mœ sœ lima kœpa fœ 'e adœke: Ala 'e gbɔ tœ ɔyɔ kœsuku mapa nœ Afarisayi dœ Asadukayi a?»

¹² Yé á ayambarœnœ kœwusœ nœ adœke tshe papa o'o tœ upu nœ kœsœ dœ gbɔdjela tœ ɔyɔ kœsuku mapa nene, kashe tshe pa tœ kœyisœrœ nœ Afarisayi dœ pe Asadukayi.

*Petro mindœ nœ adœke Yisu kœdœ Kristu
(Wu 6a tœ Mar 8.27-30; Luk 9.18-21)*

¹³ Lɔkɔ á Yisu yi kumu ye ga lœ ogo Sezaré, ogo gbozu Filipino, tshe yu ayambarœ nœ ye adœke:

«Azu sœ kæpa má kotoo tœ upu nœ Gbolo nœ uzu a?»

¹⁴ Endje gi adœke: «Anga azu sœ kæpa adœke, œþœ kœdœ Yowane ayi kœza batisimu; anga endje sœ kæpa ndje adœke œþœ kœdœ Eliya; yé anga endje kpa sœ kœ pa œnœ endje adœke, œþœ kœdœ Yilimiya too anga ayi kœgbara o'o ugurutœ aayi kœgbara o'o liya.»

¹⁵ Yé Yisu kœyu endje adœke: «Yé ka e'e a, 'e sœ kæpa má œnœ 'e adœke œmœ kœdœ de?»

¹⁶ Shimu Petro za o'o yé á gi adœke: «Æþœ kœdœ Kristu, Gbolo nœ Ndjaba nœ soro.»

¹⁷ Yisu kæpa fœ she adœke: «Yanga nœ zœ, Shimu gbolo nœ Yona, mbœrœ œ doédœ ɔkɔ dœ indji dá pandœ o'o asœ fœ þœ nene, kashe Aba mœ á tshe sœ þa lafo dá pandœ nœ.

¹⁸ Yé œmœ, mœ sœ kæpandœ nœ fœ þœ adœke œþœ kœdœ Badja, ga pa badjanœ asœmœ dá mœ mɔ bala Ikrizia nœ mœ, yé kuzu œ sœ bala dœ gbɔgbɔ ga pa Ikrizianœ nene.

¹⁹ Mœ za bala herela nœ Ogo gbozu nœ tshalafo fœ þœ; œrœ kɔ á þœ i ga tœnœ þa pa ɔshɔ, Ndjaba œ i ndje ga tœnœ þa lafo; œrœ kɔ á þœ vwara tshelœnœ þa pa ɔshɔ, Ndjaba œ vwara ndje tshelœnœ þa lafo.»

²⁰ Manda nœ, Yisu kœkɔ lima ayambarœ nœ ye dœ ɔgbɔ adœke endje papandœ nœ fœ uzu bale adœke œne kœdœ Kristu nene.

*Yisu pandœ o'o kuzu dœ pe kœshe nœ ye
(Wu þa tœ Mar 8.31-9.1; Luk 9.22-27)*

²¹ Koeto kpœtœ lɔkɔnœ asœmœ, Yisu Kristu tetœ kæpandœ nœ fœ ayambarœ nœ ye adœke: «Æ li adœke mœ ro ga lœ Yerusaleme yé œ wu

œrœ kanga waa tshakane agbozu Ikrizia, agbozu tshapa anganga Ndjaba ndje dœ aayi kœyisœ awa akwa yekane. Endje wo mœ, yé manda olo voto, Ndjaba œ she mœ lœ akuzu.»

²² Yé Petro gi she ga indirinœ yé œ tetœ kœgbagbara she adœke: «Gbozu, Ndjaba œ gbøndœ zœ lœnœ ye! Ærœ ataa œ wuta ga tœ zœ nene.»

²³ Kashe Yisu fatœ yé œ pa fœ Petro adœke: «Gitœ zœ tœ mœ, Satana! Æbœ kœdœ uzu nœ kœza o'o ga pa mœ adœke mœ te. Gbetshelœ nœ zœ lili dœ œnœ Ndjaba bale nene, kashe œ li dœ œnœ azu.»

²⁴ Manda nœ, Yisu pa fœ ayambarœ nœ ye adœke: «Ædœ uzu kœyindœ kœna manda mœ, œ li adœke tshe vwaratœ ye tœ undu ye dœ tœ ye, œ za kurushi nœ ye yeka á kœna manda mœ.

²⁵ Gbambanœ nene, uzu kœ á tshe sœ dœ ogo kœsœ dœ soro œ tshu ye; kashe tsheneke á tshe tshu mboerœ mœ, œshe dá sœ dœ soro.

²⁶ Ataa uzu kœgbœ œrœ tshapashœ asœke kœ gbaa, œ sœ dœ she kotoo b̄ata á soro ye ndi a? Ærœ gad̄e dá tshe ka á kpa yœ dœ soro ye a?

²⁷ Gbolo nœ uzu œ kwa bala tœ ye awa bale dœ aandjelu nœ ye lœ mokœ nœ Abanœ, yé tshe gi bala fœ uzu dœ uzu liaka akwa tshelœ ye.

²⁸ Mœ sœ kœpa fœ 'e dœ adjapu adœke, ugurutœ 'e á 'e sœ asœ, anga 'e œ tshu nene utshu kœwu Gbolo nœ uzu kœna b̄ata gbozugo.»

17

*Yisu fatœ ye dœ ala ayambarœ nœ ye
(Wu b̄a tœ Mar 9.2-13; Luk 9.28-36)*

¹ Manda olo mindu dœ bale, Yisu za Petro, Jake œdœ pe ayancœ dœ Yowane po tœ ye, œ gitœ ye dœ endje ga indirinœ ga pa egerœ kaga.

² Tshe fatœ ye dœ ala endje; tshatshu ye tetœ koetshi toencœ ßata ɔɔ, lœba ye wuta tœ imbinœ urrr ßata ishiri osho.

³ Ngbewo, Eliya œdœ Moyize wuta ga utshu endje, yé œ sœ kœpa tshama endje dœ Yisu.

⁴ Petro pa fœ Yisu adœke: «Gbozu, œ sœ dœ ɔtshancœ adœke a lœ kpœke. Œdœ ßœ kœyindœ nœ, mœ mœ anda tande votɔ: Bale fœ ßœ, bale fœ Moyize œdœ bale ndje fœ Eliya.»

⁵ Tshe sœpe damba kœpa 'o atake, trale ondoro jerœ ga pa endje, yé anga tshama wu ßa lœncœ adœke: «Tsheneke koedœ Gbolo nœ mœ á mœ yindœ ye waa, mœ za yanga nœ mœ djigi ga ndœ ye. 'E dji she!»

⁶ Lɔkɔ á ayambarœ dji tshamancœ asœmœ ataa, awa litœ endje kpakpakpa yé endje yo ga ati œ fa tshatshu endje ga tœ ɔshɔ.

⁷ Yisu na ndoo dœ endje œ turutœ endje yé á pa adœke: «'E alafo, 'e sœsœ dœ awa nene.»

⁸ Kœmesho ga lafo atake, endje wu kolœ Yisu kuti ye.

⁹ Bata endje sœ lima kœjerœ kaga, Yisu kɔ endje adœke: «'E papandœ œrcœ kɔ á 'e wu asœke fœ uzu bale nene, œrrr ga tœ adœke Gbolo nœ uzu she lœ akuzu yekane.»

¹⁰ Yé ayambarœ nœ ye yu she adœke: «Mbœrcœ gadœ á ayi kœyisœ awa akwa pa lima adœke Eliya œ na utshuncœ yekane a?»

¹¹ Tshe gi fœ endje adœke: «Adjapu, Eliya œ na utshuncœ mbœrcœ kœguma œrcœ kɔkɔ.

¹² Kashe mœ sœ kæpa fœ 'e adœke: Eliya na 6a lima ye, yé azu yiyindœ ye nene, kashe endje mbœrœ fœ she œeneke kɔ á endje yi lima ndœ nœ. Awa bale ndje endje mbœrœ œrœ kanga fœ Gbolo nœ uzu.»

¹³ Yé á ayambarœ nœ ye kœwusœ nœ adœke, tshe sœ lima kæpa o'onœ fœ œene tœ Yowane ayi kœza batisimu.

*Yisu she gbolo á tshe sœ dœ ekpe ishiri
(Wu 6a tœ Mar 9.14-29; Luk 9.37-43a)*

¹⁴ Lɔkɔ á endje wuta lima ndoo dœ ukpulu azu, anga yakoshe bale na ga ndœ Yisu, œ gote dœ matshukuda ye ga utshu ye á pa adœke:

¹⁵ «Gbozu, wu oyo gbolo yakoshe nœ mœ. Tshe sœ dœ kɔɓa ɔkɔ á sœ ndœ kœka she waa, œ geta she kpala kpala ga tawo too ga langu.

¹⁶ Mœ na dœ she fœ ayambarœ nœ zœ, kashe endje lili tœ kœshe she nene.»

¹⁷ Yisu kæpa adœke: «E'e kœdœ aekpe azu, yé 'e gugu dœ kœyindœrœ nene! Mœ kpa sœpe dœ 'e œerrr manda olo koto yekane a? Mœ kpa ru lɔsu mœ mbœrœ 'e manda olo koto o? 'E na dœ gbolonœ fœ mœ ga mœ.»

¹⁸ Yisu nga fœ ekpe ishirinœ; tshe wuta lœ gbolonœ yé á tshe kœshe pe dœ lɔndɔnœ asœmœ ye.

¹⁹ Ayambarœ gitœ endje ndoo dœ Yisu, yé á yu she yaa adœke: «Yé ká a'a, mbœrœ gade á 'a lili má œnœ 'a kœgɔrɔ ekpe ishirinœ nene a?»

²⁰ Yisu pa fœ endje adœke: «Mbœrœ kœyindœrœ nœ 'e sœ teasho. Mœ sœ kæpa tœnœ fœ 'e dœ adjapu, œdœ anga ɔlɔ bale 'e kœsœ dœ kœyindœrœ á sœ dœ egerœnœ ɓata ele ɔyɔ á i'irinœ kœdœ

mutarde, 'e pa fœ kaga asœke adœke: “Aafo kpœke œ tɔ ɓa e”, kaga œ mbœrœtœ ye liakanœ ye. (Eroe bale á sœ dœ sharapu ɓa ndœ 'e œ gugu nene. [

²¹ Kashe kolœ lœ awa nœ avwala œdœ lœ œnœ kœyotshelœma dá endje li kœgɔrɔ dœ mara ekpe ishirinœ asœke.]»

*Yisu kpa pa o'o kuzu œdœ kœshe nœ ye
(Wu ɓa tœ Mar 9.30-32; Luk 9.43b-45)*

²² Anga ɔɔ bale, ayambarœ ngbɔɓa lima tœ endje ɓa lœ ogo Galilayi, Yisu pa fœ endje adœke: «Endje ka Gbolo nœ uzu ga tshaabrœ azu;

²³ endje wo she yé manda olo votɔ, Ndjaba œ she she lœ akuzu.» Ayambarœ nœ ye sœ lima dœ oyo waa.

Yisu dœ Petro yɔ lapo

²⁴ ɔɔ á endje li ga lœ Kaparnawumu, azu á endje ka lapo ɓa lœ Tepelo na ga ndœ Petro, yé á pa fœ she adœke: «Gbozu nœ 'e œ yɔ lapo nœ Tepelo nene a?»

²⁵ Petro gi adœke: «Ë, tshe yɔ ye.» ɔɔ á Petro yi kumu ye ga sœnda, Yisu yu she adœke: «Gbetshelœ nœ zœ kœdœ gade Shimu? Ade dá yɔ walaka lapo nœ agbozugo nœ tshapashɔ a? Agbolo nœ endje too anga angbi azu?»

²⁶ Petro gi adœke: «Angbi azu.» Yé Yisu kœpa fœ she adœke: «Agbolo nœ endje yɔyɔ ka nene.

²⁷ Kashe a yɔ œnœ azœ ye, mbœrœ á kœzaza ókó fœ azunœ asœ nene. Mbœrœ tœnœ, na ga la kota œ vwi ngada; ali ageatshalangu á ɓœ djɔ she, a tshelœma ye, ɓœ gbɔ langere ngendja lœnœ. Za œ gu dœ tœnœ, œ za fœ endje mbœrœ mœ œdœ pe ɓœ.»

18

Uzu á tshe ropa azu kɔ ɓa lœ Ogo gbozu nœ tshalafo

(Wu ɓa tœ Mar 9.33-37; Luk 9.46-48)

¹ Dœ lɔndɔnœ asœmœ, ayambarœ nœ Yisu gitœ endje ga indiri ye, yé á pa fœ she adœke: «Ædœ dá ropa azu kɔ ɓa lœ Ogo gbozu nœ tshalafo a?»

² Yisu e anga gbolo œ za she tɔ ga ugurutœ endje

³ yé œ pa adœke: «Mœ sœ kœpa fœ 'e dœ adjapu adœke, œdœ 'e kœyayapatœ 'e yé á sœ ɓata aya agbolo nene, 'e li bala ga lœ Ogo gbozu nœ tshalafo nene.

⁴ Ataa, tsheneke á tshe mbœrœtœ ye ɓata aya gbolonœ asœ, œshe dá ropa azu kɔ ɓa lœ Ogo gbozu nœ tshalafo.

⁵ Uzu á tshe za osho kœsœ fœ gbolo lœ i'iri mœ ɓata tsheneke asœ, za osho kœsœ fœ mœ dœ tœ mœ ye.

Ɔgbɔ kœmi upu

(Wu ɓa tœ Mar 9.42-48; Luk 17.1-2)

⁶ «Kashe uzu á tshe mbœrœ adœke anga aya gbolo bale ugurutœ agbolo asœke á endje sœ dœ kœyindœrœ ga ndœ mœ, li ga lœ ekperœ, œ li adœke endje du egerœ badja ga lœ igi ye, œ na dœ œ geta she ga la egerœ ungu.

⁷ Oyo nœ azu tshapashɔ á endje sœ kœmbœrœ adœke azu li ga lœ ekperœ! Æ li adœke œrœ ataa mbœrœtœ endje, kashe oyo nœ uzu neke á yanganœ œ te mbœrœ she.

⁸ Ædœ kane zœ too ada zœ dá sœ kœmbœrœ adœke ɓœ te, wa œ ko va e zara tœ zœ; œ li dœ ɔtshɔnœ mbœrœ ɓœ adœke ɓœ li ga lœ adja soro dœ kane zœ bale too dœ ada zœ bale, tœ œsœnœ

adœke 6œ soepe dœ kane zœ bibisha œdœ pe ada zœ bibisha yé endje vwi 6œ ga lœ kudu owo á ru nene.

⁹ Yé œdœ ala zœ kœvwa 6œ ndœ ekperœ, vwata yé œ za vwi'i zara tœ zœ, œ li dœ ɔtshœnœ mbœœœ 6œ adœke 6œ li ga lœ adja soro dœ ala zœ bale, tœ œsœœœ adœke 6œ soepe dœ ala zœ bibisha yé endje vwi 6œ ga lœ kudu owo nœ lifelo.»

¹⁰ «Ala 'e gbœ adœke 'e kœgugu œsœ anga gbolo bale ugurutœ aya agbolo asœke nene. Gbambanœ nene, mœ sœ kœpa fœ 'e, aandjelu nœ endje sœ ɔlœ dœ ɔlœ indiri Aba mœ á tshe sœ 6a lafo. [

¹¹ Gbambanœ nene, Gbolo nœ uzu na ndœ kœshe azu á endje sœ lima lœ djingili.]

Pata á tshe yiwa

(Wu 6a tœ Luk 15.3-7)

¹² «'E gbe œœœ 'e koto o? Œdœ anga uzu kœsœ dœ apata kama bale (100), yé anga bale lœ ugu-rutœ endje kœyiwa, ataa tshe katœ udu endje zazu vana dœ ndjokpa dœ mindu dœ amance vana (99) 6a pa kaga, ndœ kœna kœpara tsheneke tshebale á tshe yiwa asœœœ nene a?

¹³ Œ kœsœ adœke tshe gbœ she, mœ sœ kœpa fœ 'e dœ adjapu adœke, tshe sœ dœ yanga ye kœropa udu endje zazu vana dœ ndjokpa dœ mindu dœ amance vana (99) á endje yiyiwa nene asœœœ.

¹⁴ Awa bale, Aba 'e á tshe sœ 6a lafo asœœœ, yiyindœ nœ adœke anga gbolo bale ugurutœ aya agbolonœ asœœœ yiwa nene.»

Kœgi aya zœ á tshe sœ lœ djingili ga tœ ɔtshœ awa

¹⁵ «Œdœ anga aya zœ kœmbœœœ ekperœ ga tœ zœ, na ga ndœ ye kutu zœ œ gbagbara she tœ

ekperœ á tshe mbœrœ, œdœ tshe kœdji 6œ, dá tshe kpa wuta aya zœ.

¹⁶ Ædœ tshe kœdjidji 6œ nene, kpa za anga uzu bale too bisha ga ndœ zœ yeka á 'e kœwa o'onœ “mbœrœ œ li adœke atimu bisha too voto yindœ o'onœ yekane.”

¹⁷ Ædœ tshe kœvwaratœ ye ndœ kœdji endje, pandœ nœ ga lœ Ikrizia, yé tshe kœdjidji ndje azu Ikrizia nene, za she 6ata angbi uzu too 6ata ayi kœka lapo.

¹⁸ «Mœ sœ kœpa fœ 'e dœ adjapu adœke: Ærœ kœ á 'e i ga tœnœ pa 6shœ asœ, endje i ndje ga tœnœ 6a lafo; yé œrœ kœ á 'e vwara tshelœ nœ pa 6shœ asœ, endje vwara ndje tshelœ nœ 6a lafo.

¹⁹ «Mœ kpa sœ kœpa fœ 'e dœ adjapu adœke, œdœ azu bisha ugurutœ 'e pa 6shœ kœpa upu ama endje bale ndœ kœyœndœ œrœ gade, Aba mœ 6a lafo œ to œrœnœ asœmœ fœ endje ye.

²⁰ Gbambanœ nene, osho á azu bisha too voto œ ngbœtœ endje ga tœnœ dœ i'iri mœ, mœ sœ ugurutœ endje zœ.»

Ayi akwa á tshe vwaratœ ye Kœdjerœndœ ekperœ nœ ayanœ

²¹ Ataa, á Petro na ga ndœ ye á yu she adœke: «Gbozu, œdœ aya mœ kœmbœrœ ekperœ fœ mœ, mœ djerœndœ ekperœnœ awa kotoo? Ærrr ga tœ awa minu dœ bisha a (7)?»

²² Yisu kœgi fœ she adœke: «Mœ papa fœ 6œ adœke awa minu dœ bisha nene, kashe œrrr ga tœ awa zazu voto dœ ndjokpa awa minu dœ bisha.

²³ Ogo gbozu nœ tshalafœ œ sœ bala koloenœ ataa: Æ sœ bata anga gbozugo bale á tshe yi lima ndœ koetondœ o'o tœ upu nœ kufa nœ ye dœ aayi akwa nœ ye.

²⁴ Tœ ali nœ, endje na dœ anga ayi akwa á tshe sœ dœ kufa nœ ye tãpanœ kpuru fœ she.

²⁵ Bata á tshe soesœ lima dœ œrœ bale ndœ kœgi toenœ nene, gbozunœ za awa adœke endje za she yã œrœ dœ awonœ, agbolo nœ ye, œdœ ndje pe dœ œrœ kã á tshe sœ dœ toenœ lœ okoro kufa nœ ye.

²⁶ Ayi akwanœ gote ga tœ ada ye, œ di tshelœma ye fœ she adœke: “Gbozu, sœ dœ ugu lœsu ga ndœ mœ, yé mœ gi fœ 6œ para zœ.”

²⁷ Oyo za gbozu nœ ayi akwanœ, tshe katœ ye adœke tshe gu zœ yé œ katœ kufa nœ ye lœ kumu ye ti ye.

²⁸ «Kœwuta ayi akwa asœmœ atake, tshe togba dœ anga yanganœ á tshe sœ dœ kufa nœ ye teasho lœ kumu ye; tshe za ɔngɔɔ yanganœ kperœ ndœ kœwo she dœ kœpa fœ she adœke: “Gi kufa nœ mœ fœ mœ.”

²⁹ Ayi akwa nganœ soemœ kœgote ga tœ ada ye, yé œ di tshelœma ye fœ she dœ kœpa adœke: “Sœ dœ ugu lœsu ga ndœ mœ, mœ gi fœ 6œ zœ.”

³⁰ Kashe tshe vwaratœ ye, yé ga pa nœ tshe na dœ she œ za she vwi ga lœ anda kãnga ndœ kœkate adœke tshe gi kufa nœ œne yekane.

³¹ Kœwu œrœ á tshe mbœrœ asœmœ ataa, œ za oyo tœ lœsu aayi akwa anganœ, yé endje na œ pandœ œrœ kã á ro asœmœ fœ gbozu nœ endje.

³² Yé gbozu e she, á pa fœ she adœke: “Ekpe ayi akwa, mœ katœ kufa nœ mœ lœ kumu zœ ti kã mbœrœ á 6œ ditshelœma zœ fœ mœ.

³³ Æ6œ ndje, 6œ lili má ndœ kœwu oyo ayi akwa nga zœ bata á œmœ dœ tœmœ mœ wu oyo zœ nene a?”

³⁴ Oko za gbozu, tshe za she vwi ga lœ anda kánga ndœ kœkate ndje adœke tshe kœgi kudá nœ œne kœ fœ œne yekane.»

³⁵ «Ataa, Aba mœ 6a lafo œ mboœœ bala mara œœœœœ asœmœ fœ 'e, œdœ uzu dœ uzu ugurutoe 'e kœdjedjœœndœ ekperœ nœ ayanœ dœ lœsu ye bale nene.»

19

Kœyisœœ tœ upu nœ kœendjœtshelœ totœ œdœ kœsœ angara

(Wu 6a tœ Mar 10.1-12)

¹ Olœ á Yisu katœ kœmindœ upu asœmœ, tshe gitœ ye lœ Galilayi ndœ kœero ga lœ ogo Yuda 6a kele ungu Yœrdane.

² Azu ndjoro na manda ye, yé 6a zœ tshe sœ kœshe endje.

³ Anga Afarisayi na ga ndœ ye dœ gbetshelœ nœ kœgi uku ga tœ awa ye, yé á yu she adœke: «Æ li dœ yakoshe kovwaratœ ye tœ awonœ lœ upu kœ a?»

⁴ Tshe gi fœ endje adœke: «'E didi lima œneke á endje sú 6a la buku nœ Ndjaba adœke, lœ kœemboœœ œœœ ga pa œshœ asœke, Ndjaba mboœœ lima yakoshe œdœ yashe nene a?»

⁵ Manda nœ, tshe pa adœke: Mboœœ tœœœ ataa á yakoshe œ katœ abanœ dœ ayinœ ti, á sœ ga tœ œœœœœ dœ awonœ, yeka á endje bisha œ wuta undu uzu tshebale.

⁶ Ataa, endje kpa sœsœ azu bisha nene kashe undu uzu tshebale. Kaka adœke uzu ndjɔndjɔ tshelœ œeneke á Ndjaba ngbɔɔga ga tœ nœ nene.»

⁷ Endje pa fœ she adœke: «Mbœrœ gadœ á Moyize za lima awa adœke yakoshe su mbeti kœkurutshelœ totœ ga tshakane yashe lɔkɔ á tshe kœkatœ ye ti a?»

⁸ Yisu gi fœ endje adœke: «Moyize za lima awa ndœ kœkatœ awo 'e ti mbœrœ agbɔ lɔsu nœ 'e, kashe utshunœ œ sœsœ lima ataa nene.

⁹ Mœ sœ kœpandœ nœ fœ 'e adœke, œdœ uzu kœkatœ awonœ ti, á kœdœdœ tœ upu nœ angba budu nene, á tshe kpa to anga angbi yashe, tshe sœ kœpara awo uzu.»

¹⁰ Ayambarœ kœpa fœ she adœke: «Ædœ upu nœ kœtotœsho nœ yakoshe dœ yashe kœsœ ataa, ádá nœ kœtotœsho gugu nene.»

¹¹ Yisu gi fœ endje adœke: «Æ dœdœ uzu kɔ dá dji tshelœ kata o'o asœ nene, kashe kolœ endjeneke á Ndjaba za awa fœ endje.

¹² Gbambanœ nene, ádá á azu œ vwaratœ endje kœto ayashe sœ ndjoro: Endje zu anga azu dœ kɔɔa kutshu; anga kœsœ angara to tshakane azu; yé anga azu yiyindœ kœto ayashe nene mbœrœ kœpara Ogo gbozu nœ tshalafœ. Uzu á tshe li kœdji tshelœkata o'o asœke kɔ, kaka tshe dji!»

Yisu to kane ye ga pa agbolo

(Wu 6a tœ Mar 10.13-16; Luk 18.15-17)

¹³ Azu na dœ agbolo fœ Yisu adœke tshe to kane ye ga pa endje kashe ayambarœ nœ ye sœ lima kœgeta endje.

¹⁴ Yisu pa adœke: «'E katœ agbolo endje na ga ndœ mœ, 'e kœkœ endje nene mbœrœ Ogo gbozu nœ tshalafo sœ mbœrœ azu á endje lœ бата endje.»

¹⁵ Yé manda kœto kane ye ga pa endje, tshe gitœ ye kpoetœmœ ye.

Gbolo modo ayi kœgbœrœ

(Wu 6a tœ Mar 10.17-31; Luk 18.18-30)

¹⁶ Anga uzu bale na ga ndœ Yisu, yé œ yu she adœke: «Ayi kœeyisœrœ, œtshœrœ gade dá mœ kœembœrœ yeka á kœegbœ soro neke á ka nene a?»

¹⁷ Yisu kœpa fœ she adœke: «Mbœrœ gade á bœ sœ kœyu mœ pa œtshœrœ a? Kolœ Ndjaba kuti ye dá dœ œtshœ uzu. Œdœ bœ kœyindœ kœegbœ soro, gbœndœ awa o'o ama Ndjaba.»

¹⁸ Tshe yu Yisu adœke: «Œneketa a?» Yisu gi fœ she adœke: «Bœ wo uzu nene, bœ para awo uzu nene, bœ zi angba nene, bœ wa o'o dœ wala ga pa uzu nene.

¹⁹ Li œsœ aba zœ dœ ayi zœ, yé bœ yindœ yanga zœ бата á bœ yindœtœ zœ dœ tœ zœ.»

²⁰ Gbolo modonœ gi fœ she adœke: «Œrœnœ asœmœ kœ, mœ sœ kœembœrœtœ mœ liakanœ zœ. Œrœ gade dá kpa sœpe adœke mœ mbœrœ a?»

²¹ Yisu pa fœ she adœke: «Bœ kœyindœ kœsœ ndjii tœ ala Ndjaba, gu œ ka œrœ nœ zœ, œ kuru-tshelœnœ tœ aayi oyo, yé bœ gbœ bala kœgbœrœ 6a lafo. Manda nœ, fatœ zœ œ na manda mœ.»

²² Manda o'onœ asœmœ, tshe gu dœ oyo tœ ye, mbœrœ tshe sœ lima dœ œrœ waa.

²³ Yé Yisu kœpa fœ ayambarœ nœ ye adœke: «Mœ sœ kœpa dœ adjapu fœ 'e, œ sœ tœ œgbœnœ

bala tœ ayi kœgborœ kœli ga lœ Ogo gbozu nœ tshalafœ.

²⁴ Yisu kpa pa fœ endje adœke: «E gbœgbœ adœke agea á i'iri ye kœdœ shamo li tœlœ ogoro imbili. Kashe œ kpa gbœ kœerosœ nœ adœke ayi kœgborœ li ga lœ Ogo gbozu nœ Ndjaba.»

²⁵ Kœdji o'onœ asœmœ ataa, ayambarœ katœ ama endje ti œœ, yé œ pa adœke: «Atamœ, uzu dœ dá li kœshe tœnœ a?»

²⁶ Yisu tondœ endje, yé œ pa fœ endje adœke: «Ba tœ azu, œ li nene; kashe ba tœ Ndjaba, œœ kœ li ye.»

²⁷ Yé Petro kœza 'o, á kœpa fœ she adœke: «Wu kane, 'a katœ œœ nœ 'a ti kœ á na manda zœ asœ; œ sœ bala dœ a'a koto o?»

²⁸ Yisu pa fœ endje adœke: «Mœ pa fœ 'e dœ adjapu adœke: «Olo á Ndjaba kpa mbœœ tshandœ œœ kœ tœ tafonœ, olo á Gbolo nœ uzu œ sœ ga lœ ngande mokœ nœ ye ndœ kœwa ngbanga, e'e á 'e na lima manda mœ, 'e sœ ndje ga pa ngande tshagbozu mokœ ndjokpa dœ bisha ndœ kœwa ngbanga pa mara azu Israyele ndjokpa dœ bisha.

²⁹ Yé uzu kœ á tshe katœ anda nœ ye, dœ aayanœ, ayingœnœ, abanœ, aayinœ, agbolo nœ ye, kindi nœ ye ti mbœœ i'iri mœ, tshe kpa gbœ œœ kœeropœnœ ye, tshe gbœ ndje soro nœ waa dœ waa.

³⁰ Azu ndjoro á endje sœ utshunœ, endje sœ bala tœ ndœngœlœnœ, yé endje nœ ndœngœlœnœ œ te bala azu nœ tshatshunœ.»

20

Ayi akwa ba lœ kindi vinu

¹ «Kœgbo Ogo gbozu nœ tshalafo sœ ɓata anga gbozu akwa, á tshe wuta dœ amazi kœpara aayi akwa nœ tshelœ kindi vinu nœ ye.

² Tshe djitœ ye dœ endje dœ ɔtshɔnœ pa denari* bale á li adœke endje gbɔ dœ ɔɔ bale, yeka á vwa endje ga lœ kindi vinu nœ ye.

³ Kœwuta she dœ ada ɔɔ mindu dœ vana utshu kakpi ɔɔ, tshe wu anga azu, endje sœ gbambanœ,

⁴ tshe pa fœ endje adœke: “E'e ndje, 'e na ga lœ kindi vinu nœ mœ, mœ to ndje ngendja á li dœ ɔɔ bale fœ 'e.”

⁵ Endje ro ndje da ye. Tshe kpa wuta dœ kakpi ɔɔ œdœ dœ ada ɔɔ votɔ manda kakpi ɔɔ, œ pa kolœnœ ata fœ anga azu á tshe gbɔ endje.

⁶ Kœwuta ga pa œrœ nœ ada ɔɔ mindu dœ adila, tshe kpa wuta ndje, œ kpa gbɔ anga azu á endje sœ ndje ɓa zœ yé œ pa fœ endje adœke: “Mbœrœ gade dá 'e sœ kpœke œrrr kpîi á mbœmbœrœ akwa nene a?”

⁷ Endje gi fœ she adœke: “Uzu bale zaza akwa fœ 'a nene.” Gbozu akwanœ kœpa fœ endje adœke: “E'e ndje, 'e na ga lœ kindi vinu nœ mœ.”

⁸ «Kœwuta ga tœ umbru osho, ayengɔ kindi vinunœ pa fœ kapeta adœke: “E ayi akwanœ para dœ œ ko ngendja tshangba akwa nœ endje fœ endje, kœto tœ endjeneke á mœ e endje tœ ndɔngɔɔnœ asœmœ œrrr ga tœ endjeneke á mœ e má endje utshunœ.”

⁹ Azunœ ada ɔɔ mindu nœ adila na œ gbɔ uzu dœ uzu denari bale.

¹⁰ Kœwuta ga tœ azu á endje na má utshunœ, endje gbe œnœ endje adœke œne dá gbɔ tɔpanœ

* **20:2** Denari kœdœ ngendja tshangba akwa nœ ɔɔ bale á uzu mbœrœ.

kpuru; kashe endje gbɔ ndje uzu dɔe uzu denari bale.

¹¹ Lɔkɔ á endje gbɔ ngendjanɔe, endje te lima tɔe kɔepuloɔma endje tɔe ayengɔ kindinɔe.

¹² Endje pa lima adɔeke: “Aayi akwa á endje na manda nɔe, endje mbɔerɔe akwa kolɔe manda ada ɔɔ bale, ɔe to ngendja fɔe endje awa bale dɔe 'a á a wu oyo ɔerrr kpɔii tshakudu ɔɔ dɔe kɔewosho!”

¹³ Kashe tshe gi fɔe anga bale ugurutoe endje adɔeke: “Yanga mɔe, mɔe mbɔembɔerɔe ekperɔe fɔe ɔe nene; a djidjimatɔe azɔe dɔe mɔe tɔe denari bale lɔe ɔɔ bale nene a?”

¹⁴ Za ɔeneke á sɔe tshakane zɔe asɔemɔe, ɔe gu dɔe toenɔe zɔe. Mɔe yindɔe kɔeto ngendja fɔe uzu á tshe na tɔe ndɔngɔlɔnɔe asɔemɔe awa bale dɔe ɔe.

¹⁵ Ɖe lili dɔe mɔe kɔembɔerɔe ɔeneke á mɔe yindɔe nɔe dɔe ɔerɔe nɔe mɔe nene a? Too ɔe sɔe dɔe uku ga tɔe mɔe mbɔerɔe á mɔe sɔe dɔe ɔtshɔ lɔsu a?”

¹⁶ Atamɔe, azu á endje sɔe tɔe ndɔngɔlɔnɔe ɔe wuta bala azu utshunɔe; yé endjeneke á endje sɔe utshunɔe, ɔe wuta tɔe ndɔngɔlɔnɔe.»

Yisu kpa pandɔe mara kuzu dɔe pe kɔeshe nɔe ye tɔe awa vɔtɔ

(Wu 6a tɔe Mar 10.32-34; Luk 18.31-34)

¹⁷ Yisu dɔe ayambarɔe nɔe ye ndjokpa dɔe bisha (12) sɔe lima kɔero ga lɔe Yerusaleme, yé á tshe sɔe kɔepa fɔe endje na toenɔe tɔe awa adɔeke:

¹⁸ «'E wu, a sɔe kɔe ga lɔe Yerusaleme, 6a tɔe osho á endje ka Gbolo nɔe uzu fɔe agbozu tshapa anganga Ndjaba ɔedɔe fɔe aayi kɔeyisɔe awa akwa. Endje wa agbɔ ngbanga ga pa ye adɔeke endje wo she.

¹⁹ Yé æ za she fœ angbi azu mbœerœ á endje kœmœ she, á kœsœ she, á kœkuru she ga pa kurushi, yé manda olo votœ Ndjaba œ she she lœ akuzu.»

Kœyœndœerœ nœ ayi agbolo yakoshe nœ Zebedayi

(Wu 6a tœ Mar 10.35-45; Luk 22.25-27)

²⁰ Awo Zebedayi na ga ndœ Yisu dœ agbolo yakoshe nœ ye bisha, œ gote ga utshu ye mbœerœ kœyœndœ œrœ bale.

²¹ Yisu yu she adœke: «Bœ yindœ gadœ?» Tshe pa fœ Yisu adœke: «Mœ ki ga tœ zœ, 6œ kœgu bala ga lœ ogo tshagbozu nœ zœ, lœ agbolo yakoshe nœ mœ bisha asœke, za anga bale ga tœ kuni zœ, yé anga bale ga tœ gele zœ.»

²² Yisu gi adœke: «'E wuwusœ œrœœœ á 'e esho ndœœœ ascœmœ nene. Adjœ 'e li kœendjo ungu lœ yashi nœ œrœ kanga á mœ ndjo bala ye a?» Endje pa fœ Yisu adœke: «'A li dœ tœœœ ye.»

²³ Yisu kœpa fœ endje adœke: «Adjapu, 'e ndjo ungu lœ yashi œrœ kangœœ á mœ ndjo ye. Kashe tœ kœza awa fœ uzu kœsœ ga ati ga pa kuni mœ too ga pa gele mœ, ascœmœ lili dœ mœ nene. Mbœerœ tœœœ kœdœ osho á sœ fœ endjeneke á Aba mœ guma endje.»

²⁴ Udu ayambarœœ ndjokpa dji o'œœœ ataa œ tetœ kœso ókó ga tœ aayazu bisha, Ajake dœ Yowane.

²⁵ Kashe Yisu e endje œ pa fœ endje adœke: «'E wusœ nœ adœke agbozu sœ kœko azu ogo dœ œgbœ ga tshakudu tshagbozu nœ endje, yé agboro azu sœ kœma gbœgbœ endje ga pa aaya azu.

26 Æ lili adœke œrœ ataa mbœrœtœ endje 6a ugurutœ 'e nene. Kashe œdœ anga uzu bale kœgbe kœsœ tœ egerœ uzu ugurutœ 'e, œ li adœke tshe fatœ ye tœ ayi akwa nœ 'e yekane.

27 Yé œdœ anga uzu bale kœyindœ kœsœ ut-shunœ ugurutœ 'e, œ li adœke tshe dœ kanga nœ 'e.

28 Mbœrœ tœnœ ataa, Gbolo nœ uzu nana adœke azu mbœrœ akwa fœ she nene, kashe tshe na kœmbœrœ akwa fœ azu dœ pe ndje kœzatœ ye fœ kuzu mbœrœ kœshe ukpu azu.»

Yisu she aayibula bisha

(Wu 6a tœ Mar 10.46-52; Luk 18.35-43)

29 Lœkœ á endje sœ lima kœwuta lœ Yeriko, ukpulu azu te manda Yisu.

30 Anga aayibula bisha sœ lima ga ati indiri awa. Kœdji adœke Yisu dá ro asœmœ, endje tetœ kœta rawa adœke: «Gbozu, ata Davidi, wu oyo 'a kane!»

31 Ukpulu azu sœ lima kœgbagbara endje adœke endje sœ koko, kashe endje kpa ta tshandœ rawanœ dœ agbœ adœke: «Gbozu, ata Davidi, wu oyo 'a kane!»

32 Yisu ka, œ e endje, yé œ pa fœ endje adœke: «Ærœ gadœ dá 'e yindœ nœ adœke mœ mbœrœ fœ 'e a?»

33 Endje kœpa fœ she adœke: «Gbozu, kolœnœ adœke ala 'a kœrœ.»

34 Yisu wu oyo endje, yé œ goro ala endje. Trale ala endje kœrœ ye, yé endje te manda ye.

21

Yisu li ga lœ Yerusaleme

(Wu 6a tœ Mar 11.1-11; Luk 19.28-40; Yow

12.12-19)

¹ Lɔkɔ á endje ndo doe ongbo Yerusaleme œdœ doe tshalakpi Betefaje, 6a pa gaga á i'irinœ koedœ kaga ɔyɔ Olive, Yisu vwa anga ayambarœ noe ye bisha utshunœ

² doe kœpa fœ endje adœke: «'E na 6a lakpi á sœ utshu 'e 6a e. Kœli 'e tshendja, 'e wu aya ane* á endje du she kpœtœmœ doe ayinœ, 'e vwara she œ gu doe she fœ mœ.

³ Yé œdœ uzu kœpa o'o fœ 'e; 'e gi fœ she adœke: “Gbozu dá gbe doe she.” Yé ataa, tshe gi kane ye tœ ye katsha fœ 'e ye.»

⁴ Œ wuta ataa mbœrœ á o'o á ayi kœgbara o'o pa lima kœmbœrœtœ endje. Tshe pa lima adœke:

⁵ «'E pandœ noe fœ yawuru noe Siyona adœke:

Wu, gbozugo noe zœ sœ kœna ga ndœ zœ.

Tshe sœ kœna 6ata amba uzu. Tshe ɔ ga pa ayi ane, œdœ ga pa ayanœ á tshe doe aya agea noe akwa.»

⁶ Ayambarœ ro œ mbœrœ œneke á Yisu pa tœnœ fœ endje.

⁷ Endje gu doe ayi ane œdœ ayanœ, yé endje ko lœba noe endje œ guma ga pa endje, á Yisu ɔ á sœ ga pa noe.

⁸ Ukpulu azu ndjoro saka lœba noe endje ga tœ ala awa; anga endje de lima ganea ɔyɔ, yé œ guma ga tœ awa.

⁹ Azu á endje sœ lima kœna 6a utshu ye doe pe endjeneke á endje sœ lima kœna manda ye, sœ lima kœta rawa adœke: «Ozana noe ata Davidi! Kaka Ndjaba to kane ye ga pa uzu á tshe na doe i'iri Gbozu! Ozana fœ Ndjaba á tshe sœ 6a lafo!»

* **21:2** Ane koedœ agea á aayi oyo 6a ndœ Ayuda sœ lima kœna doe endje ndœ kœko kongba.

¹⁰ Ɔlo á Yisu li ga lœ Yerusaleme, tshelœ ongbo djigi turu, azu tetœ kœyu osho adœke: «Uzu dœ dá a?»

¹¹ Azu á endje na lima dœ Yisu gi adœke: «Ayi kœgbara o'o Yisu dœmœ, uzu Nazarete, lœ ogo Galilayi.»

*Yisu g̃rɔ̃ aayi kœka œrœ lœ Tepelo
(Wu 6a tœ Mar 11.15-19; Luk 19.45-48; Yow 2.13-22)*

¹² Manda nœ, Yisu li ga lœ Tepelo, yé œ g̃rɔ̃ azu á endje sœ lima kœka œrœ dœ pe endjeneke á endje sœ lima kœyɔ̃ œrœ kɔ̃ ga ushu. Tshe ivwi ndaba nœ azu kœyapa ngendja, œ geta ngande nœ aayi kœka ambepa.

¹³ Yé tshe pa fœ endje adœke: «Endje sú 6a la buku nœ Ndjaba adœke: “Anda nœ mœ œ dœ bala anda nœ kœza avwala, kashe 'e fa tœ wutu nœ aayi angba!”»

¹⁴ Aayibula dœ pe agbangevweta na ga ndœ Yisu 6a lœ Tepelo yeka á tshe she endje.

¹⁵ Agbozu tshapa anganga Ndjaba œdœ pe aayi kœyisœ awa akwa so ókó ndœ kœwu mara œrœ kœza uvuru osho á tshe sœ lima kœmbœrœ tœnœ dœ pe agbolo á endje sœ lima kœta rawa 6a lœ Tepelo adœke: «Ozana nœ ata Davidi!»

¹⁶ Yé endje pa fœ Yisu adœke: «Bœ sœ kœdji œneke á endje pa asœ zœ a?» Kashe Yisu pa fœ endje adœke: «Mœ dji ye, ataa 'e didi lima mbetinœ ascœmœ nene a? Mbetinœ á pa adœke: “Bœ mbœrœ dœ mara adœke œdœ agbolo dœ pe aayi mangɔ̃ donga 6œ.”»

¹⁷ Manda nœ, tshe katœ endje lœ ongbonœ ascœmœ, œ gu kœlo 6a lœ Betani.

*Yisu darandæ ɔɔ fige
(Wu 6a tæ Mar 11.12-14,20-24)*

¹⁸ Osho kɔɔ panæ dæ amazi, lɔkɔ á tshe sœ kœkwatæ ye ga læ ongbonæ, ogo mi she.

¹⁹ Tshe wu anga ɔɔ fige ndoo dæ ama awa, œ na ndoo dæ tœnæ, kashe tshe gbɔgbɔ elenæ bale nene, kolæ kakonæ. Yé tshe pa fœ ɔɔ figenæ adœke: «Bœ kpa le bale nene!» Trale, ɔɔ figenæ asœmæ ɔɔ ye.

²⁰ Kœwu œrœnæ ataa, ayambarœ katœ ama endje ti ɔɔ, yé œ yu Yisu adœke: «Kotoo trale á ɔɔ fige asœke ɔɔ ata a?»

²¹ Yisu gi fœ endje adœke: «Mœ sœ kœmindœ nœ fœ 'e dæ adjapu, œdœ anga ɔɔ bale á 'e kœsœ dœ kœyindœrœ yé á sœsœ dœ sharapu nene, 'e mbœrœ kolæ œrœ á mœ mbœrœ tœ ɔɔ fige asœ nene, kashe œdœ 'e kœpa fœ kaga asœ adœke: “Gitœ zœ kpœke dœ œ na œ te ga la egerœ ungu adanga”, œ mbœrœ ndje tœ endje liaka nœ.

²² Œrœ kɔ á 'e yœndœ nœ læ avwala dœ kœyindœrœ, 'e gbɔ ye.»

*Kœyu o'o tæ tshagbozu nœ Yisu
(Wu 6a tæ Mar 11.27-33; Luk 20.1-8)*

²³ ɔɔ á tshe li ga læ Tepelo, agbozu tshapa anganga Ndjaba dœ pe agbozu Ikrizia na ga ndœ ye ɔɔ á tshe sœ kœyisœ œrœ, á yu she adœke: «Bœ gbɔ awa kœmbœrœ akwa nœ zœ asœke kpœta a? Œdœ dá za awa kœmbœrœ akwa ata fœ 6œ a?»

²⁴ Yisu gi fœ endje adœke: «Mœ yindœ kœyu 'e dœ o'o bale, œ kœsœ adœke 'e gi o'o fœ mœ gbá yekane á mœ kœyisœ osho á mœ gbɔ awa kœmbœrœ dœ œrœnæ asœ kɔ fœ 'e.

²⁵ Æðe dá vwa lima Yowane kœza batisimu fœ azu a? Æ dœ lima Ndjaba too azu?» Yé endje tetœ kœmircœtshelœ endje ugurutœ endje yé œ pa adœke: «Ædœ a kœgi fœ she adœke: “Ndjaba dá vwa lima she”, tshe yu azœ adœke: “Mbœrœ gadœ á 'e yiyi lima ndœ o'o ama ye nene a?”

²⁶ Yé a kpa pa adœke: “Azu dá vwa lima she”, œ li adœke a kpa awa ukpulu azu, mbœrœ azu para wusœ nœ adœke Yowane kœdœ lima ayi kœgbara o'o.»

²⁷ Yé á endje gi fœ Yisu adœke: «'A wuwusœ nœ nene.» A Yisu gi fœ endje adœke: «Æmœ ndje awa bale, mœ pa ndje ndœ uzu á tshe za awa nœ kœmbœrœ œrcœncœ asœke kœ fœ 'e nene.»

Ndœma toro tœ upu nœ agbolo yakoshe bisha

²⁸ «'E gbe œneke adœ gadœ tœ o'o asœ a? Anga yakoshe sœ dœ agbolo yakoshe bisha. Tshe na ga ndœ ali gbolonœ, œ pa fœ she adœke: “Na kpesheke ga lœ kindi vinu œ mbœrœ akwa 6a zœ.”

²⁹ Alincœ gi fœ she adœke: “Æ ngba mœ ye;” manda nœ tshe gbetshelœ ye œ na da ye.

³⁰ Tshe kpa na ga ndœ bishancœ, œ pa kolœ nœ ata fœ she. Tsheneke asœ gi fœ she adœke: “Mœ na zœ Gbozu”, kashe tshe nana ga zœ nene.

³¹ Uzu ðe ugurutœ endje bisha dá mbœrœ gbetshelœ nœ abancœ a?» Endje gi adœke: «Ali gbolonœ.» Á Yisu pa fœ endje adœke: «Dœ adjapu, mœ sœ kœmindœ nœ fœ 'e, ayi kœko ngendja lapo dœ pe ayi angba budu œ wuta utshu 'e ga lœ Ogo gbozu nœ Ndjaba.

³² Gbambancœ nene, Yowane na lima ndœ kœeysœ awa á sœ ndjii fœ 'e, 'e yiyindœ nœ nene. Kashe aayi kœko ngendja lapo dœ pe aayi angba

budu dá yindœ ye. Yé ataa 'e wu gbaa, 'e fafat-shalɔsu 'e ndœ kpa kœyindœ ye nene.»

*Ndœma toro nœ ayi kœdjo kindi
(Wu 6a tœ Mar 12.1-12; Luk 20.9-19)*

³³ «'E kpa dji anga ndœma toro. Anga uzu bale djo kindi vinu. Tshe tɔ gbadjada dji tœnœ tshak-pata, œ dji kudu mbœrœ kœpu ele vinunœ ga lœnœ, yé œ mɔ anda kœgbɔndœ œrœ ga lœ nœ. Manda nœ, tshe za kindi nœ fœ aayi akwa kindi vinu, yé œ na ana.

³⁴ Ɔlɔ kœkɔ ele vinunœ li, tshe vwa anga aayi akwa nœ ye fœ aayi akwa kindi vinunœ adœke endje vwa œsœ œnœ œne ele vinu nœ fœ œne.

³⁵ Kashe endje ko aayi akwa nœ ye asœmœ, œ ɔi anga bale, œ wo anga yé œ wo votɔnœ dœ badja.

³⁶ Tshe kpa vwa anga aayi akwa ndjoro, kœropa endjeneke má utshunœ, endje mbœrœ kolœ nœ fœ endje awa bale.

³⁷ Tœ ndɔngɔlɔ nœ, tshe vwa gbolo yakoshe nœ ye fœ endje dœ gbetshelœ adœke: “Endje kpa li ndara œsœ ye yé.”

³⁸ Kashe lɔkɔ á endje wu gbolonœ kœna ga ndœ endje, endje guma o'o lœ ugurutœ endje adœke: “E wu, gbolonœ á tshe sœpe dœ œrœ manda abanœ dœke. A wo she yeka á kindinœ kœte œnœ azœ.”

³⁹ Endje za she œ vwi she ga ushu lœ kindi vinunœ yeka á wo she.»

⁴⁰ «Ataa, lɔkɔ á ayengɔ kindinœ kœna, tshe mbœrœ œrœ gade tœ aayi akwa kindi vinunœ a?»

⁴¹ Endje gi fœ she adœke: «Tshe na œ wo aayi akwa kindinœ kɔ dœ oyo nene yé œ kpa za

kindinœ fœ anga angbi aayi akwa á endje li kœko ele vinunœ fœ she liaka olo á tshe gbe dœ tœnœ.»

⁴² Yisu kœpa fœ endje adœke: «'E didi damba o'onœ asœke ala buku nœ Ndjaba nene a?

Endje su adœke: “Badja á ayi kœmœ anda za vwi'i, tœnœ dá wuta sharagunda.

Ɔ to 6a ndœ Gbozu,
yé œ ga tœ ala 'a waa!”»

⁴³ «Mœ kpa pa ndje fœ 'e adœke: Endje gi 'e lœ Ogo gbozu nœ Ndjaba, yé œ za fœ angbi azu á endje li kœmboœœ akwa á œœœ tshangbanœ sœ dœ ɔtshœnœ. [

⁴⁴ Uzu á tshe te pa badja asœmœ, tshe kœ ngende ngende. Yé tsheneke á badja œ te ga pa ye, œ ndi tshelœ ye krœna.]»

⁴⁵ Manda kœdji o'o asœmœ, agbozu tshapa anganga Ndjaba dœ pe Afarisayi wusœ nœ adœke Yisu sœ kœpa o'o asœ tœ œne.

⁴⁶ Endje para lima awa ndœ kœtepa ye, kashe endje kpa awa ukpulu azu, mboœœ endje sœ lima kœza she 6ata ayi kœgbara o'o.

22

*Ndœma toro tœ upu nœ egerœ angbo totœ
(Wu 6a tœ Luk 14.15-24)*

¹ Yisu tetœ kœpa 'o fœ endje dœ ndœma toro adœke:

² «Ogo gbozu nœ tshalafœ sœ 6ata anga gbozugo á tshe guma kœzirœ angbo totœ nœ gbolo yakoshe nœ ye.

³ Tshe vwa aayi akwa nœ ye fœ azu á tshe e má endje ndœ angbonœ, kashe endje yiyindœ kœna tœnœ nene.

⁴ Tshe kpa vwa anga angbi aayi akwa ndœ koemindœ nœ fœ azu á tshe e endje adœke: “E na ga mœ ngɔngɔ asœ, mœ guma kœziroenœ ye; mœ wo angombe nœ mœ dœ pe agea ogoro. 'E na ga mœ ndœ angbo totoenœ, œrœ kɔ gumatœ endje ye.”

⁵ Kashe azunœ gbegbe dœ angbonœ nene, yé œ na ndœ akwa nœ endje: Anga na ga lœ kindi, anga na kœpara ngendja nœ ye;

⁶ anga endje tepa aayi akwanœ, á mbœrœ œrœ kanga fœ endje yé á wo endje.

⁷ Gbozugo su dœ ókó, œ vwa aturugu nœ ye endje wo azu á endje wo aayi akwa nœ ye, yé œ sho ongbo nœ endje.

⁸ Manda nœ, tshe pa fœ aayi akwa nœ ye adœke: “Mœ guma kœziroœ angbo ye, kashe azu á mœ e endje, œ doédœ azu á li má adœke mœ e endje dœmœ nene.

⁹ 'E ro ɓa lœ shangbeda awa, doé œ e azu kɔ á 'e gbɔ endje gu toenœ ndœ kœziroœ.”

¹⁰ Aayi akwanœ asœmœ wuta ga lœ shangbeda awa, œ ngbɔɓa azu kɔ á endje gbɔ endje gu toenœ: Œdœ aekpe azu, œdœ ɔtshɔ azu. Yé dœ toenœ ataa, anda angbonœ su kperœ dœ azu.

¹¹ «Lɔkɔ á gbozugo li ndœ kœwu azu á endje sœ pa ndaba nœ kœziroœ, tshe wu anga uzu bale, tshe veverœ lœba angbonœ nene.

¹² Tshe yu she adœke: “Yanga mœ, ɓœ sœsœ dœ lœba angbo nene, ɓœ li ga mœ koto o?” Tshe gigi o'o nene.

¹³ Yé á gbozugo kœpandœ nœ fœ aayi akwa nœ ye adœke: “E i ada ye dœ kane ye ga toenœ, œ vwi she ga ushu ɓa lœ ubu osho, osho á azu sœ

kœki tœnœ dœ kœzi tshelœ daji endje gbagbara gbagbara.”

¹⁴ Adjapu, endje e azu ndjoro, kashe endjeneke á endje ke endje ngbangba nene.»

Lapo nœ Sezare

(Wu 6a tœ Mar 12.13-17; Luk 20.20-26)

¹⁵ Yé Afarisayi ngbɔtœ endje ga tœnœ ndœ kœvwarandœ Yisu adœke œne gbɔ she tœ o'o ama ye.

¹⁶ Endje vwa anga ayambarœ nœ endje dœ pe azu nœ Erode mbœrœ kœpa fœ Yisu adœke: «Ayi kœyisœrœ, 'a wusœ nœ adœke 6œ sœ kœpa okporo o'o, 6œ sœ kœyisœ adja awa Ndjaba, 6œ sœ ndje kœkatœ zœ ti fœ uzu adœke tshe li ga lœ zœ dœ ekpe o'o nene. Bœ kpakpa awa uzu nene, œ wuwu ndje tshatshu uzu nene.

¹⁷ Ataa, pandœ gbetshelœ nœ zœ fœ a'a kane: œ li adœke azu yɔ lapo nœ Sezare a, too nene?»

¹⁸ Kashe Yisu wu lima sœ ekpe gbetshelœ nœ endje ye, yé œ pa fœ endje adœke: «Awulapatshɔ, mbœrœ gadœ á 'e sœ kœyu tshelœma mœ a?

¹⁹ 'E ma anga ngendja bale nœ kœyɔ dœ laponœ gamœ mœ wu kane.» Endje ma anga denarinœ bale fœ she.

²⁰ Yisu yu endje adœke: «Tshatshu uzu asœke dœ pe i'iri á endje sú asœke kœdœ œnœ dœ?»

²¹ Endje gi adœke: «Ænœ Sezare». Yé Yisu kœpa fœ endje adœke: «'E gi œrœ nœ Sezare fœ Sezare, œnœ Ndjaba fœ Ndjaba.»

²² Kœdji o'onœ asœmœ ataa, endje katœ ama endje ti ɔsɔ, œ katœ ye yé œ ro da ye.

*Upu nœ kœshe lœ akuzu
(Wu 6a tœ Mar 12.18-27; Luk 20.27-40)*

²³ Kolœ dœ ɔlɔnœ asœmœ, anga Asadukayi na ga ndœ Yisu. Endje dá sœ kœpa adœke kœshe lœ akuzu gugu nene. Á endje yu Yisu adœke:

²⁴ «Ayi kœyisœrœ, Moyize pa adœke, œdœ uzu kœtshu á kœzuzu gbolo nene, ayancœ œ to koyancœ manda ye mbœrœ á tshe kœembœrœ angwa fœ ayancœ á tshe tshu asœmœ.

²⁵ Andaa 6a ndœ 'a, 'a sœ dœ anga ayazu mindu dœ bisha (7). Alincœ to yashe, œ zuzu gbolo dœ she nene, œ tshu ye; 6ata á endje zuzu lima dœ yashencœ asœmœ nene, tshe katœ ye ti fœ ayancœ.

²⁶ Æ mbœrœtœ endje awa bale ataa ga tœ bisha ayancœ, ga tœ voto ayancœ œrrr ga tœ tshencœ mindu dœ bisha.

²⁷ Manda endje para, yashencœ kœtshu ye.

²⁸ Atamœ, dœ olo kœshe lœ akuzu yashencœ asœmœ œdœ awo dœ? Mbœrœ endje mindu dœ bisha (7) kɔ to lima she tœ awo endje yema a!»

²⁹ Yisu gi fœ endje adœke: «'E sœ lœ djingili, mbœrœ 'e wuwusœ buku nœ Ndjaba dœ pe gbɔgbɔ nœ ye nene.

³⁰ ɔlɔ kœshe lœ akuzu, ayakoshe dœ ayashe œ totœ endje nene kashe endje lœ 6ata aandjelu 6a lafo.

³¹ Æ kœdœ tœ o'o nœ kœshe lœ akuzu, 'e didi o'o á Ndjaba pa fœ 'e ala buku nœ ye nene a? Tshe pa adœke:

³² «Æmœ kœdœ Ndjaba nœ Abrayamo, Ndjaba nœ Izaka œdœ Ndjaba nœ Yakobo.” Yisu kpa pa adœke, Ndjaba kœdœ Ndjaba nœ asoro kashe tshencœ akuzu nene.»

³³ Koedji o'onœ ataa, ukpulu azu za lima ama endje ti ɔsɔ tœ koeyisœrœ nœ ye.

Awa o'o á ropa anganœ kɔ

(Wu 6a tœ Mar 12.28-34; Luk 10.25-28)

³⁴ Lɔkɔ á Afarisayi dji adœke Yisu ngbɔ ama Asadukayi ga tœnœ, endje ngbɔtœ endje ga tœnœ.

³⁵ Yé anga ayi koeyisœ awa akwa yu she ndœ koedji gbetshelœ nœ ye adœke:

³⁶ «Ayi koeyisœrœ, awa o'o gadœ dá ropa anganœ lœ awa akwa a?»

³⁷ Yisu gi fœ she adœke: «Æ li adœke 6œ yindœ Gbozu Ndjaba nœ zœ dœ lɔsu zœ bale, dœ ishiri zœ kɔ, dœ pe gbetshelœ nœ zœ kɔ.

³⁸ Asœmœ koedœ awa o'o á ropa anganœ yé œ sœ ndje dœ ádá waa.

³⁹ Bisha awa o'onœ á sœ ndje dœ ádá waa awa bale dœke: “Bœ yindœ yanga zœ 6ata á 6œ yindœtœ zœ dœ tœ zœ.”

⁴⁰ Awa akwa kɔ œdœ pe aayi kœgbara o'o kɔ to lœ awa o'onœ bisha asœke.»

Masiya œdœ Davidi

(Wu 6a tœ Mar 12.35-37; Luk 20.41-44)

⁴¹ Afarisayi ngbɔ6a lima tœ endje ga tœnœ yé Yisu yu endje dœ o'o atake:

⁴² «'E gbe má œnœ 'e kotoo tœ upu nœ Masiya a? Æshe koedœ ata dœ?» Endje gi fœ she adœke: «Ata Davidi.»

⁴³ Yisu pa fœ endje adœke: «Koto yeka á ishiri pa lima fœ Davidi adœke tshe e she “Gbozu” a? Gbambanœ nene, Davidi pa adœke:

⁴⁴ “Gbozu pa fœ Gbozu nœ mœ adœke: na œ sœ ga pa kuni mœ,

œrrr ga tœnœ adœke mœ ko ayingba zœ ga tshakudu ada zœ yekane.”

⁴⁵ «Ædœ Davidi kœ'e she lima Gbozu ataa, koto á tshe pkpa dœ ata nœ a?»

⁴⁶ Uzu bale lili lima kœgi o'o fœ she nene. Yé kœto kpœtœ olonœ ascœmœ, uzu bale kpa yuyu she dœ o'o nene.

23

Yisu gbagbara aayi kœyisœ awa akwa œdœ pe Afarisayi

(Wu 6a tœ Mar 12.38-39; Luk 11.43,46; Luk 20.45-46)

¹ Yé Yisu sœ lima kœpa 'o fœ ukpulu azu dœ pe fœ ayambarœ nœ ye adœke:

² «Aayi kœyisœ awa akwa œdœ Afarisayi kœdœ azu á endje sœ mbœrœ kœpandœ awa akwa nœ Moyize.

³ Ataa, 'e mbœrœtœ 'e lindœ o'o endje yé œ mbœrœ œneke kœ á endje pa fœ 'e; Kashe 'e zaza angwa kœmbœrœ œrœ nœ endje nene, mbœrœ endje sœsœ kœza œneke á endje sœ kœyisœ nœ ga tœ akwa nene.

⁴ Endje sœ kœi kikili kongba yé œ sœ kœko ga pa kanga azu; kashe endje dœ tœ endje, endje gogoro bale dœ yœkœne endje nene.

⁵ Ærœ kœ á endje sœ kœmbœrœ tœnœ, endje sœ kœmbœrœ dœ mara adœke azu wusœ œne. Ataa, œnœ endje ndœma lœba á endje sú o'o ama Ndjaba ga tœnœ yé á i ga pa ala endje too ga tœ kane endje sœ tœ egerœnœ. Ænœ endje apara yœgbœdœ lœba sœ kpi tœ œnœ anga endje. ⁶ Endje yindœ kœsœ

6a utshunœ 6a tœ osho á œsœnœ li œdœ kœsœ lœ ngande á sœ 6a utshunœ lœ Sinagoga.

⁷ Endje yindœ nœ adœke azu bala œne tœ osho angbœtœ yé œ e œne “Rabi*” yekane.

⁸ «Kashe e'e, 'e eetœ 'e “Rabi” nene, mbœrœ e'e kœ kœdœ ayazu, yé 'e sœ dœ Rabi kolœ tshebale.

⁹ 'E ee uzu bale pa œshœ asœ “Aba” nene, mbœrœ 'e sœ dœ Aba 'e kolœ tshebale á tshe sœ 6a lafo.

¹⁰ 'E yiyindœ nœ adœke endje e 'e “Agbangba kœyisœrœ” nene, mbœrœ 'e sœ kolœ dœ gbangba kœyisœrœ bale á tshe kœdœ Kristu.

¹¹ Æ li adœke uzu á tshe dœ egerœ uzu ugurutoe 'e dœ ayi akwa nœ 'e.

¹² Uzu á tshe titœ ye ga lafo, endje ku she ga ati, yé tsheneke á tshe zatœ ye ga ati, endje ti she ga lafo.»

Yisu gbagbara wulapatshœ nœ aayi kœyisœ awa akwa

(Wu 6a tœ Mar 12.40; Luk 11.39-52; Luk 20.45-47)

¹³ «Oyo nœ 'e dœ ayi kœyisœ awa akwa œdœ awulapatshœ Afarisayi! 'E sœ kœtshu manda Ogo gbozu nœ tshalafœ utshu azu. E'e dœ tœ 'e, 'e sœsœ kœli ga zœ nene, yé 'e sœ kœkœ endjeneke á endje gbe ndœ kœli tœnœ, kœli ga zœ.»

[
¹⁴ «Oyo nœ 'e dœ aayi kœyisœ awa akwa œdœ awulapatshœ Afarisayi; 'e sœ kœpara awa kœ kœkœ œrœ á ayashe koya sœ dœ tœnœ kœ tœ endje, 'e sœ ndje kœza avwala dœ o'o ndjoro mbœrœ kœmatœ

* **23:7** Rabi 6ata i'iri kœdœ lima i'iri ayi kœyisœrœ nœ awa akwa á œsœ ye li

'e. Mbœerœ toenœ ataa, Ndjaba œ wa bala ɔgbɔ ngbanga ga tœ 'e.]]»

¹⁵ «Oyo nœ 'e dœ aayi kœyisœ awa akwa œdœ awulapatshɔ Afarisayi, 'e sœ kœkɔrɔ na toenœ djezœ mbœerœ kœpara anga uzu bale adœke tshe fatshalɔsu ye, yé lɔndɔ á 'e mbœerœ á tshe fatshalɔsu ye, 'e kpa sœ kœyi she ga lœ kudu owo nœ lifelo awa bisha kœropa 'e.»

¹⁶ «Oyo nœ 'e, agbozu aayibula! 'E sœ kœpa adœke: “Ɛdœ uzu kœdarama ye dœ i'iri anda Ndjaba, œ sœsœ dœ o'o nene; kashe œdœ uzu kœdarama ye dœ i'iri ɔrœ á sœ ɔa lœ anda Ndjaba, dá tshe mbœerœ dœ ɔtshɔnœ.”

¹⁷ Aayi indi, aayibula, œrœ gafe dá sœ dœ ádá kœropa nœ a: Ɔrœ too Tepelo á mbœerœ adœke ɔrœnœ wuta yerœ a?

¹⁸ 'E kpa sœ kœpa adœke: “Ɛdœ uzu kœdarama ye dœ i'iri ndaba á endje to œrœ ga panœ fœ Ndjaba, œ sœsœ dœ o'o nene; kashe œdœ uzu kœdarama ye tœ tokóró á endje ko ga panœ, dá tshe mbœerœ dœ ɔtshɔnœ.”

¹⁹ Aayibula! Ɛrœ gafe dá sœ dœ ádá kœropa nœ a: Tokóró too ndaba á mbœerœ adœke tokórónœ wuta yerœ a?

²⁰ Ataa, uzu á tshe dara ama ye dœ i'iri ndaba, dá tshe dara ama ye pa ndabancœ œdœ ndje pe pa œrœ kɔ á sœ panœ.

²¹ Uzu á tshe dara ama ye dœ i'iri Tepelo, dá tshe dara ndje ama ye dœ i'iri Ndjaba á tshe sœ ɔa zœ.

²² Uzu á tshe dara ama ye dœ i'iri tshalafo, dá tshe dara ama ye dœ i'iri ngande tshagbozu œdœ ndje dœ i'iri Ndjaba á tshe sœ panœ.»

23 «Oyo nœ 'e, aayi kœeysœ awa akwa œdœ awu-lapatsho Afarisayi! 'E sœ kœeko bale lœ ndjokpa lœ kako dongo á tshafunœ ga waa, kashe 'e sœsœ kœembœerœtœ 'e lindœ awa akwa á sœ dœ ádá waa nene b̄ata: Kœsœ ndjii, kœewu oyo azu dœ pe kœeyindœrœ. Œrœ á li má adœeke 'e za ga tœ akwa dœmœ, yé œ tshapu kœembœerœ udunœ nene.

24 Agbozu ayibula! 'E sœ kœesa ipi mbœrœ kœewo dœ aya voma, kashe 'e sœ kœemerœ shamo!»

25 «Oyo nœ 'e, aayi kœeysœ awa akwa œdœ awu-lapatsho Afarisayi! 'E sœ kœedjutœ tshapa yashi œdœ pe tshapa saani, kashe tshelœnœ su dœ œrœ nœ angba œdœ dœ œrœ nœ ogo ekperœ nœ 'e.

26 Farisayi ayibula, djutœ tshelœ yashi utshunœ yeka á tshapa nœ kœega ndje.»

27 «Oyo nœ 'e, aayi kœeysœ awa akwa œdœ awu-lapatsho Afarisayi! 'E sœ b̄ata udu á endje dja tshapanœ dœ imbi ngbeya, á ga kolœ dja ga pa nœ, kashe tshelœnœ su kperœ dœ ngbabi akuzu œdœ dœ tshelœ aka mara ufu œrœ k̄a.

28 E'e ndje awa bale dja ga ushu, 'e sœ kœematœ 'e b̄ata azu á endje sœ ndjii tœ ala azu, kashe b̄a lœ 'e, e'e kœdœ awulapatsho œdœ aayi ngbindiroe.»

29 «Oyo nœ 'e, aayi kœeysœ awa akwa œdœ awu-lapatsho Afarisayi! 'E sœ kœembœerœ otsho udu mbœrœ aayi kœegbara o'o, yé œ sœ kœeguma tshapadu azu á endje sœ ndjii dœ ambara.

30 Yé 'e sœ kœepa adœeke: “Œdœ 'a kœsœ lima l̄ondœ nœ alata 'a zœ, 'a ngb̄otœ 'a lima dœ endje ndœ kœewo aayi kœegbara o'o nene.”

31 Ataa, 'e wusœ nœ dœ tœ 'e adœeke e'e kœdœ aata azu á endje wo lima aayi kœegbara o'o ye!

³² Yé ngǽngǽ asœke, 'e te lœ kumu kœmbœrœ udu akwa nœ aata 'e!

³³ E'e kœdœ ayakoro, ukpulu akatsha ayakoro! 'E gbe koto kœkpa awa adœke endje wa ngbanga djofele nœ lifelo 'e a?

³⁴ Mboerœ tœnœ ataa, mœ sœ kœvwa aayi kœgbara o'o, dœ aayi kœwusœtœ dœ pe aayi kœyisœ awa akwa fœ 'e. 'E wo anga endje, œ kuru anga endje ga pa kurushi, 'e kpa sǽ anga endje dœ ndjapa ǽa lœ Sinagoga nœ 'e œ gǽrǽ endje lœ ongbo dœ ongbo.

³⁵ Yé indji azu á endje sœ ndjii á tu lima ga pa ǽshǽ asœmœ, sœ ga pa kumu 'e, kœto ǽa tœ indji Abele á tshe sœ ndjii œrrr ga tœ indji Zakariya, gbolo nœ Barashi á 'e wo lima she ǽa ugurutœ œyerœ osho œdœ ndaba lœ anda Ndjaba.

³⁶ Mœ sœ kœpa fœ 'e dœ adjapu adœke: Tshangba œrœnœ asœmœ kǽ œ sœ ga pa kumu 'e dœ azu nœ tshakpesheke asœke!»

*Kœpulœma tœ upu nœ Yerusaleme
(Wu ǽa tœ Luk 13.34-35)*

³⁷ «Yerusaleme, Yerusaleme, œǽœ á ǽœ sœ kœwo aayi kœgbara o'o yé á sœ kœve endjeneke á Ndjaba sœ kœvwa endje fœ ǽœ dœ badja, awa ndjoro mœ yi lima ndœ kœngbǽǽa azu nœ zœ ga tœ œsœnœ bale ǽata á ayi ngato œ ngbǽǽa ayancœ ga tshakudu ombo ye, kashe 'e yiye lima ndœ nœ nene!

³⁸ Mboerœ tœnœ ataa, Ndjaba œ gi ala ye pa anda nœ 'e, yé anga œrœ bale kpa gu nene.

³⁹ Gbambancœ nene, mœ sœ kœpa fœ 'e adœke: Kœto ngǽngǽnœ asœke, 'e kpa wu mœ nene œrrr

ga tœ lɔkɔ á 'e pa adœke: “Kaka Ndjaba to kane ye ga pa uzu á tshe na dœ i'iri Gbozu.”»

24

O'o tœ upu nœ kœndi Tepelo

(Wu 6a tœ Mar 13.1-2; Luk 21.5-6)

¹ Lɔkɔ á Yisu wuta lima lœ Tepelo á tetœ kœro tœnœ, ayambarœ nœ ye na ndoo dœ she mbœrœ kœma mara á endje mɔ dœ Tepelo.

² Yisu za o'o yé œ pa fœ endje adœke: «'E wu œrœnœ ascœmœ kɔ? Mœ sœ kœpa dœ adjapu adœke anga badja bale œ kpa ka ga pa anganœ nene; tsheloœnœ œ ndi para ye.»

Oyo œdœ œrœ kanga

(Wu 6a tœ Mar 13.3-13; Luk 21.7-19)

³ Lɔkɔ á Yisu sœ ga ati 6a pa kaga ɔyɔ olive, ayambarœ nœ ye gitœ endje ndoo dœ she ga indirinœ, yé œ yu she adœke: «Pa fœ 'a kane, dœ ɔlɔ gadœ dá œrœnœ ascœmœ œ mbœrœ má tœ endje a? Yé ambárá gadœ dá matœ endje dœ olo kœkwa 6œ œdœ dœ olo kœka tshapashɔ a?»

⁴ Yisu gi fœ endje adœke: «Ala 'e gbɔ, uzu bale fafara 'e nene.

⁵ Gbambanœ nene, azu ndjoro œ na bala dœ i'iri mœ, œ pa adœke: “Œmœ kœdœ Masiya!” Yé endje fara azu ndjoro.

⁶ ɔlɔ á 'e kœdjindœ upu nœ koshe á sœ lœ on-dœnœ œdœ œneke á sœ lœ ingirinœ, awa zaza 'e nene; œ li adœke œrœ ataa wuta yeka, kashe œ dœdœ damba kœka tshapashɔ dœmœ nene.

⁷ Ogo bale œ nga koshe dœ anga ogo, yé ogo gbozu bale œ nga koshe dœ anga ogo gbozu,

egerœ ogo œdœe kœturu ɔshɔ œ za osho ngbang-bangba.

⁸ Ɔerœnce ascœmœe kɔ œ sœe bala ɓata ali kœka œrœe á ka yashe utshu kœzu gbolo.

⁹ «Azu œ ko 'e bala mbœrœe adœeke endje ndanga 'e yé œ wo 'e. Angbi azu kɔ œ yiangba 'e mbœrœe i'iri mœe.

¹⁰ Yé azu ndjoro œ katœ kœyindœrœe nœ endje; endje tɔ gbandatœ endje dœ pe kœyiangbatœ endje ugurutœ endje.

¹¹ Ayi kœgbara o'o nœ wala œ wuta yé œ djingili tshelœ azu ndjoro.

¹² Manda nœ, ngbindiroœ œ gerœ lœ azu, yé kœyindoesho œ gerœ nene.

¹³ Kashe uzu neke á tshe ka ngbiri œerr ga tœ ndɔngɔlɔnœ, œshe ascœmœe dá she.

¹⁴ Endje mindœ Ɔtshɔ O'o ogo gbozu pa ɔshɔ djigi; angbi azu kɔ œ dji yeka á manda nœ á tshapashɔ œ ka.»

Egerœ oyo

(Wu 6a tœ Mar 13.14-23; Luk 21.20-24)

¹⁵ «'E wu bala tsheneke á endje e she “ayi kœendi œrœe” á ayi kœgbara o'o Daniyele pa lima tœ ye 6a tœ œyerœe osho. Kaka tsheneke á tshe di mbetinoœ asœeke wusœe ádánœ!

¹⁶ Yé œ li adœeke endjeneke á endje sœe 6a lœ ogo Yuda, kpa ga pa kaga.

¹⁷ Tsheneke á tshe kœsœe 6a pa anda, œ lili adœeke tshe jerœ ga ati mbœrœe kœko gbarœ nœ ye 6a scœnda nœ ye nene.

¹⁸ Tsheneke á tshe kœsœe 6a lœ kindi, œ lili adœeke tshe kwatœ ye ndœe kœza yɔgbɔdɔ lœba nœ ye nene.

19 «Oyo nœ ayashe nguzu œdœ endjeneke á endje sœ kœko ɔngɔ ga lœ ama agbolo dœ olonœ asœmœ!

20 'E za avwala fœ Ndjaba mbœrœ á 'e kœkpakpa dœ yapu nœ izi too dœ olo sabata nene.

21 Gbambanœ nene, dœ lɔkɔnœ asœmœ, egerœ oyo œ sœ zœ; œ sœ tœ egerœnœ kœrosœ œneke á endje wu ɓa lima kœto kpoetœ ali kœmbœrœ tshapashɔ œrrr ga tœ ngɔngɔ asœke, yé mara œrœ ataa œ kpa mbœrœtœ endje bale nene.

22 Œdœ Gbozu kœgbe má lima tœ kœgi ata olonœ nene, uzu bale œ sœpe má dœ soro nene; kashe mbœrœ endjeneke á tshe ke endje dá tshe kundœ átá olonœ asœmœ.

23 «Yé œdœ anga uzu kœpa fœ 'e adœke: “Masiya sœ ɓa ke” too “tshe sœ ɓa e”, 'e yiyindœ nœ fœ she nene.

24 Gbambanœ nene, aekpe masiya œdœ aayi kœgbara o'o nœ wala œ wuta ndjoro. Endje mbœrœ afá yé œ ma ambárá œrœ ndjoro dœ mara adœke œne djingili tshelœ kumu azu. Œdœ œ kœli ndje, endje mbœrœ ndje awa bale fœ endjeneke á Ndjaba ke endje.

25 'E dji kane! Mœ va tshelœ utu 'e tœnœ ut-shunœ ye.

26 «Œdœ endje kœpa fœ 'e adœke: “'E wu, tshe sœ ɓa lœ kpagagasho”, 'e nana ga zœ nene. Too œdœ endje kœpa fœ 'e adœke: “'e wu, tshe zatœ ye yiwa tœnœ ɓa ke”, 'e yiyindœ nœ nene.

27 Bata á yavuru œ yerœwa ɓa lafo, kœto ɓa tœ osho á ɔɔ œ wuta tœnœ œrrr ga tœ osho á ɔɔ œ li tœnœ, dœ mara ataa dá Gbolo nœ uzu œ na bala dœ tœnœ.

²⁸ Osho á oko uzu sœ tœncœ dá adivumbala œ ngbœtœ endje 6a zœ.»

*Ambárá kœna Gbolo nœ uzu
(Wu 6a tœ Mar 13.24-27; Luk 21.25-28)*

²⁹ «Manda kœwu oyo nœ oloncœ ascœmœ, ɔlɔ œ te ubuncœ, yapu œ kpa tɔ nene, angerepe œ to 6a lafo œ yo ga ati, gbɔgbɔ nœ tshalafɔ œ turu.

³⁰ Yé ambárá Gbolo nœ uzu œ wuta 6a lafo; azu kɔ pa ɔshɔ œ dɪtshelœma endje, endje wu Gbolo nœ uzu kœna lœ ondoro dœ gbɔgbɔ djigi œdœ lœ mokɔ.

³¹ Tshe vwa bala aandjelu nœ ye ndœ kœ'uru ngbake tœ osho kɔ pa ɔshɔ: Tshe ngbɔ6a bala endjeneke á tshe ke endje tœ osho kɔ ga tœncœ.»

*Kœyiscœœ á to lœ ɔyɔ fige
(Wu 6a tœ Mar 13.28-31; Luk 21.29-33)*

³² «'E dji ádá kœyiscœœ á to lœ ɔyɔ fige: Lɔndɔ á ganeancœ kœyɔɔtshelœtœ endje, 'e wusœ nœ adœke yapu kœlu ngwarœ ndo ye.

³³ Æ sœ ndje atamœ fœ 'e, ɔlɔ á 'e kœwu ndje œrcœ ataa kœmbœrcœtœ endje, 'e wusœ nœ adœke Gbolo nœ uzu ndo ye, tshe sœ lœ manda 'e.

³⁴ Mœ sœ kœpa fœ 'e dœ adjapu, azu nœ tshakpesheke, endje tshu kɔ nene á œrcœncœ œ mbœrcœtœ endje.

³⁵ Tshalafɔ dœ tshapa ɔshɔ œ ro ye, kashe o'o ama mœ œ ro nene.»

*Ndjaba kuti ye dá wusœ ndœngɔlɔ olo
(Wu 6a tœ Mar 13.32-37; Luk 17.26-30,34-36)*

³⁶ «Kashe oloncœ œdœ ada ɔlɔncœ ascœmœ, uzu bale wuwusœ nœ nene; œdœ aandjelu 6a lafo,

ædœ Gbolo nœ uzu, endje wuwusœ nœ nene, Aba kuti ye dá wusœ nœ.

³⁷ Lɔndɔ nœ kœna Gbolo nœ uzu, œrœ œ mbœrœtœ endje kolœ ɓata mara œrœ á mbœrœ lima tœ endje dœ lɔkɔ nœ Nowa.

³⁸ Gbambanœ nene, dœ lɔndɔnœ asœmœ, ut-shu lɔkɔ egerœ kœsu ungu pa ɔshɔ djigi, azu sœ lima kœziœ dœ kœndjorœ, endje sœ lima kœtotœ endje too kœko ayawuru nœ endje ndœ totœ œrrr ga tœ olo á Nowa li lima ga lœ egerœ agba.

³⁹ Endje sœsœ lima kœgbe dœ œrœ bale nene œrrr á egerœ kœsu ungu na, á endje tara para kɔkɔ. Œ sœ ndje ataa lɔkɔ á Gbolo nœ uzu œ na bala.

⁴⁰ Yé ayakoshe bisha œ sœ ɓa lœ kindi, endje za anga bale, œ katœ anga ti.

⁴¹ Ayashe bisha œ sœ kœtɔ œrœ lœ kafuru, endje za anga bale, œ katœ anga ti.

⁴² Ataa, ala 'e gbɔ mbœrœ 'e wuwusœ olo neke á Gbozu nœ 'e œ na dœ tœnœ nene.

⁴³ 'E wusœ nœ adœke, ædœ ayengɔ anda kœwusœ ada ɔlɔ nœ butshɔ á ayi angba œ na kœzi angba œrœ nœ ye, tshe lo olo nene yé tshe katœ ye adœke tshe to ogoro lœ anda nœ ye nene.

⁴⁴ Mbœrœ tœnœ ataa, e'e ndje, ala 'e gbɔ mbœrœ Gbolo nœ uzu œ na dœ ada ɔlɔ neke á 'e wuwusœ nœ nene.»

*Ayi akwa á tshe sœ kœmbœrœtœ ye lindœ nœ
(Wu ɓa tœ Luk 12.41-48)*

⁴⁵ «Ataa, ædœ dá dœ ayi akwa á tshe sœ kœmbœrœtœ ye lindœ o'o gbozu nœ ye, yé á sœ ndje dœ kœwusœrœ á gbozu akwa nœ ye za she tœ kapeta nœ anganœ, mbœrœ kœto kœziœ fœ endje liaka ada ɔlɔ dali a?

⁴⁶ Yanga nœ ayi akwanœ asœmœ œdœ gbozunœ
kœgu á gbœ she loema akwanœ!

⁴⁷ Mœ sœ kœpa dœ adjapu fœ 'e: gbozu œ za she
tœ kapeta tshapa œrœ nœ ye kœ.

⁴⁸ Kashe œdœ œshe kœdœ ekpe ayi akwa, á pa 6a
lsu ye adœke: “Gbozu nœ mœ œ gu katsha nene”,

⁴⁹ yé á tetœ kœ6i aayi akwa anganœ, kœzi œrœ
dœ pe kœndjo œrœ awa bale dœ aayi kœndjorœ,

⁵⁰ gbozu nœ ayi akwanœ asœmœ œ gu dœ olo
œdœ dœ ada 6lo á ayi akwanœ wuwusœ nœ nene.

⁵¹ Tshe gœrœ ayi akwanœ, œ mbœrœ œrœ kanga
nœ awulapatshœ fœ she, 6a tœ osho á azu œ ki dœ
pe kœzi tshelœ daji endje gbagbara gbagbara.»

25

Ndœma toro tœ upu nœ akpœ ayawuru ndjokpa

¹ «Yé Ogo gbozu nœ tshalafo sœ 6ata œkpœ
ayawuru ndjokpa á endje ko miinda nœ endje, yé
á wuta kœna kœetogba dœ yakoshe totœ.

² Anga endje mindu kœdœ aayi indi, anga endje
mindu kœdœ aayi kœwusœrœ.

³ Kœko miindanœ, aayi indinœ mindu susu lima
kada ga lœ œnœ endje nene;

⁴ kashe aayi kœwusœœnœ mindu su lima kada
ga lœ anga á na dœ tœnœ dœ miinda nœ endje.

⁵ Bata œndœ yakoshœnœ sœ lima kœdi tœnœ
waa, olo mbœrœ endje, endje lo para ye.

⁶ «Lœ œgbœ butshœ, anga uzu bale tetœ rawa
adœke: “'E wu, yakoshœnœ dá yi kumu ye asœ; 'e
wuta ndœ ye.”

⁷ Œkpœ ayawurunœ kœjo para yé kœetetœ kœguma
miinda nœ endje.

⁸ Aayi indinœ koepa fœ ayi koewusœrœ adœke: “E su anga kada nœ 'e fœ 'a mbœrœ œnœ 'a miindanœ sœ kœru tœnœ.”

⁹ Aayi koewusœrœ kœgi fœ endje adœke: “Æ ngba 'a ye, œ gegerœ yeka á 'a kœsu mbœrœ 'a œdœ fœ 'e nene. 'E na œ yœ œne 'e ba ndœ aayi kœka œrœ.”

¹⁰ Lœndœ á aayi indinœ ro kœyœ kadanœ ga zœ atake, yakoshe totoœnœ yi kumu ye. Akpœ ayawuru mindu á endje guma má tœ endje yindjindjinœ asœmœ, li dœ she ga sœnda angbo totoœnœ, yé endje koetshu mandanœ ga tœnœ ye.

¹¹ Endœnœ di manda nœ, œkpœ ayawuru indinœ gu œ tetœ kœ'e osho adœke: “Gbozu, gbozu, kœrœ manda fœ 'a ka!”

¹² Kashe tshe gi adœke: “Mœ sœ koepa dœ adjapu fœ 'e adœke, mœ wuwusœ 'e nene.”

¹³ Atamœ, ala 'e gbœ, mbœrœ 'e wuwusœ olo dœ pe ada œœ nene.»

*Ndœma toro tœ upu nœ ngendja
(Wu ba tœ Luk 19.11-27)*

¹⁴ «Æ sœ bala bœta anga yakoshe á tshe yi lima ndœ kœna ana: Tshe e aayi akwa nœ ye œ katœ œrœ nœ ye fœ endje.

¹⁵ Tshe ko fœ anga talata mindu, anga talata bisha, fœ votœnœ talata* bale: Tshe ko fœ uzu dœ uzu liaka gbœgbœ nœ ye. Manda nœ, tshe ro daye.

¹⁶ Ayi akwa á tshe gbœ talata mindu gu œ za ga tœ akwa, yé œ kpa gbœ anganœ mindu ga panœ.

¹⁷ Tsheneke á tshe gbœ talata bisha mbœrœ ndje awa bale, yé œ kpa gbœ talata bisha ga panœ.

* **25:15** Talata bale li dœ denari ndjokpa

¹⁸ Kashe tsheneke á tshe gbɔ talata bale, gu œ dji kudu ɓa lœ ɔshɔ, yé œ za talata bale nœ gbozu akwa nœ ye yiwa tœncœ ga lœ nœ.»

¹⁹ «Endœncœ koedi œrrr manda nœ, gbozu nœ aayi akwanœ asœmœ gu, yé œ tetœ kœyu endje tœ akwa á tshe ka lima tœncœ fœ endje.

²⁰ Tsheneke á tshe gbɔ lima talata mindu gitœ ye ndoo, œ pa adœke: “Gbozu, wu, ɓœ ko lima talata mindu fœ mœ. Anganœ mindu á mœ gbɔ ga panœ dœke.”

²¹ Gbozu nœ ye pa fœ she adœke: “Ɛ sœ dœ ɔtshɔncœ, œɓœ koedœ ɔtshɔ ayi akwa yé ɓœ mbœrœtœ zœ lindœ nœ. Bata á ɓœ mbœrœtœ zœ lindœ nœ lœ aya akwa ataa, mœ za ɓœ ga pa egerœncœ. Na ga mœ œ sœ dœ yanga awa bale dœ gbozu nœ zœ.”

²² Tsheneke á tshe gbɔ lima talata bisha na ndje œne ye, yé œ pa adœke: “Gbozu, ɓœ ko lima talata bisha fœ mœ. Anganœ bisha á mœ gbɔ ga panœ dœke.”

²³ Gbozu nœ ye pa fœ she adœke: “Ɛ sœ dœ ɔtshɔncœ, œɓœ koedœ ɔtshɔ ayi akwa yé ɓœ mbœrœtœ zœ lindœ nœ. Bata á ɓœ mbœrœtœ zœ lindœ nœ lœ aya akwa ataa, mœ za ɓœ ga pa egerœncœ. Na ga mœ œ sœ dœ yanga awa bale dœ gbozu nœ zœ.”

²⁴ «Tsheneke á tshe gbɔ lima talata bale kœna, yé á kœpa œncœ ye adœke: “Gbozu, mœ wu lima sœ nœ adœke œɓœ koedœ gbozu á ɓœ ngaanga: Bœ sœ kœkɔ ngwarœ á œ dœdœ ɓœ dá lu nene, ɓœ sœ kœkɔ ngwarœ ɓa tœ osho á ɓœ lulu œrœ bale nene.

²⁵ Awa za mœ, yé á mœ na á za talata nœ zœ yiwa tœncœ ga lœ ɔshɔ. Wu, œrœ nœ zœ dœke.”

²⁶ Kashe gbozu nœ ye gi fœ she adœke: “Ekpe ayi akwa, ayi ɔdɔ! Bœ wu lima sœ nœ adœke mœ sœ kœkɔ ngwarœ á œ dœdœ mœ dá lu nene, mœ sœ kœkɔ ngwarœ ɔa tœ osho á mœ lulu œrœ bale nene.

²⁷ Ataa, œ li má adœke ɔœ ko ngendja nœ mœ ga lœ anda kœgumasœ ngendja, yé á mœ kœgu má atake, á kœgbɔ anga œrœ nœ mœ ga pa nœ.

²⁸ 'E za talatanœ ascœmœ bale tœ ye, yé œ za fœ tsheneke á tshe sœ dœ tœnœ ndjokpa ascœmœ.

²⁹ Gbambanœ nene, uzu kɔ á tshe sœ dœ œrœ ndjoro, endje to anganœ ga panœ fœ she. Tsheneke á tshe gugu dœ œrœ nene, endje ko œneke teasho á tshe sœpe dœ tœnœ, tœ ye yé.

³⁰ Tœ ayi akwanœ á ádá ye gugu nene asœ, 'e vwi she ga lœ ubu osho ɔa shu: ‘Ba zœ kœdœ kolœ iki œdœ kœ zi tshelœ daji gbagbara gbagbara.’»

Ndɔngɔlɔ kœwa ngbanga

³¹ «Lɔkɔ á Gbolo nœ uzu œ na bala lœ mokɔ nœ ye dœ aandjelu para, tshe sœ ɔa pa ngande tshagbozu nœ mokɔ nœ ye.

³² Azu ogo kɔ pa ɔshɔ œ ngbɔtœ endje ɔa utshu ye, yé tshe kurutshelœ azu dœ azu ɔata á ayi kœgbɔndœ ayarœ œ kurutshelœ apata dœ ayaburu.

³³ Tshe ko apata ga tœ kuni ye, yé œ ko ayaburu ga tœ gele ye.

³⁴ Yé gbozugo œ pa fœ endjeneke á endje sœ ga tœ kuni ye adœke: “‘E na ga mœ, e'e á Aba mœ to kane ye ga pa 'e. 'E li ga lœ ogo tshagbozu á endje guma ɔa lima sœ nœ fœ 'e, kœtotœ kœmbœrœ tshapashɔ.

³⁵ Gbambanœ nene, mœ sœ lima dœ ogo yé 'e to kœzirœ fœ mœ; mœ sœ lima dœ ogo ungu yé 'e su ungu fœ mœ; mœ dœ lima gene yé 'e za osho kœsœ fœ mœ;

³⁶ mœ sœ lima kpendronœ yé 'e za lœba fœ mœ; mœ sœ lima dœ kôba yé 'e na ndœ kœtitœ mœ; mœ sœ lima lœ anda kânga yé 'e na kœwu mœ."

³⁷ «Yé azu á endje sœ ndjii gi fœ she adœke: "Gbozu, lœkœ gadœ á 'a wu lima bœ dœ ogo yé á to kœzirœ fœ bœ a, dœ ogo ungu yé á su ungu fœ bœ a?

³⁸ Lœkœ gadœ á 'a wu lima bœ tœ gene yé á za osho kœsœ fœ bœ a? Lœkœ gadœ dá 'a wu lima bœ kpendronœ yé á za lœba fœ bœ a?

³⁹ Lœkœ gadœ dá 'a wu lima bœ dœ kôba too lœ anda kânga yé á 'a na kœwu bœ a?"

⁴⁰ Yé gbözőgo œ gi fœ endje adœke: "Mœ sœ kœpa fœ 'e dœ adjapu adœke: ɔlœ kœ á 'e sœ lima kœmbœrœ œrœncœ asœmœ fœ anga aaya lœ aaya mœ á œsœ endje lili nene, œmœ dá 'e sœ lima kœmbœrœ tœncœ fœ mœ asœmœ."

⁴¹ «Manda nœ, tshe pa bala fœ endjeneke á endje sœ ga pa gele ye adœke: "'E gitœ 'e zara tœ mœ, e'e dœ azu á endje darandœ 'e! 'E na œ yo ga la owo á ru nene, á endje guma fœ djaboro dœ aandjelu nœ ye.

⁴² Gbambanœ nene, mœ sœ lima dœ ogo yé 'e toto kœzirœ fœ mœ nene; mœ sœ lima dœ ogo ungu yé 'e susu ungu kœndjo tœncœ fœ mœ nene;

⁴³ mœ na lima tœ gene yé 'e zaza osho kœsœ fœ mœ nene; mœ sœ lima kpendronœ yé 'e zaza lœba fœ mœ nene; mœ sœ lima dœ kôba yé 'e nana œ

titœ mœ nene; mœ sœ lima lœ anda kánga yé 'e nana œ wu mœ nene.”

⁴⁴ Yé endje ndje, endje gi bala adœke: “Gbozu, ɔɔ gade dá 'a wu lima ɔœ dœ ogo too dœ ogo ungu, tœ gene too kpendronœ a, dœ kɔɔa too lœ anda kánga yeka á gbegbe lima dœ ɔœ nene a?”

⁴⁵ Yé tshe gi bala fœ endje adœke: “Mœ sœ kœpa fœ 'e dœ adjapu, ɔɔ dœ ɔɔ á 'e mboembœrœ lima œrœncœ asœmœ fœ anga aya bale ugurutoe aaya mœ á œsœ endje lili nene, 'e mboembœrœ ndje lima fœ mœ nene.”

⁴⁶ Yé endjeneke œ li bala ga lœ djofele neke á ka nene. Andaa, azu á endje sœ ndjii œ li bala ga lœ soro nœ waa dœ waa.»

26

Kœvwarandœ Yisu

(Wu ɓa tœ Mar 14.1-2; Luk 22.1-2; Yow 11.45-53)

¹ Lɔkɔ á Yisu mindœ upuncœ asœmœ kɔkɔ ye, tshe pa fœ ayambarœ nœ ye adœke:

² «'E wusœ nœ adœke œ sœpe olo bisha kœwuta ga tœ angbo nœ pake: Endje za Gbolo nœ uzu yɔ œrœ ndœ kœkuru she ga pa kurushi.»

³ Yé agbozu tshapa anganga Ndjaba dœ pe agbozu Ikrizia ngbɔtœ endje ɓa sœnda nœ egerœ nganga Ndjaba á i'iri ye kœdœ Kayifa.

⁴ Endje djitœ endje yé œ wa adœke œne frandœ Yisu œ tepa ye yeka á kœ wo she.

⁵ Endje sœ lima kœpa adœke: «Æ lili adœke a za she dœ lɔndɔ angbonœ nene, ete nene azu œ oma ye.»

Anga yashe su yombo ga lœ kumu Yisu

(Wu ɓa tœ Mar 14.3-9; Yow 12.1-8)

⁶ Lɔkɔ á Yisu sœ lima 6a lœ Betani 6a sœnda nœ ayi boroma Shimu,

⁷ anga yashe bale na dœ yombo nœ ye lœ anga á endje mbœrœ dœ albatre*, ama yombonœ gbɔ waa. Tshe su yombonœ ga lœ kumu Yisu lɔndɔ á tshe sœ pa ndaba kœzi œrœ.

⁸ Lɔkɔ á ayambarœ nœ ye wu ataa, endje sœ dœ ekpe lɔsu yé œ pa adœke: «Mbœrœ gadɛ á tshe ndi ungu yombonœ asœ ataa?

⁹ Ɛ li má adœke endje ka yombonœ asœmœ dœ amanœ tœ ɔgbɔnœ yé œ kurutshelœ ngendjanœ tœ aayi oyo.»

¹⁰ Yisu wusœ nœ lima adœke endje sœ kœpa ataa, yé œ pa fœ endje adœke: «Mbœrœ gadɛ á 'e sœ kœendanga yashenœ asœke a? Ɛrœ á tshe mbœrœ fœ mœ kœdœ ɔtshœrœ.

¹¹ Gbambanœ nene, 'e sœ tœ œsœnœ dœ aayi oyo ɔɔ dœ ɔɔ. Kashe œmœ, 'e sœ dœ mœ awa bale waa nene.

¹² Tshe su yombonœ asœmœ kpɔɔ ga tœ ɔkɔ mœ mbœrœ kœguma mœ ndœ kœshi mœ.

¹³ Mœ sœ kœpa dœ adjapu fœ 'e adœke: Osho kɔ á endje pandœ Ɔtshɔ O'onœ asœke tœnœ pa tshapashɔ djigi, endje pandœ œrœ á yashe asœke mbœrœ, yé endje gbe dœ she.»

Kœvatɔ osho nœ Yuda

(Wu 6a tœ Mar 14.10-11; Luk 22.3-6)

¹⁴ Yé anga yambarœ bale lœ andjokpa dœ bisha á i'iri ye kœdœ Yudasi Isikariote, na ga ndœ agbozu tshapa anganga Ndjaba,

* **26:7** Albatre kœdœ badja á tshelœnœ sœ ngbií á endje mbœrœ dœ anga yé amanœ gbɔ waa

¹⁵ yé œ pa fœ endje adœke: «Ærœ gadé dá 'e za fœ mœ œdœ mœ kœza she yɔ œrœ fœ 'e a?» Endje di langere ngendja zazu bale dœ ndjokpa (30), yé á ko fœ she.

¹⁶ Koeto pe dœ lɔkɔnœ ascœmœ, Yuda tetœ kœpara awa ndœ kœza Yisu fœ endje.

*Yisu zi œrœ angbo pake dœ ayambarœ nœ ye
(Wu 6a tœ Mar 14.12-21; Luk 22.7-14,21-23; Yow 13.21-30)*

¹⁷ Dœ ali olo nœ angbo nœ mapa á susuku nene, ayambarœ na kœyu Yisu adœke: «Bœ yindœ nœ adœke 'a guma kœziœ nœ pake fœ 6œ kpœta a?»

¹⁸ Tshe pa fœ endje adœke: «'E na 6a ndœ anga uzu bale lœ ongbo yé œ pa fœ she adœke: “Gbozu pa adœke: Ada ɔlɔ nœ mœ li ye; mœ mbœrœ angbo pake dœ ayambarœ nœ mœ 6a ndœ zœ.”»

¹⁹ Ayambarœnœ mbœrœ ɔata á tshe pa tœnœ fœ endje, yé œ guma œrœ angbo Pakenœ.

²⁰ Lɔkɔ á ɔlɔ di, Yisu sœ pa ndaba kœziœ dœ ayambarœ ndjokpa dœ bisha.

²¹ Lɔndɔ á endje sœ kœziœ, tshe kœpa adœke: «Mœ sœ kœpa fœ 'e dœ adjapu, anga yanga 'e bale œ za mœ yɔ œrœ zœ.»

²² Oyo kœza endje, endje kœtetœ kœyu she uzu dœ uzu adœke: Æ dœ mœ a, Gbozu?

²³ Tshe kœgi adœke: «Æshe á tshe ngbɔ kane ye lœ gbarœ kœziœ awa bale dœ mœ ascœmœ, œshe dá za mœ yɔ œrœ.

²⁴ Gbolo nœ uzu œ tshu ɔata á endje sú lima ala buku nœ Ndjaba tœ upu nœ ye. Kashe oyo nœ uzu á tshe za Gbolo nœ uzu yɔ œrœ. Æ sœ má dœ ɔtshɔnœ mbœrœ uzunœ adœke adja endje zuzu she nene!»

²⁵ Yudasi, á tshe sœ kœza she yɔ œrœ, za o'o œ pa adœke: «Ædœ mœ a, Gbozu?» Yisu gi fœ she adœke: «Æbœ dœ tœ zœ bœ pa ye.»

*Ndɔngɔb kœziœ nœ Yisu dœ ayambarœ nœ ye
(Wu 6a tœ Mar 14.22-26; Luk 22.14-20; 1Ko 11.23-25)*

²⁶ Dœ lɔndɔ kœzi œrœ, Yisu za mapa œ donga Ndjaba, œ kavwa tshelœncœ, œ ko fœ ayambarœ nœ ye, yé œ pa adœke: «'E ko œ zi, asœ kœdœ undu mœ.»

²⁷ Manda nœ, tshe za ndje yashi vinu, œ donga Ndjaba, yé œ za fœ endje dœ kœpa adœke: «E'e kɔ 'e ndjo,

²⁸ mbœrœ asœke kœdœ indji mœ, indji á guma ayo ugurutœ Ndjaba dœ azu, indji á tu mbœrœ azu ndjoro œdœ mbœrœ kœdjercœndœ ekperœ nœ azu.

²⁹ Mœ sœ kœpa dœ adjapu fœ 'e adœke, mœ kpa ndjo vinu nene œerrr ga tœ lɔkɔ á mœ ndjo bala tafonœ dœ 'e 6a lœ Ogo gbozu nœ Aba mœ.»

³⁰ Manda kœdonga Ndjaba dœ itshi, endje wuta ndœ kœɔ ga pa kaga ɔyɔ Olive.

*Yisu pa adœke Petro œ 'ea œne
(Wu 6a tœ Mar 14.27-31; Luk 22.31-34; Yow 13.36-38)*

³¹ Yé Yisu kœpa fœ endje adœke: «Lœ butshɔ asœ, e'e kɔ 'e katœ mœ ti ye. Gbambancœ nene, endje sú 6a la buku nœ Ndjaba adœke: “Mœ 6i bala ayi kœgbœndœ apata, yé ukpulu apatanœ œ ndjɔtshelœtœ endje.”

³² Kashe, Yisu kpa pa adœke: Lɔkɔ á Ndjaba kœshe mœ lœ kuzu, mœ na utshu 'e ga lœ Galilayi.»

³³ Petro za o'o æ pa fœ she adœke: «Ædœ azu kɔ kœkatœ zœ ti, œmœ, mœ katœ zœ ti nene.»

³⁴ Yisu gi fœ she adœke: «Mœ pa fœ ɓœ dœ ad-japu adœke, dœ butshɔnœ asœke utshunœ adœke kɔngato ki, ɓœ 'ea mœ awa votɔ.»

³⁵ Petro pa fœ she adœke: «Ædœ œ kœsœ adœke a tshu dœ ɓœ, mœ 'ea ɓœ bale nene.» Yé ayam-barœnœ kɔ pa ndje awa bale.

Yisu ɓa lœ Getesemane

(Wu ɓa tœ Mar 14.32-42; Luk 22.39-46)

³⁶ Yisu wuta dœ ayambarœ nœ ye ɓa tœ anga osho á endje e i'irinœ Getesemane, yé á pa fœ endje adœke: «'E sœ ga ati kpœke, mœ sœ kœna kœza avwala ɓa 'e.»

³⁷ Tshe za Petro œdœ agbolo yakoshe nœ Zebedayi bisha á na dœ endje. Tshe tetœ kœgbɔ oyo tœ lœsu ye, yé awa li she gɔrɔ.

³⁸ Yé á tshe kœpa fœ endje adœke: «Lœsu mœ su kperœ dœ oyo nœ kuzu. 'E sœ kpœke yé œ lolo nene awa bale dœ mœ.»

³⁹ Tshe gitœ ye zara œ te dœ tshatshu ye ga tœ ɔshɔ, œ za avwala adœke: «Aba mœ, œdœ œ kœli, gi yashi œrœ kangœnœ asœke zara tœ mœ ye. Æ sœsœ adœke ɓœ mbœrœ œneke á mœ yindœ nœ nene, kashe mbœrœ ɓata á ɓœ yindœ nœ.»

⁴⁰ Manda nœ, tshe gu ga ndœ ayambarœ yé œ gbɔ endje lœ olo. Tshe pa fœ Petro adœke: «Shimu, 'e sœsœ dœ gbɔgbɔ kœsœ dœ uburu ala 'e awa bale dœ mœ manda ada ɔɔ bale nene a?

⁴¹ 'E lolo nene yé œ za avwala mbœrœ adœke 'e yoyo ga lœ kœwu lœsu nene. Ishiri uzu su dœ gbɔgbɔ, kashe undu ye gugu dœ gbɔgbɔ nene.»

⁴² Tshe kpa gitœ ye zara tœ bishanœ kœza avwala dœ kœpa adœke: «Aba mœ, œdœ œ koeli, za yashi œrœ kanganœ asœke adœke mœ ndjondjo nene. Kaka 6œ mbœrœ 6ata á 6œ yindœ nœ!»

⁴³ Tshe kpa gu ga ndœ ayambarœ nœ ye, œ gbœ endje kolœ lœ olo, mbœrœ ala endje sœ lima dœ kikilinœ, awa kœkœrœ tœnœ gugu nene.

⁴⁴ Tshe kpa gitœ ye, yé œ za avwala tœ votœnœ kolœ dœ kœpa tshetœ o'onœ asœmœ.

⁴⁵ Manda nœ, tshe kpa gu ga ndœ ayambarœ œ pa fœ endje adœke: «'E sœpe kœlo tœnœ œdœ pe kœyatœ 'e! Ngœngœnœ asœke, ada ɔlœ á endje za Gbolo nœ uzu ga tshakane aayi kœmbœrœ ekperœ li ye.

⁴⁶ 'E alafo, a na zœ. Ayi kumu mœ á tshe za mœ ga tshakane endje na ye.»

Kœza Yisu

(Wu 6a tœ Mar 14.43-50; Luk 22.47-53; Yow 18.3-12)

⁴⁷ Yisu sœpe kœpa o'o kolœnœ atake, Yudasi, anga yambarœ bale lœ andjokpa dœ bisha yi kumu ye. Tshe na awa bale dœ ukpulu azu ndjoro dœ ingiri yakamba œdœ pe ndindi ɔyœ tshakane endje. Agbozu tshapa anganga Ndjaba œdœ agbozu Ikriaia dá vwa endje.

⁴⁸ Uzu á tshe za Yisu ga tshakane endje yi lima œsœ ambárá œrœ adœke: «Uzu á mœ kœ'uru tshelœ utu ye, dá œshe dœmœ; 'e za she.»

⁴⁹ Trale atake, Yudasi wuta œ na ga ndœ Yisu á pa fœ she adœke: «Abala, Rabi!» Manda nœ, tshe 'uru tshelœ utu ye.

⁵⁰ Yisu pa fœ she adœke: «Yanga mœ, mbœrœ œrœ á 6œ gbe dœ toœnœ.» Yé azunœ tepa ye, á za she.

⁵¹ Anga bale lœ ugurutœ endje á endje na dœ Yisu gbota ingiri yakamba nœ ye á de anga ayi akwa nœ egerœ nganga Ndjaba, yé á wa utu ye ndja toœnœ.

⁵² Á Yisu pa fœ she adœke: «Gi ingiri yakamba nœ zœ ga mangbance, mbœrœ azu kœ á endje nga koshe dœ ingiri yakamba, endje tshu kolœ kuzu nœ ingiri yakamba.

⁵³ Bœ wuwusœ nœ adœke œdœ mœ kœyœndœ azu 6a ndœ Aba mœ, tshe vwa ngœngœnœ asœ ukpulu aandjelu kœro pa ndjokpa dœ bisha fœ mœ adœke endje ti kane mœ nene a?

⁵⁴ Kashe, tœ œeneke, dœ mara gadœ dá o'o ala buku nœ Ndjaba li kœmbœrœtœ endje lindœnœ adœke œ sœ ataa.»

⁵⁵ Dœ ada œlœnœ asœmœ, Yisu pa fœ ukpulu azu adœke: «'E na kœza mœ dœ ingiri yakamba œdœ pe dœ ndindi œyœ, 6ata œmœ kœdœ ayi angba a? Ōlœ dœ œlœ, mœ sœ lima kœsœ ga ati 6a lœ Tepelo kœyisœ œrœ, yé 'e zaza lima mœ nene.

⁵⁶ Kashe œeneke kœ wuta mbœrœ á o'o aayi kœgbara o'o pa lima kœmbœrœtœ endje.» Yé, ayambarœ kœ katœ ye ti, œ kpa ye.

Yisu 6a utshu ayi kœwa ngbanga

(Wu 6a tœ Mar 14.53-65; Luk 22.54-55,63-71; Yow 18.13-14,19-24)

⁵⁷ Endje á endje za lima Yisu, gu dœ she 6a ndœ Kayifa, egerœ nganga Ndjaba á aayi kœyisœ awa akwa œdœ ndje dœ agbozu Ikrizia ngbœtœ endje 6a ndœ ye.

⁵⁸ Petro sœ lima kœna manda Yisu yima yima lœ ingirinœ œerrr 6a lœ gbagba nœ egerœ nganga Ndjaba. Tshe li ga zœ œ sœ ga indiri aayi akwa ndœ kœwu mara á o'onœ œ ka dœ tœnœ.

⁵⁹ Andaa, agbozu tshapa anganga Ndjaba dœ pe aayi kœwa ngbanga nœ azu nœ Ndjaba kœ, lœ lima kœpara awa adœke œne gbœ anga uzu á tshe kœpa anga ekpe o'o goro œsœ Yisu yeka á œne kœgbœ awa kœwa ngbanga nœ kuzu ga tœ ye.

⁶⁰ Kashe ataa aayi kœpa ekpe o'onœ ma lima tœ endje ndjoro gbaa, endje gbœgbœ œrœ bale nene. Kwata œerrr, anga endje bisha matœ endje

⁶¹ yé œ pa adœke: «Uzunœ asœ pa adœke: “Mœ li kœndi tshelœ Tepelo nœ Ndjaba yé œ mœ ga mangbanœ manda olo votœ.”»

⁶² Egerœ nganga Ndjaba álafo œ pa fœ she adœke: «Bœ gugu dœ o'o kœgi tœnœ tœ œeneke kœ á azu asœ pa ga pa zœ nene a?»

⁶³ Kashe Yisu sœ lima kokoko. Yé egerœ nganga Ndjabanœ kœyu she adœke: «Mœ sœ kœyu 6œ, 6œ dara ama zœ dœ i'iri Ndjaba nœ soro: Œ6œ kœdœ Masiya Gbolo nœ Ndjaba a?»

⁶⁴ Yisu gi fœ she adœke: «Bœ pa dœ tœ zœ ye. Kashe mœ sœ kœpa ngbi fœ 'e adœke: Kœto ngœngœnœ asœ, 'e wu Gbolo nœ uzu kœsœ ga ati ga tœ kuni Ndjaba nœ gbœgbœ kœ; 'e wu ndje she kœjerœ 6a pa ondoro 6a lafo.»

⁶⁵ Yé egerœ nganga Ndjaba suru tshelœ lœba tœ ye œ pa adœke: «Tshe gu œsœ Ndjaba! A kpa gbegbe dœ atimu nene! 'E totœ kœdji kœgu osho á tshe gu tœ Ndjaba ye.

⁶⁶ 'E gbe má œne 'e tœnœ kotoo?» Endje gi adœke: «Tshe li dœ kuzu.»

⁶⁷ Manda noe, endje tetoe koetu ngusha ga tshatshu ye oe soe koedu she, ye anga endje soe koeda ala ye.

⁶⁸ Endje pa foe she adoeke: «Masiya, oedoe boe koedoe ayi koegbara o'o, pandoe noe foe 'a: Ede da bi boe a?»

Petro 'ea Yisu

(Wu 6a toe Mar 14.66-72; Luk 22.56-62; Yow 18.15-18,25-27)

⁶⁹ Andaa Petro soe lima ga ati ba ushu ba loe gbagba, anga yashe akwa na ndoo doe she ye oe pa foe she adoeke: «Eboe ndje, boe soe lima awa bale doe Yisu uzu Galilayi!»

⁷⁰ Kashe tshe vusoe noe utshu azu ko doe koepa adoeke: «Moe wuwusoe o'onoe a boe yindoe koepa toenoe asoe nene.»

⁷¹ Bata a tshe soe lima koena gu ndoe oesoe manda gbagbance, anga angbi yashe akwa kpa wu she ye oe pa foe azu a endje soe lima kpoetoe moe adoeke: «Uzu asoe soe lima awa bale doe Yisu uzu Nazarete.»

⁷² Petro kpa vusoe noe doe koedarama ye adoeke: «Moe wuwusoe uzunoe asoeke nene.»

⁷³ Manda noe teasho, azu a endje soe lima kpoetoe moe gitoe endje ndoo doe Petro, ye oe pa foe she adoeke: «Adja, oeboe koedoe anga uzu noe endje, ye o'o zoe soe koema boe ataa.»

⁷⁴ Ye Petro tetoe koedarama ye doe koepa o'o adoeke: «Kaka Ndjaba za djofele foe moe oedoe moe koepa wala! Moe wuwusoe uzunoe asoeke nene.» Ngbewo, kongato ki.

⁷⁵ Ye Petro gbetsheloe ye ndoe o'onoe a Yisu pa lima foe she adoeke: «Utshunoe adoeke kongato ki,

6œ 'ea mœ awa votɔ adœke 6œ wuwusœ mœ nene.» Tshe wuta ga ushu, yé ki dœ oyo.

27

Yisu 6a utshu Pilato

(Wu 6a tœ Mar 15.1; Luk 23.1-2; Yow 18.28-32)

¹ Dœ amazi tuu, agbozu tshapa anganga Ndjaba kɔ dœ pe agbozu Ikrizia ngbɔtœ endje ga tœnœ kœwa o'o ndœ kœwo Yisu.

² Manda nœ, endje i Yisu ga tœnœ, œ na dœ she yé á za she fœ gbozugo á i'iri ye kœdœ Pilato.

Kuzu Yudasi

(Wu 6a tœ Akw 1.18-19)

³ Yudasi á tshe za she yɔ œrœ, wu adœke endje wa ngbanga ndœ kœwo Yisu, egerœ gbetshelœ za she, tshe kwa œ gi langere ngendjanœ zazu bale dœ ndjokpa fœ agbozu tshapa anganga Ndjaba dœ pe fœ agbozu Ikrizia,

⁴ yé á pa fœ endje adœke: «Mœ mbœrœ ekperœ, mœ za uzu á tshe mbœmbœrœ ekperœ nene fœ kuzu.» Kashe endje gi fœ she adœke: «'A soesœ loenœ nene! Tœnœ kœdœ o'o nœ zœ!»

⁵ Yudasi ko ngendjanœ va ga lœ Tepelo, yé á na kœdu uwu ga lœ igi ye ndœ kœwotœ ye.

⁶ Agbozu tshapa anganga Ndjaba rɔ ngendjanœ yé á pa adœke: «Awa akwa nœ azœ yiyindœ nœ adœke a ko mara ngendja ataa ga ugurutœ kœgbœrœ nœ Tepelo nene, mbœrœ tœnœ á to lœ ngendja indji uzu.»

⁷ Manda kœdjitœ endje, endje za œ yɔ dœ kindi nœ ayi kœmbœrœ lɔsú mbœrœ kœza tœ tshapa udu nœ agene.

⁸ Mbœrœ tœnœ ataa œrrr ga tœ kpesheke, i'iri kindinœ ascœmœ kœdœ: «Kindi indji uzu.»

⁹ Yé œ mbœrœtœ endje ataa mbœrœ o'o á ayi kœgbara o'o Yilimiya pa lima kœmbœrœtœ endje, tshe pa adœke: «Endje za ngendja zazu bale dœ ndjokpa, œtœnœ kœdœ ama ngendja á agbolo Israyele wa lima tœ upu nœ ye;

¹⁰ yeka á endje za ndœ kindi nœ ayi kœmbœrœ lœsú, 6ata á Gbozu vwa lima mœ ndœ kœpandœ nœ.»

Pilato sœ kœyu Yisu

(Wu 6a tœ Mar 15.2-5; Luk 23.3-5; Yow 18.33-38)

¹¹ Yisu ka 6a utshu gbozugo á i'iri ye kœdœ Pilato. Gbozugo yu she adœke: «Æ6œ kœdœ gbozugo nœ Ayuda a?» Yisu gi fœ she adœke: «Æ6œ dá sœ kœpa ataa.»

¹² Kashe o'o á agbozu tshapa anganga Ndjaba dœ pe agbozu Ikrizia sœ kœpa ga pa ye, tshe gigi lima o'o nene.

¹³ Pilato pa fœ she adœke: «Bœ djidji o'o á endje sœ kœpa ga pa zœ ascœ nene a?»

¹⁴ Tshe gigi lima o'o ndœ nœ bale nene, yé gbozugo za lima ama ye ti œœ.

¹⁵ Dœ lœndœ angbo Pake bale dœ bale kœ, gbozugo sœ lima kœvwara anga ayi kána bale á ukpulu azu yindœ ye.

¹⁶ Andaa, endje sœ lima dœ anga ayi kána á endje para wu lima sœ ye, i'iri ye kœdœ Yisu Barabase.

¹⁷ Pilato yu ukpulu azunœ á endje ngbœtœ endje ga tœnœ adœke: «Ædœ dá 'e yindœ nœ adœke mœ katœ ye a? Yisu Barabase too Yisu á endje e she Kristu?»

18 Mbœerœ tshe wu lima sœ nœ adœke endje sœ dœ úkú ga tœ ye yeka á za she na toenœ asœmœ.

19 Ɔlœ á Pilato sœ kœwa ngbanganœ 6a lœ anda kœwa ngbanga, awonœ pa fœ she adœke: «Lili ga lœ o'o nœ uzunœ asœ nene, tshe sœ ndjii. Mbœerœ mœ lu dœ abutshœ asœ, lœsu mœ ka mœ mbœerœ she waa.»

20 Agbozu tshapa anganga Ndjaba dœ pe agbozu Ikrizia sœ kœli ga lœ azu adœke endje katœ Barabase kashe œ wo Yisu.

21 Gbozugo kpa yu endje adœke: «Ædœ ugurutoœ endje bisha á 'e yindœ nœ adœke mœ katœ ye fœ 'e a?.» Endje gi adœke: «Barabase.»

22 Pilato yu endje adœke: «Ærœ gade á mœ kœmbœerœ tœ Yisu á endje e she Kristu a?» Endje para gi adœke: «'E kuru she ga pa kurushi.»

23 Pilato yu endje adœke: «Ekperœ gade dá tshe mbœerœ a?» Kashe endje tetœ kœta rawa dœ agbœ adœke: «'E kuru she ga pa kurushi.»

24 Lœkœ á tshe wu adœke œne kpa wusœ œrœ á œne mbœerœ nene, tshe su ungu œ djutœ dœ kane ye utshu ukpulu azu dœ kœpa adœke: «Mœ dœédœ ayi kumu upu kuzu ye nene; œtœnœ kœdœ upu nœ 'e.» Gbambanœ nene, azu sœ lima kœoma dœ o'onœ waa.

25 Azu para gi adœke: «Kaka adœke indji ye sœ ga pa 'a dœ agbolo nœ 'a.»

26 Yeka á tshe kœkatœ Barabase, yé manda kœsœ Yisu dœ ndjapa, tshe za she fœ endje adœke endje kœkuru she ga pa kurushi.

Aturugu mœ Yisu

(Wu 6a tœ Mar 15.16-20; Yow 19.2-3)

²⁷ Manda noe aturugu noe gbozugo gu doe Yisu ga loe gbagba noe ye, ye ukpulu azu kpa dji she djikpata.

²⁸ Endje veroe loeba toe ye, ye a veroe yagbado odoro loeba ga toe ye.

²⁹ Endje veroe kpoto noe ishi ga toe kumu ye bata gbozugo, endje za tshangbalo ga toe kuni ye, a tetoe koegote ga utshu ye doe pe koemo she adoeke: «'A bala 6oe gbozugo noe Ayuda.»

³⁰ Endje soe koetu ngusha ga toe ye, oe za tshangbalonoe asemo a so doe kumu ye.

³¹ Manda koemo she, endje veroe yagbado loebano toe ye a gi ene ye ga toe ye, ye a za she na toene ndoe koekuru she ga pa kurushi.

Yisu 6a pa kurushi

(Wu 6a toe Mar 15.21-32; Luk 23.26-43; Yow 19.17-27)

³² Bata endje soe lima koewuta toene, endje gbo uzu tshalakpi Sirene, a i'iri ye koedoe Shimu, endje vwa she doe agbo ndoe koeka ata kurushi toe Yisu.

³³ Endje wuta ga toe osho a i'irinoe koedoe Gologota, oe yindoe koeka adoeke «Osho gbayashi kor.»

³⁴ Endje su ipi a endje ngboda doe shundado oeroe oe za foe Yisu adoeke tshe ndjo. Tshe dji otshano kashe tshe yiyi lima ndoe koendjo toene nene.

³⁵ Endje kuru she ga pa kurushi ye oe ta wuka mboeroe koekurutshelo loeba noe ye.

³⁶ Manda noe, endje soe ga ati 6a zoe mboeroe koegbandoe ye.

³⁷ Endje su ada koewo she ga pa tsheporo mafaya ye oe za ga pa kumu ye. O'ono pa adoeke: «Uzu asoe koedoe Yisu, gbozugo noe Ayuda.»

³⁸ Endje kuru anga aayi angba bisha ga pa kurushi ga indiri ye; anga ga pa kuni, yé anga ga pa gele ye.

³⁹ Azu á endje sœ lima kœvwanga tœncœ, sœ kœgu she dœ kœmea kumu endje,

⁴⁰ yé œ sœ lima kœpa adœke: «Æbœ á bœ pa lima adœke bœ ndi tshelœ Tepelo yé œ kpa mœ anganœ manda olo votœ; œdœ bœ kœdœ Gbolo nœ Ndjaba, shetœ zœ dœ tœ zœ yé œ jerœ pa kurushi ga ati!»

⁴¹ Awa bale, agbozu tshapa anganga Ndjaba, aayi kœyisœ awa akwa œdœ pe agbozu Ikrizia sœ lima kœmœ she yé œ sœ kœpa adœke:

⁴² «Tshe she lima anga azu, tshe shetœ ye dœ tœ ye! Æshe kœdœ gbozugo nœ Israyele, tshe jerœ ngœngœnœ asœ pa kurushi yé a kœyindœ nœ ga ndœ ye.

⁴³ Tshe za lœsu ye ga pa Ndjaba yé œ pa ngbi adœke: “Æmœ kœdœ Gbolo nœ Ndjaba.” Ædœ Ndjaba kœyindœ ye, tshe she she ngœngœnœ asœ!»

⁴⁴ Aayi angba á endje kuru lima endje ga pa kurushi dœ she gu ndje she awa bale dœ mara ataa.

Kuzu Yisu

(Wu 6a tœ Mar 15.33-41; Luk 23.44-49; Yow 19.28-30)

⁴⁵ Dœ kakpi œlœ, osho bu kporokoto pa ogo djigi œrrr ga tœ ada œlœ votœ manda kakpi œlœ.

⁴⁶ Kœwuta ga tœ ada œlœ votœnœ asœmœ, Yisu ta rawa dœ œgbœ tshama ye adœke: «Eli, Eli, lema sabakatani?» Æ yindœ kœpa adœke: «Ndjaba nœ mœ, Ndjaba nœ mœ, mboœœ gadœ á bœ katœ mœ ti a?»

⁴⁷ Anga azu ugurutœ endjeneke á endje sœ lima kpœtœmœ dji she yé œ pa adœeke: «'E dji ka, tshe sœ kœ'e Eliya!»

⁴⁸ Trale, anga uzu bale ugurutœ endje kpa œ nduru ndôhœrœ ga la ikpi vinu yé œ vwele ga tœ kumu wara yeka á yi ga tœ ama ye adœeke tshe ndjo.

⁴⁹ Anga endje pa adœeke: «'E kaka kane! A wu œdœ Eliya œ na kœshe she!»

⁵⁰ Kashe Yisu kpa ta rawa dœ œgbœ tshama ye, yé œ tshu ye.

⁵¹ Dœ lœndœnœ asœmœ, lœba á endje du 6a lœ Tepelo suru tshelœtœ ye bisha kœto 6a lafo œerrr ga ati. Ôshœ turu, tshelœ ogboro badja 'oro,

⁵² udu kœrœ, yé ayindœ Ndjaba ndjoro á endje tshu, kwatœ endje ga lœ soro.

⁵³ Manda Ndjaba kœshe Yisu lœ akuzu, manda kœwuta endje lœ udu, endje li ga lœ œyerœ ongbo Yerusalem, yé á azu ndjoro wu endje 6a zœ.

⁵⁴ Gbozu tshapa aturugu Roma œdœ aturugu á endje sœ kœgbœ lima ndœ Yisu dœ she, wu ôshœ á turu œdœ œeneke kœ á wuta lima asœmœ, awa za endje tœpanœ kpuru yé endje pa adœeke: «Uzu asœeke kœdœ lima adja Gbolo nœ Ndjaba tako.»

⁵⁵ Ayashe ndjoro ka lima zara á sœ kœtœndœ osho: Endje te lima mangba Yisu kœto 6a lœ Galilayi mbœrœ kœmbœrœ akwa fœ she.

⁵⁶ Mareya uzu tshalakpi Magadala, dœ Mareya ayi Jake dœ Yozefu, œdœ pe ayi agbolo nœ Zebedayi, sœ lima ugurutœ endje.

Kœshi yisu

(Wu 6a tœ Mar 15.42-47; Luk 23.50-56; Yow

19.38-42)

⁵⁷ Dœ adila, anga ayi kœgb̃arœ 6a lœ Arimateyo á i'iri ye kœdœ Yozefu yikumu ye; œshe kœdœ ndje lima yambarœ nœ Yisu.

⁵⁸ Tshe na ga ndœ Pilato yé œ yu she tœ oko Yisu. Yé Pilato za awa adœke endje za fœ she.

⁵⁹ Yozefu za oko Yisu œ vwele ga tœnœ dœ ɔtshɔ lœba,

⁶⁰ yé á za ga lœ tafo udu á tshe totœ kœdji tœnœ 6a lœ ɔngɔ badja. Manda nœ, tshe vwiri egerœ badja ga tœ mandanœ yé œ gu da ye.

⁶¹ Andaa, Mareya uzu Magadala œdœ anga angbi Mareyanœ sœ lima ga ati 6a utshu udunœ.

Kœgb̃andœ tshapa udu

⁶² Olo bale manda nœ, tœnœ kœdœ lima lœkɔ utshu sabata, agbozu tshapa anganga Ndjaba dœ pe Afarisayi na awa bale ga ndœ Pilato.

⁶³ Endje pa fœ she adœke: «Gbozu, 'a gbe dœ o'o á ayi wala asœ pa lima lœkɔ á tshe sœpe dœ soro. Tshe pa lima adœke: “Manda olo votɔ, Ndjaba œ she mœ lœ akuzu ye.”

⁶⁴ Za awa adœke endje gb̃andœ tshapa udu asœ œrrr ga tœ votɔ olo yekane, ete nene ayambarœ nœ ye œ zi angba ye, yé œ pa fœ azu adœke: “Ndjaba she lœ akuzu ye.” Yé walanœ asœ œ kpa ropa œneke lima utshunœ ye.»

⁶⁵ Pilato kœpa fœ endje adœke: «Aturugu kœgb̃andœ œrœ dœke. 'E na dœ endje dœ endje gb̃andœ tshapa udunœ ɔata á 'e wa asœmœ.»

⁶⁶ Ataa, endje na ga pa udu œ guma mara kœgb̃andœ nœ: Endje iwɔi badjanœ œ tshu dœ mandanœ yé á katœ aturugu ndœ kœgb̃andœ nœ.

28

Kæshe næ Yisu læ akuzu
(Wu 6a tœ Mar 16.1-10; Luk 24.1-12; Yow 20.1-10)

¹ Manda olo sabata, kœli ga læ ali olo næ pɔsɔ, Mareya uzu Magadala dœ pe anga angbi Mareyancœ na kœwu tshapa udu.

² Trale atake, ɔshɔ turu dœ agbɔncœ. Anga andjelu næ Gbozu to 6a lafo œ jerœ, œ vwiri egerœ badja tœ manda uduncœ yé á sœ ga pa næ.

³ Tshe sœ lima 6ata kœyerœwa yavuru, yé læba ye sœ dœ imbinœ 6ata ondoro.

⁴ Aturugu sœ lima kœde gbaragbara dœ awa, yé œ sœ 6ata azu á endje tshu ye.

⁵ Kashe andjelu za o'o yé œ pa fœ ayashencœ adœke: «Awa zaza 'e nene, mœ wusœ næ adœke 'e sœ kœpara Yisu á endje kuru she ga pa kurushi.

⁶ Tshe gugu kpeke nene, mbœrœ Ndjaba she she læ akuzu 6ata á tshe pandœ næ lima fœ 'e. 'E na ga mœ œ wu osho á tshe lo lima tœncœ.

⁷ Yé 'e gu katsha œ pandœ næ fœ ayambarœ næ ye adœke: “Ndjaba shé she læ akuzu ye, yé tshe ro utshu 'e ga læ Galilayi da ye; 'e wu she 6a zœ.” Ætœncœ dá mœ pandœ næ fœ 'e asœmœ.»

⁸ Endje katœ tshapa udu ti dœ awa œdœ pe dœ yanga, œ kpagu kœpandœ næ fœ ayambarœ næ ye.

⁹ Trale, endje wu Yisu kœna ga ndœ endje, á pa fœ endje adœke: «Mœ bala 'e!» Endje gitœ endje ndoo ga ndœ ye, œ tepa ada ye yé á gote ga utshu ye.

¹⁰ Yé Yisu pa fœ endje adœke: «Awa zaza 'e bale nene. 'E gu œ pandœ nœ fœ aaya mœ adœke endje ro ga lœ Galilayi: 6a zœ dá endje wu mœ.»

O'o tœ upu nœ aayi kœgbøndœ udu

¹¹ Lɔkɔ á endje sœpe lima tœ ala awa, anga aturugu lœ ugurutœ aturugu kœgbøndœ udu ro ga lœ ongbo, œ pandœ œrœ kɔ á ro 6a zœ fœ agbozu tshapa anganga Ndjaba.

¹² Manda kœngbɔtœ dœ kœdjitœ agbozu nganga Ndjaba dœ pe agbozu Ikriزيا, endje to ngendja dœ egerœ nœ fœ aturugu,

¹³ yé œ pa fœ endje adœke: «'E pa ngbi adœke: Lɔkɔ á 'e sœ tœ olo, ayambarœ nœ ye na dœ butshɔ œ za angba oko ye yé.

¹⁴ Yé œdœ gbozugo kœdji o'onœ asœ, a'a dá ru alancœ yé á mbœrœ adœke 'e gbɔgbɔ o'o nene.»

¹⁵ Aturugu za ngendjancœ yé œ tetœ kœmbœrœtœ endje lindœ o'onœ á endje za fœ endje asœmœ. Ataa, o'onœ asœ kaka osho 6a ndœ Ayuda œerrr ga tœ kpesheke.

Yisu matœ ye fœ ayambarœ nœ ye

(Wu 6a tœ Mar 16.14-18; Luk 24.36-49; Yow 20.19-23; Akw 1.6-8)

¹⁶ Ayambarœ nœ ye ndjokpa dœ bale na ga lœ Galilayi 6a pa kaga á Yisu yi lima sœ nœ fœ endje.

¹⁷ Lɔkɔ á endje wu lima she, endje gote ga utshu ye; kashe anga endje ugurutœ endje sœ lima dœ sharapu.

¹⁸ Yisu na ndoo dœ endje, œ pa fœ endje adœke: «Ndjaba za tshagbozu kɔ nœ œrœ tshalafœ dœ pe œncœ tshapa shɔ fœ mœ.

19 'E na djelœ ogo kɔ, 'e fa azu tœ ayambarœ nœ mœ, yé œ za batisimu fœ endje dœ i'iri Aba, dœ Gbolo dœ pe ʒtshɔ ishiri,

20 'e yisœ nœ fœ endje adœke endje gbɔndœ œeneke kɔ á mœ za lima dœ o'o fœ 'e. Yé œmœ, mœ sœ dœ 'e awa bale ɔɔ dœ ɔɔ œerrr ga tœ kœka tshapashɔ.»

Mono
Mono New Testament

copyright © 2020 Wycliffe Bible Translators, Inc. and ACOTBA-SUBO

Language: Mono

Contributor: Association Congolaise Pour la Traduction de la Bible et
Alphabetisation - Sukisa Boyinga

All rights reserved.

2025-05-14

PDF generated using Haiola and XeLaTeX on 14 May 2025 from source files
dated 14 May 2025

fe1a9e91-0d4a-5969-816d-e467ff6cc983